


UTL AT DOWNSVIEW



D RANGE BAY SHLF POS ITEM C  
39 10 10 04 03 003 8

1.6.72

PLEASE DO NOT REMOVE  
CARDS OR SLIPS FROM THIS POCKET

---


UNIVERSITY OF TORONTO LIBRARY

---

DR  
451  
I89  
1833

'Izzet, Mehmed, Ramizpaşazade  
Harita-'i kapudanan-i  
deryay










2673

89 / 239

İzzet, Mehmed, Rāmizpaşazade

Harika pūdānān-i deriyā




DR  
451  
I 89  
1833

(خریطهٔ قیودانان دریای)

\* بحر ما \* اجر اسيله عمان عبوديته  
 صالویریلان دویای دریارای جدید جناب  
 و مرسل الراح من جو السماء  
 حضرت تبارک و تعالیٰ  
 \* هو اسيله \* ولقد نجینا \* صوینده  
 پوپاسنه کیدوب مر سای جودی جود الهی یه  
 فونده تیمور اولنور که سفینهٔ سینۀ امت محمدیه یی  
 قومانبۀ دین و قومانبۀ جبل متین ایلہ تجہیز و تشمین  
 و شرع عشرع مبین ایلہ دونادوب تزیین ایتشد  
 \* ذلك فضل الله يؤتیه من یشاء \* و تسمات تسلیمات  
 هو اسيله اسـکـلـہ استعدأدن صالیاتیمور الارغہ

ایدیلان





ایدیلان کشتیهای جوار المنشآت صلوة مواصلات  
 غایبه وترنکت اداسنه وفیلو قلو یه پیوسته اوله رق  
 نوح خلیه جلیه فیض وفتوح (لمنشئه) ناخذ اسید  
 دیمیر دین انک زور قیدر آل واصحابی ایسه ملاح پرز  
 ونقیدر (نثر) نعتی حبه حباب بحر محیط مدحتی اولان  
 سنجق کشای فلک فلک آرای دین اهترت اعلام علایم  
 العلمیه بنسایم الصلوة السنیة مادامه الكرة النسمیه مابین  
 السموات والارضین افند مرک ایمان امان شفاعت  
 پناهیلرینه پلامار بندر بط قنور که قلیون کشاده  
 بادبان ملت احدیه بی طوفان عالم محیط ظلمت ضلالتدن  
 خریطه السعدای شریعتیه خلاص وسوی ناقر  
 قهر ومذلتدن هوای هدایتیه استخلاص ایدوب  
 اداره سکان سلامت ورهمنای پوصله عون وعنایتله  
 قراضه البحر سمت سعاده ایرکور مشدر  
 \* صلوا علیه وسلموا تسلیما \* وسفن سنیه ترضیه رضیه  
 ال واصحاب فلک جنابک اسکله اهتداری صوینده  
 قرینه ایدیلور که هر ری فرقه اسلامی فرقتین هداده  
 حلقه پیرای دشمنگیری ایله مانعه مانعه واعدا ی لثامی  
 زور سیف سطوتله پایسته کران قید پرانغه ایدوب

بورده ذيب پکسان نصرتله یکسر کفازی یکسان  
 خزی و خذلان ایدرک اعلای کلمه الله العلیا و سفاین  
 سواران امت هر حومه بی تکنه پر کینه کفره یه  
 بسط رانده رانیه ذیب تغلب ایتدیررک بحر ده و برده  
 تاما و راء النهره قدر جمیع یرده اعلام اسلامی تابسماء  
 ترفیع و اعلای بیور مشلدر (ع) \* علیهم رضوان الله  
 تعالی \* (بعد ذل) ترسانه دولت علیه دما مور تجهیر دوتنا  
 و دیوانخانه سلطنت سنیه ده فرمانفرمای امور دریا  
 اولان قیودان پاشارک دوتنای تراجم احوال صحیح  
 و سالم فیلو ذیب ضبط و تخریر اولندیغی اینته عالمده  
 کورلماش و حسب القدر ایجلزنده پدر دخی بولنمش  
 اولدیغندن عموما قیودان دریا اثرک و خصوصیه  
 هر حوم پدرک ارا بش وسط البحر تدر کر اولملرینه  
 پلامار بندی سییت غرضیه حقیر بی قدرت  
 رامز پاشازاده محمد عزت مشار الیهک ارمه ارای  
 ترجمه حالری افاده سنه ابتدا روترسانه عالمده روز کاره  
 یاد کار اولیق اوزره موافق تاریخ اتمامی اولان (خریطه  
 قیودان دریای) ۱۲۵۸ نام براعت انماسنی تسمیه  
 ایدرک دست ادای حسن اشتهار قلمشدر (ومن الله  
 التوفیق



التوفیق ) مؤرخین بنامدن کاتب چلبی و سائر کبی  
 مهره موثوق الکلام مک صحیفه در یاسای صحت  
 اوزره دونانمش اولد قلری دونغای رعنار و روایتلری  
 شوصول ده لنگر اندازی استقرار افاده در که دولتعلیه  
 ابدی الدوامک سرفرازی نک بدایتی و شهای زعا  
 خداوند کار لقب سلطان مراد خان غازی نک ابتدای  
 سلطنتی اولان یدییو زالتش بر تار یخنده مخالیح  
 و قره سی امیر الامراسی اولان شهرزاده شهادت افزا  
 غازی سلیمان پاشاک نحره اقدامده نحر اولنان اجله  
 جلیل الاهتمامی صیریمندن صارمه باغلرایله ستون  
 بندهمتی اقتضاسیله ربط و ترمیث قلنان ایکی قطعه  
 بیوک صالر قرق فرمر دجنک اور بنوب اعانت جناب  
 مجری الفلک علی الماعود لالت ناخدای تقدر خدا یله  
 بر کیمه روم ابلی کچه سنه کچوب چنی قلعه سنی فتح  
 و تسخیر و مؤخر اکیبولی و حوالی سنی دخی انوار شعائر  
 اسلامیه یله فیض کیر تنویر ایتملریله شهرزاده مشارایله  
 کلیو اینک اب و هواسنی و صید و شکار ایچون کوه  
 و صحراسنی بکنوب اساس اندازی سرای نو طرح  
 اقامتله او راده اکلند یکندن قره سی قره سنیدن

کلیبولی‌یه و کلیبولیدن اوتیه بری‌یه مرور و عبور ایچون  
 دریایم ای لزومنه مبنی بر طاقم تکیه شراع بند تدارک  
 ایتمکله حسب القدر شکار اوزره بر کون ات قوغار ایکن  
 لغزش اسب کج رفتار ایله سایه اسازمینه دوشه رک  
 تزو تیز و روحنی شهیاذ شهادت شکار و روحه الله  
 روحه بکرم ترکیبی تاریخنده دراغوش حور العینه  
 کشاده اغوش اوله رق جنه الاعلا یه رفتار ایتمکله  
 کلیبولی‌یه ایکی ساعت مسافه اولان بولایر نام محله  
 بنا کرده هندسه کاریء همتی اولان تربه لطیفنده  
 زبور صندوقه مفیض النور و حیرتزدکان اوموره  
 زیارتنده استعانت ظهوری مشهور در اندنصر کره  
 کلیبولی امیر الامر اسی اولنلر اول تکیه لری قوماندا  
 ایده کلکله شارق مشارق کشف و یقین مولانا  
 اق شمس الدین روحه الله روحه بروایح العلیین  
 حضرتلرینک زاده طبع کالات نبعلری اولق اوزره  
 (بلده طيبة) ترکیبی تاریخ دوشرد کلری  
 قسطنطنیه نیک فتح فیروز ندنصر کره اق دکر و قره دکر  
 صولرینه جاری اولان سفر لر سببیه دوتناک عددی  
 ارتلش ایه ده قیودان اطلاق اولمیه رق اوزر لرینه  
 باش



باشو غ اولان ذات گاهك و گاهى بكار بكي و بعض  
 كره دخی و زرادن اولوب اكثر يسنك عهده سنه ده  
 كليبولى سنجاغى توجيه و صكره لرى جزاير غرب  
 اياتى الحاقيله ديوانخانه وقع و اقباللرى توسيعياب  
 ترفيه بيوراش ايدوكى تاريخده كورلشدر كاتب  
 چلبينك تحرير و تحقيقنه كوره دولتعليه ده تجهيز  
 دوغما و سفر پيائى دريا خصوصلرى ابتدا ايتاليان  
 و رومان واسپانبولدن اخذ اولنديغنه مبنى عادت  
 طبعى اقتضاسيله انلرك اسانلرى اولان الارغه  
 و الاباندا و اورصه بوجه وصاله و فونده كى الفاظ  
 فرنكيه انلردن ايشيدلدىكى وجهله قوللانيلوب قالمش  
 و قيودان تعبيرى دخی ايتاليان اساننده رئيس القوم  
 معناسنه اولان قيودان لفظندن تحريف ايدلمشدر

(تذيل)

فرانسه اسانندن تركى يه ترجمه اولمش اولان  
 معتبر برتار يخده شهراده مشارايله سكسان نفر ايله  
 كليبولى يه كچوب اوراده بولنديغى اوفق تفك كفره  
 تكنه لرى يلكن و كورك قارشويه سوق و اسرا  
 و بهشت قرار غازى خداوند كار دخی اوچييك نفر

اسلامه بروسه دن تحريك رايه ارامله اوچكونصكره  
كلوب يتشد يكندن اول فايقلرايله كليبولي يه كچه رك  
علم افراز ميدان غزا و كليبولي و ملغره و كشان  
وايصاله يي واحدا بعد واحد فتح واستيلايله  
اول اراق راغوزه جمهوري تعبير ايديلان واليوم  
دو بره ونديك دنيلان خلق خواجه كسدر ك يدلرينه  
اعطا اولنان امان افري بالاسنه پر عقليله بر علامت  
وضع و اشارت ايتلريله اول رسم مؤخر احسن صورته  
توسيم و تأسيس قلنسه رفق طغرا عنواني تخصييص  
ايدلش ايدوكي ارايش توقيع موقع افاده در  
(استطراذ)

(در لسخابه في سرالكتابه) نام تأليف لطيفه ده  
طغراي غرائك زيري اورنك ادای سلطنت بولسان  
پادشاه كردون عظمتك اسم ساميسيله خطبه ده  
تذكري كبي پدرلري و بيوك پدرلري خداوند كار  
بهشت قرارلرك نام ناميسني افاده دن عبارت برامضا  
يوقارويه چكيلان اوچ دانه ستون ار باب جغرافياك  
رأي زويت مقرونجه اورو پاواسيا و افريقا ناميله  
دنياك تحديد و تقسيم اولنمش اولان اوچ قسمينده ده  
سلطان



سلطان البرینک عنوانی اقتضاسنجہ الہکای مستثناسی  
 اولدیغنه وستونلرک اره لرندہ قلیج واری زلفه دنیلان  
 شیہ لرمالک اولدیغی ممالکی زور سیف نبرد ادای  
 سطوتله جبراً و قهراً الدیغنه و کیرودہ کی بیضه تعبیر  
 ایلد کلری دائرہ لر خاقان البحرینک شانی مقتضاسنجہ  
 قره د کرک تمامی سوا حلقه واق د کرک دخی کریدہ  
 ساحلقه فرمانفرما اولوب المظفر دایم الفظنک رسمیده  
 ایکی دکرده ده اطول واصغر متعدد و معتبر جزائر  
 جدیر التملکی بولندیغنه و امضاتک او کنده کی قوللر  
 سرمدی القیام اولان سلطنت سنیه ک شرعشرف  
 وقانون هیفہ زیاده انقیاد و کمال عدل و داد ایلہ  
 اجرای حکومت بیوردیغنه اشارت پر بشارت  
 اولق اوزره نسخہ یرجهانده مهر سلیمان کی رسم  
 قلمش بر نشان ذیشان و بوجہ و جیله جهت جامعہ  
 سطوت و عدالت افاده سنده کرامتله نقش اولمش  
 بر توقیع رفیع عالیشان ایدوکی منشور ادای افاده  
 و بیان و پنجه ده فرمان بیورلدی اراده سنی اراده دن  
 عبارت اولق اوزره بیورلدیلرک زیرینہ رسم  
 اولنه کلدیکی بیورلدی ارای اراده و اعلاندر

(شهرزاده سلیمان پاشای غازی ابن السلطان اورخان  
غازی طاب ثراهما وجعل الجنة مثواهما)

شهرزاده مشارالیهک بالاده دریاذیب نقل وافاده اولنان  
صاللرایله چنی قلعه سی فتحنه موفق اولسنی بعض  
مؤرخین دریا جنسکندن صایمور و قپودانان دریا  
اثرک دونمای تعدادلرینی استانبول فتحندنصرکه  
ساحل ارای افاده و ایراد ایدوب مقدمه پلامار  
بندی التفات اتمو رایسه ده بو حاله مرات  
مرئی الانصافله باقلدیغی حالدیه حقانیت صورندن  
یوز میل وسط البحر میل ایدوکی مستغنی ارئه  
مرایای افاده درزیرا که شهرزاده مشارالیهک بدایت  
وبداوت دولتعلییه اولان مدته صاللرایله چنی  
قلعه سی فتحیچون دگری کچمکده و صکره برطاقم  
تکنه لری مقصداف بندتهیه ایتکده جله یه تقدیمی  
واضح البرهان والفضل المتمدن قاعده سنه رعایتله  
انلرک دایه سعادیه نام نامیلری بعدازان سلطنت  
سنیه ده ترسانه ارای علو علوان اولان قپودانان  
دریانک ستون اسامی سامیلری اوزره اوج ارای  
عنوان اولق لازمه حال وشاندر



(بالطه اوغلی سلیمان بك)

میرمومعی الیه بالای برات سلطنتی (فلانم الامیرامیرها)  
 طغراسیله توقیع یافته مدحت بندی اولان شهریارانك  
 ممتازی ابوالفتوحات والمغازی فاتح سلطان  
 محمد خان غازینك مظهر اثر (لتفتحن القسطنطینیة)  
 اولان استانبولك فتح فیروزنده باشوغی اوله رق  
 کلیولیدن دوتغایی کتوروب کلمکله حصار  
 استانبولده محصور بولسان کفره روی دریایی  
 سدایمه سوداسیله غلطه اوکنه زنجیر کردکلری  
 سبیلده بشکطاش اوکنندن دوتغایی قزاقلر اوستنه  
 غلطه ارقه سندن طولش دیره رق فنار خدا سندن  
 دکره ایندیرمک وایچلرینه پرسازوننك نهنگان دریایی  
 جنکی طولدیروب استانبول یاقه سنه کچیری ویرمک  
 خدمتی ادا ایتمش اولوب ماعداترجه حالی بولمنق  
 ممکن اوله مامشدر

(تذیل)

ترجه تاریخ مذکورده فاتح استانبول خداوندکار  
 مدحت شمولك جد امجدلری رابع خداوندکاران  
 غزاعنوان جنتمکان یلدرم بایزیدخانك دخی استانبولی

ارسال مر سال تضییقه محاصره قلمدیغنه وایمپراطوری  
بولنان پالیالوغی صندالی حکومتدن ابعال ایله اوغلو  
اندرونقی صعاد و بعدله انی تنزیل ایله ینه پدرینی  
اقعاد ایدوب سنوی اون بیک التون ویرکویه کسه رک  
درون استانبوله برجامع و برمدرسه و برمحکمه بنا  
واناطولی حصار بنی اساس اندازی انشایوردیغنه  
کسب اطلاع و پدر جنت مقرری سادس شهریاران  
یمدانی غازی سلطان مرادخان ثانیك دخی منجباب  
ایجابی زجل ایله زجر و محاصره سنده مانع ظهورندن  
ناشی (ع) مال کافر هست بر مؤمن حلال (مأله) له  
برحق هدیه الهرق یراقوب کتدیکنی استماعله  
بونلرک دخی جلوس ثانیلری اولان سکر یوزالی بش  
تاریخلری استانبولک قحی خصوصی افتابدن پر آب  
تاب اولان خاطرانو قدر مظاهر لنده شعله فرور  
شوق التماع ایتمکله ادرنه دن سوق سنورو بو عازا یچنک  
روم ایلی سمتنه وضع اردوی عسکر موفور ایله  
روم ایلی حصار بنی بنا و بعد الاتمام بنار اراسنده  
بولنان روملری بستیون اعدام ایدوب درتیوز  
یکچیری وضعیله قلعهنک محافظه سنه اعتنا ایدرک



طرف دار السلطنه ادرنه به عودت وایکی سنه صکره  
 استانبولک فتحیحون جمع سپاه واحضارالات قلعه  
 کیری ایله عزم راه بیورد قلنده کوتورد کلری عسکر  
 ایکوز الی بیک نفر اولوب جله سنک دسترس  
 اوله جقلری غنایم کندولرینک اولق وعد لازم  
 التشو یقیله نواخت وادوات محاصره دن اوله رق  
 کتورلمش اولان سکسان بش قطعه طوپک بریسی  
 پک بیوک اوله سبیلله دانه سنک داتر سی اون ایکی  
 قارش کلوب انجق کونده یدی دفعه انداخت اولنه رق  
 اردونک بری اوق میداننده خیمه ارآی ارامله  
 استانبولی دکر طرفدن محاصره و دیگر دی داود پاشا  
 صحراننده ربط طویلله سنور قیامله قره سمشدن  
 مبارزه ایدوب مومی الیه بالطه اوغلی سلیمان بکک  
 باشوغی اوله رق کلیبولیدن کتوردیکی دونخادخی  
 درتیوز یکر می قطعه اوفق قایقلردن عبارت اولمغله  
 قسطنطنییک جنو یز لو چوستینانی نام امر الک  
 قومانداسنده بولنان بش دانه بیوک کیلرایله ابتدا  
 بشکطاش او کند طوب اندازی محاربه ده رانپه  
 زیب غلبه ایده مد کلرینی خداوند کار سطوت افزا

بشکطاش اوزرندن سیر و تماشا بیوردق غضب  
 و اول ساعت مومی الیه بالطه اوغلی سلیمان بکی  
 حضور ینه جلبله یوز طپوز ضرب ایتمکله اول اراق  
 میر مومی الیهک ماء المر اساندن تلخکام خاطر اولمش  
 بولنمان یکچیرینک بریدخی انده کی صوطاسنی میر مومی  
 الیهک یوز ینه چار پمغله ترسنناک و مر دم دیده  
 جهاندیده سنک بر بنی اقتدیغندن اولوجهله اب عذب  
 ناموسنی پاشمش خاکی ایتدی دیونکاشته خامه تحریر  
 و افاده اولوب بوصورتله دوغنائک بشکطاش  
 اوککندن قرهیه النسی و غلطه ارقه سندن  
 طولاشدیر یله رق دکزه ایندی رملسی خدمتارینی  
 مومی الیه بالطه اوغلو سلیمان بک ادا ایتمامشه و اول  
 خدمات اخرک الیه کورلمشه بکزر العهده علی الراوی  
 قالدیکه روملرک دکزه کردکری زنجیر قره کوی  
 قیوسیه استانبول اره سنده اولوب غلطه ارقه سندن  
 طولاشدیر یلان دوغنادخی یتمش قطعه دن عبارت  
 اوله رق شمدیکی ترسانه اولان محلدن دکزه  
 ایندی رملکله روملر بو حاله شراره پاشی تهور ایله  
 کیملری امر الی اولان مسفور چوستینانی دوغنائی  
 احراق



احراق سوداسنه دوشه رڼا براتش کيسی الوب  
 کيجه ايله دونمايه يناشور يناشمز قره دن اتيلان  
 طوپلردن برينک کله سی اصابتيله اتش کيسی  
 وایچنده بولان خوننه نک هپسی غرق واولو جهله ده  
 تکه تديرلی حرق اولدیغندن وقارشو طرفدن ايسه  
 برجسر جسم انشاسيله جبال قیونسی سمندن  
 یکجه صفش دیرلدیغندن غیری بارقه فروز بروز  
 اولان کیفیت قهر و غلبه یی مقدمه فیض  
 فتح بیلری وچوق قان دوکله سرین عرض  
 وجانلری محافظه سنه باقرق ویره ايله قلعه یی  
 ویرملرچون محاصره نک التجی کونی داماد شهر یاری  
 اسفندیار اوغلو طرف خنداوندکار غلبه ائاردن  
 سفارتله ایچروارسال ورايله تسلیم اولملری اراده سی  
 ایصال اولدقدن قسطنطین پرکبرو کین اولدکجه  
 جنکدن دونیه چکنی افاده واول خبر ايله سفیر  
 مومی الیهی اعاده ایدوب اندن ایکی کون صکره رومجه  
 سیرقو پورطه دیدکلری طوب قیوسندن طوب  
 ضر بيله اچیلان فرجه فرجدن الی قدر شهجان  
 ایچرو داخل وائلرک وراسندن عسا کر سائر دخی

واصل اوله رق استانبولی فتح و ذاتلرینی و انعم الجیش  
 ذلك الجیش ما لنجه مظهر محاسن مدح ايتملر در  
 (روحہ اللہ روحہم و ابقاہ اللہ فی ابدی الاسلام ببقیہ  
 بلا دفتوحہم) فرداسی کونی خداوند کار صاحب المدح  
 و الفتح روحہ دومن قیوسی تعبیر ایلد کیری یدی قلہ  
 قیوسندن ایجر و اسبران سطوت پاش دخول  
 و طوغر و بیوک ایاصوفیہ کلیسا سنہ وصول ایلہ  
 اورادہ شد عنان شو کتشمول ایدرک صلوة شکری ادا  
 و بر موجب وعدہ سابق عسا کر نصرت موافقہ  
 اوچ کون و اوچ کیچہ استد کیری کیچہ استانبولی یغماہ  
 اذن و رخصت اعطا و قسطنطین ایسہ ابتدای هجوم  
 عسکر نصرت اثری رد و اچیلان نلہ یی سد سوداسیلہ  
 چبالار ایکن زخدار و سیمک خس و خاشاک  
 جکند یکی کی شیر آجام عسا کر اسلامک ایاقلری  
 التندہ قالہ رق پائمال اولوب عزم بئس القرار  
 ایتدیکندن کوچ بلالاشہ سی بولدی ریلوب بر بیوک  
 میدانہ القا و چندر وزمر ورنده اسکدارہ امر ایلہ  
 اورادہ دہ عبرت تجس دیدہ عندہ دنیا ایدیلوب  
 کوچک اوغلونو طارس نام چو جغنی اندرون ہمایونہ  
 چراغہ



چراغله حقه ده شفقت شاهانه ارزان واستانبول  
 امپراطور ينك مقابرلى محلى اولان اسكيدن اسكى  
 سمرای و حالا سر عسكر قپوسى دینلان سمرایك  
 اساس اندازی بناسى فرمان بيور لمشدر استانبول  
 تاريخ هجرتدن ايكيوزالتمش سكر سنه مقدمى بنا  
 اولنديغندن خداوند كار صاحب المدحك فتمنه قدر  
 يكرمى طقوز دفعه محاصره به دوچار ويدى كرده ده  
 استيلا كوررك الدناله دوار اولوب برقاق زلزله دن  
 باشدن باشه منهدم و خراب و حريقلايله ده خانه  
 و كاشانه يكسر علوكير تراب يباب اوله رقى چوق و قتلز  
 اشيانه بوم و غراب اولمشدر بعد الفخ قپودان  
 خجزه پاشا دونمايله اقا دكره سغر پيما اولغله مدلولو  
 وساقره اوغرايه رقى تضيقله ردوسه واروب  
 قلعه سنى محاصره و اورادن استانكويه فونده تيمور  
 ايدوب يكرمى ايكي كون محاربه و مبارزه دنصكره  
 خيلى تلفاتله رجعت و مر ساي استانبوله لسكر اندازی  
 و صلتنده بوسينه سبيله قتل و يونس پاشا مسند  
 قپودانى به واصل اولنوب ايرتسى سنه دونمايله دريا  
 پيما اولدقده فوجده يني استيلايله عودت و صكره

اینوزو طاشوزو کیرته و مایدوس اطه لرینی فتحه غیرت  
و برقاچ سنه مرورنده واقع اولان افلاق سفری  
دونشنده مدلولو اوستنه واریلوب یکریمی الی کون  
محاصره و محاربه ایله تسخیر و بعده اغریبوز فتحنه دخی  
اماله سکان عزم واستیلا ایله محافظه سنده بولنان  
وندیک عسکری کلناً قهر و تدمیر اولوب صکره مسیح  
پاشا قپودان و دونخا ایله ردوس فتحنه شرعکشی  
روان اولدقده مشارالیهک طمع خامی اقتضاسندن  
ناشی طقوزیک نفرک شناوری دریای شهادت  
واونیک نفرک دخی غرق خون جراحت اوله رقی  
بستون اردونک دوچاره زیمت اولسنه سبب و علت  
اولغله موجب عودت اولمشدر دیومسطار ای  
صحیفه ثبت و تصریح اولوب تواریح ترکیه ایسه  
جزه پاشاک قپودانلغنی ضبط و تحریر ایندیکی معلوم  
از باب تحقیق و تصحیحدر

(خاص یونس)

مومی الیه سکز یوزالتمش ایکیده قپودان و اینوز  
اطه سی تسخیر یچون دریای محاربه یه مقتضی اولان  
دونخا ایله شرعکشی دوان اولوب عودتده موله  
غرق

غرق لجه غفران واوزون چارشو باشنده کی مزارنده  
 فلکه وجودی لنگر انداز مرسای جای خاموشان  
 اولمش وموی الیهک بدایت حالی بلنه مامشدر  
 (محمود پاشای ولی)

مشار الیه خروادی الاصل اولوب محمد اغا نام غزاه  
 سرحد اتدن بر مرد بنامک سی واغتنام ایتمش  
 اولدیغی کوله سیدر اندرون همایونه انهرق تربیتی  
 فاتح استانبول خداوند ککار محاسن اصولک  
 شهزاده کی وقتنه تصادفنه مبنی منظور حسن نظر  
 وقبولی اولمغله ابتدای جلوس همایونلرنده اغاقلردن  
 بر یله چراغ و ثانیسنده روم ایلی بکر بکیلیکی احسانبله  
 ارتقا کرده سلم رتبه و رفاغ اولوب کاتب چلبی  
 قوی اوزره قاضی بکسر دخی تعیین و بین العلیا  
 اولوجمله ده علمی تحسین اولندقد نصکره سکر یوز  
 الی بدیده ارایش صدر صدارت اولوب اولمده  
 شمشیر حسن تدبیر یله روم ایلیده قتیج و تسخیر ابندیکی  
 ممالکدن ماعداد و نغماله اقد کز بادبان کشای روان  
 ومدللو اوکنده لنگر انداز سوی ادبار اولان وندیگ  
 دو نغاسنی طوب اندازی محاربه و رانپه ذیب غلبه ایله



غوطه خور بحر ناقر قهر و تبار ایدوب کلد کده  
 سکز یوز یمش ایکی تار یخنده عزل و کلیولی سنجای  
 توجیهیله مسند قیودانی یه نقل اولوب اغریوز  
 فتحنه نامزد و دوتخیله دریایمایی دستبرد اولدقده  
 موج ذن ساحل ظهور اولان فتوحات موفوری  
 همانا التفات پادشاهی بی اقتضا ایتدیر دیکندن سکز  
 یوز یمش یدیده اسحق پاشا ک اولکی عزلنده ثابا  
 بیرایه صد ار تعظما اولوب سنه سنده عزله ابتلا یله  
 ادرنه خاص کوینده کی چفته کنده اقامت و انزوا اوزره  
 ایکن تار یخنده تفصیل اولنان قضیه قضا اقتضا سنجیه  
 سکز یوز التمش طقوز سنه سی ربیع الاخرینک اوچنجی  
 کونی سر بریده سیف شهادت اولغله ناعنه منسوب  
 اولان جامعی ایچنده بناسنه همت ایتدیکی تربه سنده  
 دفین خاک رحمت و صندوقه ذیب زیارتدر

(کدک احمد پاشا)

مشار الیه زمره عسکریدن ایکن ارایش خلقتی اولان  
 شدت شجاعتی سببیه اول عصرده عسیر اولان  
 رتبه وزارتتی تحصیل و فتح استانبول خداوند کار ظفر  
 موصولک منظور نظر حسن قبولی اولدیغندن

سر دارلق

سردارلق و سپهسالارلق مأموریتلریله عز و ناموس  
جلادتق تکمیل ایدوب سکر یوز یتیش یدیده مجود  
پاشاک اوستنه قیودان و سفینه زب شرف و شان  
اولوب اوچموز پاره دو نئمالیه قره د کره شرا عکشابق  
روان اوله رق کف تصرف کفره ده اولان کفه یه  
رهنمایق پوصله توفیق له واروب ضرب طوب  
و زور سیف س طوت محکوبله قلعه سنی هدم  
وا هالیسنی تد میر و ازا ق الکاسنی انتهای حدود  
جرا کسه یه قدر فتح و تسخیر ایله عودت و بوفتو حاتنه  
مکافاتا اول سنه نشاند صدر صدارت اولوب  
سنه سنده عزل و مدت میورنده مأمور اولدیغی  
ارنبود اسکندریه سی فتحی امورنده عز و قصو ایله  
کرفتار بندکنند ازل و عصر بایزید خان ثانی اولان  
سکر یوز سکسان یدی تار یخنده کردن داده سیف  
قتل اولمشدر

(مسیح احمد پاشا)

مشار الیه بکاردن اولغله سکر یوز یتیش سکر تار یخنده  
کدک احمد پاشاک عز لنده قیودان و مقذاف جنبان  
فلکه فک عنوان اولوب ردوس فتحی ایچون دو نئمالیه

در یاجمائی محاربه ده باد شرطه بادبان اداره غلبه یه  
موفق اوله مامغله وزارتى رفع وکلیبولی سنجاغی  
توجیهیله در ذواتدن دفع قلمش ایسه ده عصر  
بایزید خان ثانی اولان طقوز یوز بش تاریخنده ابراهیم  
پاشا نك وفاتنده ارایش صدرعلیا و حج شریفه  
بالرخصه اجرام بندى عزیمت و خدی سنجی عودتله  
مقامنده فرمانفرما ایکن غلطه ده کی باروتخانه  
مخزننه اصابت ایدن صاعقه سببیه ظهوره کلان  
حریقك اطفاسنه چیلار ایکن بریوکسك یردن  
دوشوب ایاغی شکست ورنجوری پادن طولایی پایه  
حیاتیده پست اولمغله اقسرایده کی مراد پاشا جامعك  
محرابی اوکنده مدفون و منتظر ظهور \* یوم لاینفع مال  
ولا بنون \* اولمشدر

( کدیکو سنان پاشا )

مشارالیه عصر سلطان بایزید خان ثانی اولان سکر یوز  
طقسان سکر تاریخنده مسیح احمد پاشا وستنه قپودان  
درایت اقبالی سرستون ستوده مآلده جلوه ران اولوب  
اوچ یوز پاره دونمایلله اق دکره سفر پیمای اوله رقی اولونبه  
سواحلنی یغما یتش اما نتیجه رجه حائله ال یغامشدر



## ( داود پاشا )

مشارالیه عصر سلطان بایزید خان ثانی اولان سکر  
یوز طقسان سکنی تاریخنده سنان پاشا اوستنه قپودان  
و فلنده کشای فلوقة عنوان اولوب دونمایل  
اینه بختی فتحنه و مدلولو امدادینه شرا عکشیای روان  
اولمش و ماعداترجه حالنه ظفر میسر اوله مامشدر

## ( هر سک زاده احمد پاشا )

مشارالیه افرنجی الاصلدر عصر سلطان بایزید خان  
ثانی اولان طقوز یوز ایکیده قرین عز و مصاهرته  
قدم نه رباة الحجال شرف و اول سنه داود پاشا اوستنه  
کوهر یکدانه صدارته دخی صدف اولوب برسنه  
مرورنده عزل و طقوز یوز طقوزده خادم علی پاشاک  
اولکی عزلنده ثابا مسند صدارته وصل و اوچ سنه  
صکره تکرار عزل ایله مسند قپودانی یه نقل اولنه رق  
طقوز یوز اون یدیده انفصال و مشارالیه خادم علی  
پاشاک ثابا صدارتی و شاه قوی و قعه سنده شهادتی  
اوستنه ثالثا صدر صدارته مقضی الامال اولوب  
برقاج ای کجنجه سکنه عزله دوچار و عصر سلطان  
سلیم خان قدیم اولان طقوز یوز اون سکرده قوجه

مصطفی پاشا ك قتلنده رابعاصدارتله كامكار اوله رق  
 طقوز يوز يكر ميده فوت و تلحكام كاش المرموت  
 اولمغله ديل باشنده نامه منسوب اولان هر سكه  
 بنا كرده معماري همتي اولان جامعي خطيره سنده  
 احضار ايتديكي مقصود صندوقه زيب ارامله  
 متركب روز قيام اولشدن

(تذيل)

ترجه تاريخ مذكوره عصر سلطان بايزيد خان ثاني  
 اولان سكر يوز طقسانيدي تاريخنده فاس حاكي  
 بولسان مولی ابو عبدالله اسپانيول ايله محاربه  
 و اولخصوصده مخصوص سفير تسيريله طرف  
 دولتيه دن امداد و اعانه مطالبه ايتكله قيودان كال  
 پاشاد و تخايله بادبانكشاي اسرا اوله رق اسپانيول  
 سوا حلي يغم او طقوز يوز بشته قرون و متون و اوادين  
 قلعه لري قح و استيلا اولمغله پاي و اسپانيا و فرانسه  
 دولته لري دولتيه نك خصم زخم خورده سي اولان  
 و نديك دولتيه پلامار بند اتفاق و عسكر و دوتخا  
 جهتيه احدهما اخره امداد و اعانه ايتك اوزره باندريه  
 كشاي عهد و ميثاق ايتله لريه فرانسه دوتخاسي مدلولو  
 اطه سي

اطه سی او کنه کلوب لنگر اندازیء برازو هادل هادل  
 عسکر اخر اخیله قره دن و د کزدن محاصره و هیاجه  
 کار ساز ایکن قیودان هر سک زاده احمد پاشا سک  
 دوغماله کلدیکی طویدیغی کبی پلامار قراری  
 شکست و عجز سکان عجز و فرای دردست ایدوب  
 چوقه اطه سی او کنه وارد قله یغموردن قاچرایکن  
 طولویه طوتمه کبی بر فنا فورتنه یه طوتمه  
 اوچ دانه سی کوجه واصل ساحل داد و دریا  
 و قصوری غرق بحر ا دیار اولمش اولدیغی موج بیرای  
 دریای نقل و از بار در

(جعفر بک)

میر مومی الید عصر سلطان سلیم خان قدیم اولان  
 طقوز یوزاونیدی تاریخنده هر سک زاده  
 احمد پاشا سک عزنده قیوار و صندال سوار عزو شان  
 اولوب استانبول ترسانه سی هندسه کاریء همیتله  
 ساحل ارای انشا و بوجه تله حسن خدمتیده  
 موج زن دریای هوید اولمش اما عصر سلطان سلیمان  
 خان قانونی اولان طقوز یوز یکر می الی تاریخنده  
 مظالمی سیئه سیله صلب و سلب حیاتی دوش  
 زند کانیندن سلب اولمش در



( ییلان مصطفی پاشا )

مشار الیه عصر سلطان سلیمان خان قانونی اولان  
 طقوز یوز یکر می الی تاریخنده جعفر بک قتلنده  
 قپودان و ترسانه ارای علو و علوان اولوب آق دکن  
 و قره دکن صولرینه دو نغایله دریای پیا اوله رق اون  
 درت سنه مدت اقبال متمدایله مهمام دریایه فرما فرما  
 اولدقد نص کره زورق حیاتی بادبان کشای سوق بقا  
 و ایوب انصاری رضی عنه الباری جوارنده تهیسه  
 ایلدیکی تر به سنده مترقب روز جزا اولمشدر

( کمانکش احمد بک )

میر مومی الیه عصر سلطان سلیمان خان قانونی اولان  
 طقوز یوز قرق تاریخنده ییلان مصطفی پاشانک  
 فوتنده قپودان و دیوانخانه زیب عنوان اولوب  
 دو نغایله سفره دخی شراع کشای روان اولمش اما  
 قصور ترجمه حالی کور یله ما مشدر

( خیرالدین پاشا )

مشار الیه اناطولی اهلایسنیدن اولوب جزایر غرب  
 اوجاغنده تربیه اولنه رق عصر سلطان سلیمان خان  
 قانوننده استانبوله کلمکله فن دریاده پوصله پیرای

مهارتی

مهارتی و پورده زیب محار به ده طوب اندازی  
غلبه و شجاعتی و کرفت قور صان اعداده بسط  
رانده رانیه ارای تغلب شهرت به طقوز یوز قرق بر  
تار یخنده قپودان و فورس کشای دوتمای شرف  
و شان اولوب کاتب چلبینک تحفه الکبار فی اسفار البحارنده  
موج زن لجه اشعار اولدیغی اوزره اون بر سینه دریا  
ارای غزادن صکره مات رئیس البحر تاریخی اولان  
طقوز یورالی ایکی سنه سی فوت و زورق غزارونق  
حیاتی سفر پیمای سوی موت اولغله بشکطاشده  
نامنه نسبتله شهرت بولمش اولان محله کی تر به سنده  
سرداده زیر صندوقه سنوا و منظر چوشش رحمت  
خدا اولمشدر

### (تذیل)

ترجه تاریخ مذکورده خیرالدین یاشا قپودان  
و دوتمایله اق دکره روان اولدقده تونس سی تسخیر  
و ایرتسی سنه ایتالیا سواحلنی یغما ایدوب اون بیک  
باش اسیرایله عودت و فر داسی سنه دشمنی اغفال ایچون  
قورقه قلعه سنی محاصره به مباشرت ایدوب در عقب  
رجعتله بکر می قدر روم جزیره لرینی فتح و اهالی سنی

تدمیره غیرت و قیودان دوریا نام امر الک قومانداسنده  
 بولنان یوز التمش الی قطعہ و ندیک دوتخاسنی بر حله ده  
 احراق و اغراق در یای هزیمت ایدوب انک اوستنه  
 اینه بولی قلعه سنی و ایرتسی سنه ناپولتان حکومتده  
 اولان مسینا اطلسنی استیلا و اورادن یوزاللی پاره  
 دوتخالیله مارسلیا ایمانده دوستانه کیروب  
 فونده تیمور ایتدیکندن فرانسه دولتی بالضرور  
 اجرای معامله مهمانوازی به مجبور ایتشد  
 مشارالیه روم و ایتالیا و فرانسه جه اوج اسانه اشنا  
 وفن در یاده یکتا و خدعه محاربه بحریه ده نادره  
 دنیا اولوب حاصلی انک کبی بر قیودان دریاردها  
 سلطنت سنیه ده ترسانه ارا اولما مشدر دیو دیوانخا  
 زیب نقل و افاده در

(طویل محمد پاشا)

مشارالیه بوسنده صوقل دید کلری قصبه دندر  
 استانبوله کلد کده اندرون همایونده تربیه اولنده رق  
 قیوچی باشیقله طیشارو چیقوب عصر سلطان سلیمان  
 خان قانونی اولان طقوز یوزاللی ایکی تار یخنده  
 خیرالدین پاشا فوتنده قیودان و سفینه زیب دریای  
 کیهان



کیهان اولوب الی سنه مرورنده عزل و روم ایلی  
 بکار بکیلاکنه نقل اولمغله طمش وار ققچنده میدان  
 ارای محاربه اولان مردی رستم پسندی تحسین  
 کرده سلیمان خان قانونی اولدیغندن وزارتله کامین  
 وعزمصاهرت شهرزاده سلیم خان ثانی ایله وزیرقبه  
 نشین اولدقدتصکره طقوز یوز یمش ایکی تاریخنده  
 مسندارای صدارت و سلطان سلیمان خان قانونی  
 و سلطان سلیم خان ثانی و سلطان مراد خان ثالث  
 زمانلرنده کمال استقلال و ایهتله اون بش سنه مدت  
 فرمانفرمای مهم دولت اولوب طقوز یوز سکسان  
 یدیده ایکندی دیوانده (ع) (حکم حقیله شهید  
 اولدی محمد پاشا) تاریخنجه برمجذوب سکین کسکینیه  
 الوده خون شهادت اولدیغندن حضرت ابایوب  
 رضی عنه خالق الحیب و المحبوب جوارنده بناسنه  
 همت ایتدیکی تر به سنده صندوقد زبیریم و منظر  
 روز دستخیز \* الا من اتی الله بقلب سلیم \* اولمشدر  
 مشار الیهک افواه انامده ابراهیم خان زاده نامیه  
 شهرت تامی واریسه ده انک منشی نه شی ایدوکنی  
 تحقیقه ظفر عیسی اوله مامشدر

## (سنان پاشا)

مشارالیه خروادی الاصل اولوب عصر سلیمان خان  
 قانونبده اون بش سنه مدت صدارت وکمال اقبال  
 وابهتله تحصیل عزومصاهرت ایتمش اولان رستم  
 پاشانک برادریدر عصر سلیمان خان قانونی اولان  
 طقوزیوزاللی بدیده طویل محمد پاشا اوستنه قپودان  
 وصندال سواردریای عزوشان اولوب اللی طقوزده  
 طرابلس غرب ایالتی فتحنه بادبانکشای روان اولدقده  
 موافقت شرطه توفیقله موجارای دریای دستبرد  
 ظفره موفق وطقوزیوزالتمش برده (ع) (طالیدی رحمت  
 دکنینه قپودان) تار یختمجه غرق دریای رحمت حق  
 اولوب اسکدارده مهر و ماه سلطان جامعک محرابی  
 اوکنده دفین خاک ومنتظر شفاعت مهر سرلولاک  
 اولمشدر

## (پیا، پاشا)

مشارالیه خروادی الاصلدر اندرون همایونه النهرق  
 سلافة صاف تربیتله ساغر قابلیتی سرشار اهلیت  
 اولدقده قپوجی باشیلغله طیشار وچیقوب عصر  
 سلیمان خان قانونی اولان طقوزیوز ایتمش برده  
 سنان

سنان پاشا فوتنده کلیبولی سنجاغی توجیهیله قیودان  
 وقنده کشای اوج عنوان و اوج سنه صکره جزایر  
 غراب یالتی احسانبله دیوانخانه اقبالی کشایشیاب  
 وسعت و شان اولغله طقوز یوز التمش یدیده دوتخالله  
 اق دکره سفر پیمای و موره پی استیلا یله انابولی قلعه سی  
 قیودانی اسیر و در زنجیر کتور و ب عز و حضور  
 پادشاهی یه عرض اینمکله شهراده سلیم خان ثانینک  
 شرف مصاهر تبلیه قدمته رباره الحجال کامرانی  
 اولدقد نصکره طقوز یوز یتمشده دوتخالله اق دکره  
 اماله سکان عزیمت و ساقراطه سنی قحله عودت  
 و اولصورتله نزد دولته کمال اقبال و ابهتله اون درت  
 سنه مدت قیودانلقد نصکره وزارتله کامین و وزیر  
 قبه نشین اولوب طقوز یوز یتمش سکرده دست ساقی  
 قدردن جام اجلی نوش و مست موت اوله رق بزم امل  
 و عملی فراموش ایدوب قاسم پاشاده نامنه منسوب  
 بنا کرده همیتی اولان جامعی خطیره سنده پالاش خاکه  
 سرداده ورنج خار روز کاردن ازاده اولمشدر

(تذیل)

ترجمه تاریخ مذکورده مشارالیه اق دکره چیقوب



کفره دوتنمسیله پورده زیب محاربه ده طوب اندازی  
 غلبه ایله غوطه خوار بحر هزیمت ایتمکله اسپانیایه  
 حکومتده اولان جرباقلعه سنی اوچ ای محاصره ایله  
 تسخیر و ایرتسی سنه مالطیه واروب سانت الما  
 قلعه سنی دخی فتحله اهلایسنی تدمیرایتد کده  
 یکر می بیک قدر عسکر در یای شهادتده شناور اولوب  
 قلاع سائر نک فتحی وقتیه محتاج و اولقدر ادمک شهادتیه  
 دوتنمک قوتنه ضعف ایرائی دخی مستغنی ارائت  
 مرات احتیاج اولدیغندن مشارالیه بادبان کشای  
 معاودت ایتشدردیو پورصله روز نقل و حکایه در

(شهید علی پاشا)

مشارالیه مؤذن زاده دینمکله مشهور در قیوجی باشی  
 اولدیغندن اول وقتیک اصولی اوزره میر علم رتبه سنی  
 احراز و طقوز یوزیمش اوچده ملغا اغا غیله کسب  
 امتیاز ایدوب سکتوار سفر نه بولندیغنی سببله جلوس  
 سلیم خان ثابند نصرکه طقوز یوزیمش بش تار یخنده  
 پیاله پاشا اوستنه قپودان و ترسانه ارای نام و شان  
 اولوب یمش طقوزده دوتنمسیله قبریس فتحه بادبان کشا  
 اولدقده حسب القدر در یای ظهورده موج و راولان

پریشانی

پزیشانی و هزیمته غریق لجه شهادت اولمغله (بیت)  
 (علی پاشای دریادل صوصامش کبی قاننه \*  
 او کونسون دشمن او کونسون اگر قالورسه یاننه)  
 مرثیه حقنده سويلمشدر

(تذیل)

ترجه تاربخ مذکورده مشار الیهک قبریس ققحک  
 فرداسی سنه ایکویزیکرمی درت پاره دونخاله اق دکره  
 سفر پیماوله رق اینه بختی صولرینه وارنجه ونیک  
 کیملرینه راست کلکله اشعال نائرء محاربه ده دشمن  
 طرفی غلبه ایدوب قپودان پاشایله اوتوز بیک نفر  
 عسکر دریای شهادته غرق و دونخاله اق حرق اولوب  
 دشمندن ایسه اون بش تکنه شراره کیروسکن بیک  
 نفر دوزخی دخی عازم بئس المصیر اولمشدر دیونائر  
 فروز افاده در

(قلیچ علی پاشا)

مشار الیه اناطولی اهاالیندن اوله رق خیرالدین  
 پاشانک تبعه سی زهره سندن وفن دریایی کوزل  
 بیلنلرک جله سندن اولمغله جزایر غرب قپودانی  
 بولنوب بالاده موج ارایی در بای افاده اولان هزیمته

استانبوله گلد یکنندن عصر سلیم خان ثانی اولان  
 طقوز یوز یتیش طقوز تار یخنده علی پاشا ک شهادت بنده  
 قیودان واراایش فلوقة فلاك شان اولوب اون الی  
 سنه مدت ترسانه اقبالده دادوستد دنصکره طقوز یوز  
 طقسان بش تار یخنده فوت وز ورق حیاتی رسیده  
 می سای موت اولغله طوبخانه ده نامنه منسوب  
 بنالیدی کی جامعی خطیره سنده ملد دافع الاله  
 وجودی محمد حله **ک** یروب مترقب رحمت حدت  
 ایض بیضا ضیا اولمشدر

(ابراهیم پاشا)

مشارالیه بوسنه لیدر عصر سلطان می ادخان ثالث  
 اولان طقوز یوز طقسان بش تار یخنده قلیج علی پاشا  
 وفاتنده قیودان وقلندر ک کشای سرستون  
 عنوان اولوب سنه سنده فورتنه عزله دوچار وعصر  
 سلطان می ادخان ثالث اولان بیک درت تار یخنده  
 سنان پاشا ک بشنجی عزلی اوستنه صدر صدرارته  
 کامکار اوله رق سنه سنده عزل و بیک یدی تار یخنده  
 جراح محمد پاشا ک اوزرینه ثابا صدر صدرارته  
 واصل اولوب بیک اون سنه سی بلغرادده فوت  
 وذائق



و ذائق کاش المراد موت اولغله نیشی استانبوله  
 جلب واحضار و شهرزاده جامعی حولیسنده کی  
 تربه سنه دفنله تو دیع رحمت پرورد کار اولمشدر  
 (اولوج حسن پاشا)

مشارالیه عصر سلطان مرادخان ثالث اولان  
 طقوز یوز طقسان التی تار یخسده غر بدن کلوب  
 ابراهیم پاشانک اوستنه قیودان درایت اقبالی  
 اوج اعتلاده جلوه ران اولوب طقسان سکرده  
 دو تالایله غرب سفرینه بادیانکشی عزیمت وعودله  
 میسای ترسانه یه لشکر اندازی مواصلته شناه جنبه  
 بی بن بقا اولغله قلیج علی پاشا تربه سنده دفنله منتظر  
 چوشش رحمت خدا اولمشدر

(جغاله زاده سنان پاشا)

مشارالیه افرنجی الاصلدر اندرون همایونده تربیه  
 اولنده رق محصل محصل المرام اقبال و اعتباری  
 ترصیع حسن نظر شهر یاریله پیرایه دارا شهرار  
 اولدیغنه مبنی سلحدار و بعده ملغاغالغیله طیشارو  
 چیقوب صکره ارضروم و بغداد و وان ایالتلرینه  
 والی و الاشان اولدقد نصکره عصر سلطان

مراد خان ثالث اولان طقوز یوز طقسان سکرده  
اولوج حسن پاشا وفاتیده قیودان و ترسانه ارای نام  
و شان اولوب دوغما ایله اینه بختی سفرینه روان اوله رق  
بیک اوچده عزل و عصر سلطان محمد خان ثالث اولان  
بیک بش تار یخنده و قوعبولان اگری سفرینه عزیمت  
ایتمکله تعیین مورخین اوزره ساحه زیب ظهور اولان  
نصرته التدر دیو شیخ الاسلام وقت خواجده سعد الدین  
افندیگ دلالتیله صدر صدارته وصل ایله ابراهیم  
پاشایه خلف و درغلطان صدارته صدف اولدقده  
تکمیل ار بعین ایتمدن عزل و مظهر اذل اولوب  
بیک التیده خلیل پاشا اوستنه ثانیاقیودان و فلوقة  
زیب عنوان اولدقد نصکره عنوان سردار یله ایران  
سفرینه اسبران روان اولغله مارسرما دیده کبی  
عجم شاهنگ سوراخ خفایه سرکشیده لکی سبیلله  
ایکی سنه مدت ایران ویرانه لرنده کشت دشت ایدرک  
عودت و مشتای دیار بکره و صلتنده بیک اون ایکی  
تار یخنده جلوس سلطان احمد خان اول و قوعونه مبنی  
بدایت سلطنت اولقی و کندوسی دخی برایکی سنه در  
سر سری کزوب برایشه موفق اوله مامق سبیلله

جانب سلطنت سنیه دن خوف و خشیت ایتمکله نهایت  
اول حال دل از اریدن سر نهاده و ساده بیماری و بیک  
یوزاون اوچ سنه سی واصل رحمت باری اولمشدر  
(تذیل)

ترجه تاریخ مذکورده اکریده وقوعبولان نصرت  
جغاله زاده سنان پاشانک حسن تدیری و قرق بیک  
کزیده تاتار اتلوسیه اسبران ورود اولان قریم خانی  
غازی کرای خانک زور شمشیر یله ساحه زیب ظهور  
اولمشدر دیر صحیفه طراز نقل و از باردر  
(خلیل پاشا)

مشارالید عصر سلطان محمد خان ثالث اولان بیک اوچ  
تاریخنده جغاله زاده سنان پاشانک اولکی عزلنده  
قیودان و صندوقدار سوار دریای عنوان اولوب  
اوچ سنه صکره عزل اولمش ایسه ده مشارالیه  
نهایت ترجمه حالی بولنه مامشدر  
(مصطفی پاشا)

مشارالیه قباد پاشا زاده در سنان پاشا قیودان ایکن  
سفره روان اولد قبحه ترسانه ده قائمقامی اولمغله عصر  
سلطان احمد خان ثالث اولان بیک اون اوچ تاریخنده




سنان پاشا نك وفاتند ه قیودان وفورس كشای  
 اوج علوان اولوب دو نغایله سفره دخی شرعكشای  
 روان اولوب اول سنه عزل اولمش ایسه ده مشارالیهك  
 بوندن زیاده ترجمه حالی بلنه مامشدر

(محمد درویش پاشا)

مشارالیه بوستانیان حدیقه خاصه دن اولغله ایادی  
 فیض نظر شهر یاری ایله نهال امالی باداوری اقبال  
 اولمقدن ناشی بوستانچی باشی اولوب عصر سلطان  
 احمد خان ثالث اولان بك اون درت تاریخنده  
 مصطفی پاشا اوسته قیودان وچوق كچمدن صدر  
 صدارتله كامران اولوب (ع) (قیدی درویش شاه)  
 تاریخچه بك اون بش سنه سی حسب القدر بریده سر  
 اولغله اسكدارده مدین و توقع داشته رحمت فرمان  
 فرمای كاف ونون اولمشدر

(جعفر پاشا)

مشارالیه قلیچ علی پاشای مشارالیه تبعه سنك  
 كزیده سی وفن دریا پیاییده اصحاب مالكه  
 ومعلوم مالك بك پسندیده سی اولدیغنه مینی سفینه زیب  
 شهرت اولان ارمة اهلیتی سببیله عصر سلطان احمد  
 خان

خان ثالث اولان بيك اون بش تاريخنده محمد درویش  
 پاشا ك اوسته قيودان ومقداف جنبان صندال شان  
 اولوب دونمايله اسكندريه سفر پيما اوله رق مصر  
 خزينه سني  توروب كلد كده اوادين قلعه سي  
 محافظه سني مأمور و صكره عزل ايله ديوانخانه اقبال  
 واعتباردن دور اولمش اولغله تيجه ترجمه حالي  
 كوريله مامشدر

(حافظ احمد پاشا)

مشارايله فلبده بر مؤذن اوغلدير سسي خوب  
 و كندى محبوب اولد قدن بشقه ضرب نطقده ملكه  
 وحسن افاده ده فذلكه اصحابندن اولغله اندرون  
 همايونده تريه اوله رق پال اورى كال اولد قدن ناشى  
 شكارگاه اقبالده طوغانجى باشى اولوب عصر سلطان  
 احمد خان ثالث اولان بيك اون التى تاريخنده جعفر  
 پاشا اوسته قيودان و دونمايله مصر خزينه سني  
 كشور مكه روان اولد قده ردوسده براقدىغى كيارك  
 برقاجى ايامى اعدايه گرفتار اولد يغنى عودنده  
 طويوب هواى تأسفله استانبوله كنجه فورتنه عزله  
 دوچار و عصر سلطان مراد خان رابع اولان بيك

او تو ز درت تاریخنسده چر کس محمد پاشا فوتنده  
 صدارتله کامکار اولوب ایکی سنه صکره عزل و قرق  
 تاریخنده محمد خسرو پاشا اوستنه ثابا صدارته وصل  
 اولوب تاریخک قوی اوزره رجب پاشاک مکره افساد یله  
 قرق بر تاریخنده سپاه زمره سنک وقوعه کلان فسادنده  
 دیوان همایونده اشقیالنده اغشته خون شهادتتون  
 واسکدارده طاشجیلر قر بنده کی صفه ده مدفون  
 اولمشر

(خلیل پاشا)

مشارالیه قیصریه لیدر اندرون همایوندن تربیه  
 اولنهرق اغاقلردن یر یله طیشارو چیقوب عصر  
 سلطان احمدخان اول اولان بیک اون سکر تاریخنده  
 حافظ احمد پاشا اوستنه اولو بیک یکر می ایکیده  
 او کوز محمد پاشا اوستنه ثابا قیودان و فلک زب  
 نام و شان اولوب بیک یکر می التي محرمنده ینه او کوز  
 محمد پاشا اوستنه مهر همایونه نائل واقصی الغایه  
 مقاصدینه و اصل اولهرق فرسران میدان عزیمت  
 اولدیغی ایران سفرنده بلا محاربه سنوی اکیوز یوک  
 ایک ویرمک شرطیله عجم شاه یله مصالحه ایدوب



دوند کده عجم شاهي دخی سوزندن دوندی سبيله  
 مشارالیه اول تهمته عزل اولدیغندن استانبوله کلجه  
 ترک ماسوا وزاویه حضرت هدایده بسط بور یای  
 انزوایدوب عصر عثمان خان شهید اولان بیک یکر می  
 طقوز تار یخنده چلبی علی پاشانک ایکنجی عزنده ثالثا  
 و بیک اوتوز تار یخنده ه نیکده لی مصطفی پاشانک  
 اوستنه رابع اقمودان وترسانه ارای علو علوان اولوب  
 اوتوز ایکده عزل وعصر سلطان مراد خان رابع  
 اولان بیک اوتوز التی تار یخنده حافظ احمد پاشانک  
 اولکی عزنده ثانیامسند صد ارته وصل اولنوب ایران  
 سفرینه اسبران روان اولد قده قوسن ظفری در دست  
 ریزدان ایدمه مدیکی سبيله اول سنه ینه عزل اولنه رق  
 استانبوله کلجه خواص تقاعد احسان و قرق  
 تار یخنده وفات ایدوب حضرت هدایی قربنده تهیته  
 ایتمش اولدیغی تر به سنه دفله ازاد دغدغه جان  
 وجهان اولمشدر

(اوکوز محمد پاشا)

مشارالیه استانبوله قره کر کده براوکوز نعلبندینک  
 اوغلو اولغله اوکوز لقبینک باعث تلقیبی اولمشدر اندرون

همایونده تریه اوله رق احضر حضر ازیب  
 اعتباری سنک فسانه نظر شاهانه ایله حدیب  
 اشتهار اولدیغنه مبنی سلحدارویک اونالتی  
 تاریخنده وزارت و مصر ایلالتی احسانیه کامکار  
 اولوب سرکشان ترکی ندان کوله منی تریه  
 و اول صورتله حقنده شعله فروتر بروز اولان حسن  
 توجهات عالی یی تزید و تقویه اتمکله استانبوله  
 کلنجه شرف مصاهرته ارایش دباءه الحجال کردنان  
 و عصر سلطان احمد خان اول اولان بیک اون  
 تاریخنده خلیل پاشا نیک اولکی عزلنده قیودان  
 و یکر می ایکیده دوغما ایله ردوس سفرینه شراعکشای  
 روان اولدقده مخالفه شرطه توفیقندن ناشی غوطه  
 خواد دریای ظهور اولان او یغونسزلغه مبنی  
 قارصیه عزله دوچازو بعده وزیر قبه نشین تعیینیه  
 سسر کرم مسار بسسیار اولوب عصر سلطان عثمان  
 خان شهید اولان بیک یکر می طقوز تاریخیه خلیل  
 پاشا نیک اولکی عزلنده صدر اعظم و عجم سقرینه  
 سردار اکرم اوله رق ایرانیه تحریک رایت عزیمت  
 و بر شینه موفق اوله میه رق مشای ارض زومه عودت  
 ایتدیکندن

ایتدیکندن بعد المصادره حلبه نفی اراده بیور لمغله  
 اول اراده نخستین منزل اخرته پانهاده اولدیغندن  
 شیخ بکر زاویه سنده دفین خاک و متوقع شفاعت  
 ستایشقزای اولاک اولمشدر

(چلبی علی پاشا)

مشارایه ساداتدن استانه کویلو حاجی احمد پاشا  
 زاده در تفصیل مقال حاله سیاست مالی عهده افاده  
 هر هفته تاریخه احاله اولمش اولان جلالی ملایی  
 اعدامده حسام ارای اقدام اولان خدمت و جلادنه  
 مکافاناد میاط سنجاغی و یمن بکر بکیلیکی توجیه  
 و صکره واحد ابعد واحد تونس و موره و قبریس  
 ایالتلری احسانیه ترفیه قلنوب بعد ذاعصر سلطان  
 مصطفی خان اول اولان یکر می التی تاریخنده  
 خلیل پاشانک ایکنجی عزانده اولاد و داود پاشانک  
 اوستنه ثابا قیودان و فلندر کهای فلکه عزو شان  
 اولوب دونمایل اف **دک** رزه سفر پیا اولد قد  
 التی دانه قور صان تکنه سنی ارایش پلامار بندی  
 کرفتاری ایدرک استانبوله کتو و رب ایکیوز باش اسیری  
 اموزرنده برر کیسه مالامال زرایله عرض عزو حضور



پادشاه سکندر فرایتد یکنه مبنی مظهر حسن التفات  
 پادشاهی و خلع فاخره دن بشقه امثالنه مثلی مسبوق  
 اولدق التون زنجیر احسانبله دخی مبتهجم و مباهی  
 اولوب عصر سلطان عثمان خان شهید اولان ییک  
 یکر می طغوز تار یخنده او کوز محمد پاشانک ایکنجی  
 عزانده مهر همایونه نائل و نهایت مرآت بشریه اولان  
 رتبه یه واصل اولدقده من القدیم مبتلا اولدیغی علت  
 مثانه دن عدم رها یله اون درت ای صکره عزم عالم  
 بقا و بشکطاشده یحیی افندی حضرتلری تر به سی  
 خطیره سنده سرداده سنک ستوا اولمشدر

(قره داود پاشا)

مشار الیه بوسنه لیدر اندرون همایونده تربیه اولنه رق  
 قیوچی باشیقله چراغ و ییک اون اوچده وزارت  
 و روم ابلی ایالتی احسانبله ارتقا کرده مرتبه رفاه  
 و رفاغ اولوب عصر سلطان مصطفی خان اول اولان  
 یکر می الی تار یخنده چلبی علی پاشانک اولکی عزانده  
 علی روایه درت کون و علی روایه قرق کون قدر  
 قپودان اوله رق عزل وینه روم ابلی یه نقل ایله خوتین  
 سفرینه تعیین و جلوس ثانی سلطان مصطفاده

استانبولده

استانبولده بولندیغندن عز و شرف مصاهر تله دخی  
 کامین اولوب بیک اوتوز برده وقوعه کلان فته ده  
 صدارتی تحصیل ونهایت مقصدی تکمیل ایتد کده  
 مقتضای خبث نهادی اوزره سلطان عثمان خان  
 مظلومی شهید واول کوهر نایاب پر آب و تاب شبانی  
 قهریم عدمده نابید ایلد کدن صکره محافظه مقام  
 سودای خامنه ابتلا یله بغلگیری اقبالی اولان ارازله  
 اظہار چین جبین وانلری حقنہ مترقب اجرای  
 قهر و تین ایتمکله برکون هجوم عامله اخذ ویدی  
 قله ده حبسله اعدام واقسر ایدہ کی مراد پاشا  
 جامعی مزارستانده سپہکاری وجودی خاک سیاهه  
 دفنله کننام اولمشدر تجاوزاه عن سیئاته  
 (دفتر دار مصطفی پاشا)

مشارالیه نیکده لیدر خوتین سفر نده ملغاسی  
 بولندیغندن عود تله کپری یه وصلتہ عصر سلطان  
 عثمان خان شهید اولان بیک اوتوز تاریخنده خلیل  
 پاشاک اوچنجی عز لنده قپودان اولوب و کپرینک  
 محافظه سنه مأمور واولخصوصده ثبت اقدامه  
 اقدام ایدہ مدیکچون قصوری ساحه زیب ظهور

اولمغله عزل و بعده مصره والی و دفتر دارلقله قدری  
عالی اولدقدن صکره بیک قرق برده و قوعبولان موسی  
چلبی و قعه سنده قتل اولمشدر

( رجب یاشا )

مشارالیه بوسنه لیدر بوسستانیان خاصه دن اولمغله  
نهال اقبالی ملتفه الاغضان کمال اولمقدن ناشی  
بوستانچی باشی اولوب صکره علت نقریسه ابتلا سندن  
طولابی تقاعد و بعده زمان وزرات احسانیه سلم  
سعادتہ تصاعد ایدیلوب قره دکز طرفنه سردار  
تعیین اولمغله اوراده ظهوره کلان خدمته حرمة  
عصر سلطان مصطفی خان اول اولان بیک اوتوز  
ایکی تاریخنده خلیل پاشانک دردنجی عزتنده قمودان  
و موج پیرای دریای شرف و شان اولوب اوتوز بشده  
عزل و عصر سلطان مراد خان رابع اولان قرق بر  
تاریخنده حافظ احمد پاشا شهادتنده صدر صدارته  
وصل اولمغله سپاهک ظهوره کلان فضاحتی و مشار  
الیه حافظ احمد پاشانک شهادتی مشارالیهک تحریک  
واغواسیله اولدیغی معلوم مرادخان اولدقده عزل  
وسیف قهرایله قتل اولنه رق لاشی اولان لاشه سی  
دکزه اتلشدن



(حسن پاشا)

مشارالیه دارالسعاده اغاسی اتباعیسی چتالجه ده حسن  
چلبی دینکله مشهور دراصطبل عامی ده امیراخور  
وطویله زیب ستوراقبال موفوراولمعه عصرسلطان  
مرادخان رابع اولان یک اوتوز بش تاربخنده رجب  
پاشانک اوستنه قپودان وفلکه ارای فلک شان اولوب  
دونمایلله اق دکر صولینه سفر پیا اولدقدن صکره  
عزل وروم ایلیده عسکر سوریکلیکنه مأموراوله رقی  
یکیشهره وصولنده کهنه بنای حیاتی صدمه هانم  
الذاتله خراب وشهرعتیق عقبایه طوغرو سپه کش  
عزم وشتاب اولمشدر

(جانبولاد زاده مصطفی پاشا)

مشارالیه اندرون همایونده تربیه اولنده رقی ایض بیضا  
ضیای اعتباری داغ افزایی التفات شهریار یله زیور  
بند جوهر اشهار اولدیغنه مبنی سلحدار وعضر  
سلطان مرادخان رابع اولان قرق برتاربخنده حسن پاشا  
اوستنه قپودان و زیب بخش ترسانه عنوان اولوب  
دونمایلله اق دکره سفر پیا اولدقده مانیه اردنده ایکی  
دانه اسپانیا تکنه سنی پلامار بندی گرفتاری

ایتدیکنه مبنی مکافاتا روم بکر بکیلکی رتبه سی  
احسانیه مظهر مباحثات اولدقدن صکره عزل  
وروان اردوسنه عسکر سورمکه روانه اوله رق  
ارضرومه وصولنده قتل اولمشدر  
(جعفر پاشا)

مشارالیه بوستانیان خاصه دن اولغله شجره اقبال  
واعتباری جویبار التفات حضرت شهر یاریله باداور  
کمال اشتهار اولقدن ناشی بوستانجی باشی اولوب  
عصر سلطان مرادخان رابع اولان بیک قرقیر  
تاریخنده جانبولاد زاده مصطفی پاشا اوسته قپودان  
وارایش دیوانخانه نام و شان اولوب دوغما ایل  
اق دکره روان اولدقده باد شرطه توفیق موفقی  
اوله مدیغنه مبنی عزل و دیمتوقیه نفی ایل اوراده قتل  
اولمشدر

(دلی حسین پاشا)

مشارالیه اصطلیل عامره ده امیراخور وطویله  
بندسر خوب خوب اقبال نامحصور اولغله عصر  
سلطان مرادخان رابع اولان بیک قرقیر  
تاریخنده جعفر پاشا ک قتلنده وزارتله قپودان  
وفروس

وفورس کشای سرستون عنوان اولوب رکاب  
 همایونله روان سفرینه روانه اولدقدنصکره  
 قرق بش تار یخنده عزل و مصر ایالتنه و بعده کیده  
 وصل اولنوب اوراده ایکن طرفنه مهر همایون  
 کوندرلش ایسه ده اثنای فترت اولدیغی سببله یولدن  
 اعاده سی تنسیب و اداره بیورلمغله بیک قرق طقوز  
 تار یخنده سلحدار مصطفی پاشا اوستنه ینه قپودان  
 و صندال سوار علو علوان اولوب دو نخاله قره دکه  
 سفر پیمایکن اللی برده عزل و اوزی قلعه سی  
 محافظه سنه نقل و عصر سلطان مراد خان  
 رابع اولان بیک التمش الی تار یخنده سلیمان پاشا  
 اوستنه صدر صدارته وصل اولنوب ینه اول سنه  
 منفصل و بیک التمش سکر تار یخنده محمد پاشانک  
 ایکنجی عزلنده ثالثا مسند قپودانی ینه متصل اوله رق  
 اول ییل ینه عزل و کپر یلی محمد پاشانک غدیر یله  
 قنطره حیاتدن کچهرک سر بریده سیف حیف  
 واسف و او یله برغازی وزیر دلیبر عرض معرض تلف  
 اولمشدر رحه الله

(تذیل)

ترجمه تاریخ مذکورده مشارالیه زلفی بالطه جی اولوب



زور باز و اصحاب بندن بولمغله اول وقت شاه عباس  
 طرفندن كسه قوره مز رعميله موجب حجاب اولسون  
 اچون مخصوص سفیرایله عرض میدان تهیه و تقدیم  
 قلمش اولان بر سخت و کیریایی مشارالیه دیوان  
 پرنده و خلق عالم او كنده قور دیغنه مبنی مظهر  
 حسن التفات مراد خانی اوله رق اولامیراخوز  
 و صکره و زارت احسانبله ارتقا کرده سلم سرور  
 اولمش در دیو مسطرارای صحیفه حکایه در  
 (مصطفی پاشا)

مشارالیه ارنبوودی الاصل اوله رق قره مصطفی پاشا  
 و کمانکش مصطفی پاشا دینکله مشهور در اوچاغ  
 ملغانك یولداسی و هوای اقبال ایله کمانکش کده  
 دخی میدان المقدن ناشی صفره خواننده چور باجی  
 و روان سفرنده ملغانغاسی اوله رق شراره اشتر شر  
 اولان خونه اوچاغنی سیلابی سیغله سونیدر دیکندن  
 بطش و شدت و خیلیدن خیلی شهرت تحصیل ایدوب  
 عصر سلطان مراد خان رابع اولان بیک قرق بش  
 تارینخنده دلی حسین پاشانك اولکی عزلنده قپودان  
 و مقذاف جنبان فلکه ناموشان اولوب قرق یدیده  
 عزل

عزل ایله بغداد سفرینی تشریف مر ادخانیته  
 رکاب همایونده قائم مقام و اثنای محاربه ده طائر روحی  
 اشیا نساز اوج علا اولان طیار پاشانک شهادتنده  
 بیک قرق سکزتار یخننده صدر صدر ازله محصل المرام  
 اولمغله جلوس سلطان ابراهیم خانیده دخی مقامنده  
 ابقا و تقریر و بر از وقت مر ورنده جنجی حسین  
 افندی ظهور یله تار یخننده تحریر اولنان قصه یه مبنی  
 حقنده حسن نظر پادشاهی تغیر اولندیغندن  
 الی او چیده قتل و دیوان یولنده کی پرمق قپوده  
 معمار ی همته یله بنا یتدیکی مدرسه سی اتصالیته کی  
 تریه سنه دفنله گذشتکان ایراده وصل اولمشدر  
 (مصطفی پاشا)

مشارالیه اندرون همایونده تریه اولندرق حسامه  
 مر صغ نیام اعتباری حسن نظر مر ادخان رابعله  
 دردوش بهرام اقتدار اولدیغنه مبنی سلحدار و بیک  
 قرق یدیده کمانکش مصطفی پاشا اوسننه قپودان  
 وفلنده کشای اوج عنوان اولوب بغداد سفرینی  
 تشریف مر ادخانیته رکاب همایونله اسبران بادیه  
 عزیمت ایدوب عودتده بیک طقوز تار یخننده جلوس

ابراهیم خانی وقوعیله قپودانلقدن عزل وروم ایللی  
ایالتنه نقل ودر حال طمشوار ویریلوب بیک اللی برده  
اوراده قتل اولمشدر

(سیاوش پاشا)

مشهور جلالی ابازه پاشانک گوله سی و خرواد جنسیدر  
اندرون همایونده تربیه اولنه رق قصال اقبالی نیام  
بندی حسن التفات شهر یاریله میان ارای اشتهار  
اولدیغنه مبنی سحر دار اولوب عصر سلطان مراد  
خان ثالث اولان طقوز یوز طقسان تار یخنده سنان  
پاشانک اولکی عزنده اولو طقسان درنده خادم  
مسیح علی پاشا اوسته ثانی صدر اعظم و شرف  
مصاهر تله دخی محترم اولوب عصر سلطان محمد خان  
ثالث اولان طقوز یوز طقسان طقوز تار یخنده سنان  
پاشانک ایکنجی عزنده ثالثا صدر صدر تله اتصال  
وسنه سنده انفصال ایله بر طاقم الویه بی بعد التولیه  
عصر سلطان ابراهیم خانی اولان بیک اللی بر تار یخنده  
دلی حسین پاشانک ایکنجی عزنده قپودان و زورق  
سوار دز یاجه عزوشان اولوب دو نیا ایله ازاق قلعه سی  
استخلا صنه روان اولد قده هوای ظفره موفق



اوله مد یغیچون عزل و بیک اللی اوچ تاریخننده  
وفات اتمکله ایو بدتهیه ایلدیکی تربیه سنده دفنله  
کروه خاموشانه واصل اولمشر

(اوزون پیاله پاشا)

مشارالیه ترسانه کتخداسیکن سرشادی ساغر  
اقبال ایله سر مست جاه و جلال اوله رق عصر سلطان  
ابراهیم خان اولان بیک اللی ایکی تاریخننده سیاوش  
پاشا اوستنه قپودان و فلندر کسای فلیکه عنوان  
اولوب دونما ایله آق دکره بادبانکشای روان اولدقده  
بر قورصان تکنه سی دخی طوتوب کتورمش  
ایسه ده حسب القدر اناله پیاله تمته بیک اللی درت  
تاریخننده اندزون همایونده سکران سلافه صافی  
شهادت اولمغه قاسم پاشاده کی باغچه سنده مدفون  
و دستکش صهبای صپوچی دنیای دون اولمشر

(ابوبکر پاشا)

مشارالیه ردوس بکی اولمغه عصر سلطان ابراهیم  
خان اولان بیک اللی درت تاریخننده اوزون پیاله  
پاشانک جام حیاتی سرشاد مسطاد موت اولدقده  
قپودان و رایت اقبالی اوج اعتلاده جلو دان اولوب

دو تن ایله آق دکره پوصله دوز روان اولدقده  
کلجه فوت و شناه کوهه کوه نمای فوت اولشد  
(یوسف پاشا)

مشارالیه اندرون همایونده تریه اولنه رق صمصام  
زیبایام اعتباری میان بندی التفات شهریار یله  
زیب افزای شعله اشتهار اولدیغنه مبنی سلحدار  
وعصر سلطان ابراهیم خان اولان بیک الی  
درت تاریخنده ابوبکر پاشا ک فوتنده قپودان  
وترسانه ارای علو علوان اولوب الی بشفه دو تن ایله  
حانیه سفرینه دریای پیا اولدقده هوای دستبرد  
ارای ظفره موفق اوله رق حانیه بی قحله عودت  
ومظهر التفات پادشاه کردون عظمت اولمغله  
عزم صاهرته قرین رباة الحجال شرف وینه اول سنه  
خسار افساد یله عرضه تیغ تلف اولوب اسکدارده  
سلمیه تکیه سی قارشو سنده کی صفه ک حیدر پاشا  
طرفنده کی باشنده مدفون و منتظر الطاف خدای  
بیچون اولشد

(تزییل) ...

ترجمه تاریخ مذکورده مشارالیه یوسف  
پاشا

پاشا حابه‌ی قحله گلدیکنک اوستنه تکرار قندیه  
 اوزرینه کتسنی سلطان ابراهیم امر و تکلیف  
 ایتمکله قیش اولدیغندن و دونمک ایسه کلی نقصانی  
 بولندیغندن بحمله یازه قدر تدارکاته باقیلوب اول  
 بهارده عزیمتی افاده و اصرار ایتدکده سلطان  
 ابراهیم خان غضب و اولساعت حضورنده مشارالیه  
 احناقله سلب زندگانسنی سلب ایتدیکی یکچری  
 عسکرینک پک کوجنه گلدی و خیلیدن خیلی گفت  
 و کواولدی اول اراق و ندیکلوده قرون و متون و بالیه  
 بادره سواحلنی یغما و بشیک مقداری اسلامی اسیر  
 ایدرک قتی چوق اموالی اقنا ایلدیکی سلطان ابراهیم  
 خاک مسموعی اولجه عرق غضبی نبضان و ممالک  
 محروسه ده بولنان خرسیتیانلرک کافه قتلارین فرمان  
 کیفیتی شیخ الاسلام وقت اولان معبد احد افندی  
 طوینجه ماده نك شرعه مغایرتندن بحمله ترك  
 ایتدی کی صحیفه زب حکایه در  
 (موشی پاشا)  
 مشارالیه وزرادن اولغله عصر سلطان ابراهیم خان  
 اولان بیک الی بش تار یخنده یوسف پاشا قتلنده



قیودان وفورس کشای ستمون عنوان اولوب ایرتسی  
 سنه دونمایلله کرید سفرینه اماله سکان روان اوله رق  
 اغریوز صولرنده بر قور صان تکه سنه راست کله رک  
 محاربه ده رانمه زب غلبه اوزره ایکن برکله اصابتله  
 غوطه خوار بحر شهادت اولمشدر  
 (موسی پاشا)

مشارالیه شهر امانتی وملغا اغالغی ودفتردارلق کی  
 مناصبی دور ایتد کد نصکره عصر سلطان ابراهیم  
 خان اولان بیک الی الی تاریخنده موسی پاشاک  
 شهادتنده قیودان و دیوانخانه زب علوان اولوب  
 دونمایلله کرید سفرینه روان اولد قده کرید اطه سنه  
 روم ابلی وانا طولی عسکر بنی کپیره مدیکنه مبنی عزل  
 وعصر سلطان محمد خان ثالث اولان بیک سکسان بش  
 تاریخنند یدی قله ده حبسله قتل اولمشدر  
 (فضلی پاشا)

مشارالیه عصر سلطان ابراهیم خان اولان بیک الی  
 یدی تاریخنده موسی پاشاک اوستنه قیودان  
 وعز شرف مصاهرته دیوانخانه اقبالده رایت  
 کشای اوج علوان اولوب دونمایلله کرید سفرینه  
 باد

بادبانکشای عزیمت و عودتله معزول و عصر سلطان  
محمد خان ثالث اولان بیک التمش سکرز تار یخنده مقتول  
اولمشد

( عمادزاده محمد پاشا )

مشارالیه ترسانه کتخدا سیکن عصر سلطان ابراهیم  
خان اولان بیک الی یدی تار یخنده فضلی پاشانک  
اوستنه قیودان و دیوانخانه زب عنوان اولوب  
دونمالیه اق دکره شراعکشای روان اولدقده  
بوغازی طیشار و چیقده مامغله حقننده فرمان قضا  
جریان ص دور بولم و بوغازده بوغازی التهرق  
کمند یچان ایله بیجان اولمشد

( وینق احمد پاشا )

مشارالیه بوستانیان حدیقه خاصه دن اولمغله در حث  
امالی ریاض ارای اقبال اولمقدن ناشی بوستانچی  
باشی و ملغا اغاسی اولوب عصر سلطان ابراهیم خان  
اولان بیک الی سکرز تار یخنده عمادزاده محمد پاشانک  
قتلنده قیودان و شناور دریای شان اولوب عصر  
سلطان محمد خان اولان بیک الی طقوز تار یخنده  
دونمالیه اق دکره دریایما اولدقده کریده وارنجه

صودیه هجوم صد دنده ایکن غرقه خیراب کرداب

شهادت اولمشدر

(بقلم مصطفی پاشا)

مشارالیه بوزاقلو در اندرون هما بونده تریه اولنه رق  
سطام تام القدر اعتباری زاغ التفات شهریار یله موجه  
پیدای اشتهار اولد یغینه مینی سلحدار وعصر سلطان  
محمد خان ثالث اولان بیک الی طقوزتار یخنده وینق  
احمد پاشانک شهادتنده قپودان وفلوقه ارای شرف  
وشان اولوب اول سنه دوغماله اقدار سفرینه  
روان اولد قده کریده وارنج و فوات و سفینه وجودی  
غرقه موجه هاذم اللذات اولمشدر

(محمد پاشا)

مشارالیه حیدر اغازاده دینکله مشهور درملغا  
اوجا غندن شرارباش ظهورالیه مصره والی وعصر  
سلطان محمد خان ثالث اولان بیک الی طقوزتار یخنده  
بقلم محمد پاشانک فوتنده قپودان و صندال سوار  
دریای عنوان اولوب دوغماله اقدار کزه شرعکشی  
روان اوله رق کریده وار دقده حایه طرفنه کتیک  
امکانی بوله میدرق رسم و صولنده صوپره طوروب  
دوغما



دو تناده کی عسکر مهماتی چیقہ - ارر ایکن قندیہ  
 طرفدن دشمن تکنه لری عکس اندازاینه مشاهده  
 اولجه همان مدلولو سمتنه پوجه لدیغنه مینی عزل  
 والتمش التیده سلوریده قتل اولمشدر

(علی پاشا)

مشارالیه حسام بک زاده دینکله مشهور درردوس  
 یکی ایکن عصر سلطان محمد خان ثالث اولان بیک  
 التمش التیده محمد پاشا اوستنه قومودان وراثت کشای  
 ستون شرف و شان اولوب دوتنایله کرید سفرینه  
 پوصله دوزی روان اولدقده وندیک کیلریله بوغاز  
 محصور ایکن مشارالیه برقرانلق کیجه ده یول بولوب  
 یلکن و کورک طیشار و چیقہ رق امرای دریا کیلریله  
 برلشوب ایمر روز اطه سی اچقلرنده وندیکلو ایله طوب  
 اندازی محاربہ دنصکره استندیل اطه سنی یغمایه  
 عسکر چیقارر ایکن حکمت خدا بر فناپوره ایله فورتنه  
 ظهوری صوپره طورمغه وفونده تیمور بار یغنه مانع  
 واولخالده ایسه دشمن کیلرینک دخی شدت هجومی  
 واقع اولدیغندن دوتنایه برنوع پریشانی طاری اولغله  
 بو کیفیت مشارالیهک سوء تدبیرینه جل اولنه رق عزل

و مصادره ایلہ قرین خسران و بعدہ مورہ سنجائی  
احسان و بیک یمش تار یخندہ والدہ کتخداسی  
علی پاشا اوستہ نایاقپودان اولوب دونما ایلہ اقی دکرہ  
دریا بجا اولدقدہ بیک یمش ایکی تار یخندہ فوت  
و کشتی حیاتی دوچار فورتنه موت اولمشدر  
(درویش محمد پاشا)

مشارالید چرکمی الاصله و حسب القدر رجال  
اوله رق دور مناصبله قدری عالی و کتخدای صدر  
عالی ایکن بیک قرق یدیده شام و دیار بکر ایالتلری  
توجیه و قرق طقوزده وزارتله بغداد و حلب واللی  
بشده اناطولی واللی طقوزده سلسله ایالتلری  
اعطاسیله ترفیه اولوب التمش برده تکرار اناطولی  
احسانبله بوغاز محافظه سنه مأمور و عصر سلطان  
محمد خان ثالث اولان بیک التمش ایکی تار یخندہ  
خسام بک زاده علی پاشاک اولکی عزلنده قپودان  
و زورق سوار دریای مسرت و علوان اولوب  
التمش اوچده طرخونجی محمد پاشاک اوستنه مهر  
همایونه نبل ایلہ صدرارا اولوب علت فلجه ابتلا سندن  
ناشی التمش بشده وفات و دیوان یولنده صد فحیلده کی  
جامع تر به سنده دفنله مترقب زور مکافات اولمشدر  
تذیل

## (تذیل)

ترجمه تاریخ مذکورده بیک الشمس ایکی تاریخنده  
 ونیدیکلوا یله مدلولو اوکنده وقوعه بولان محاربه ده  
 دونغای اسلام مظهر غلبه تام اولدقلری و ابرتسی سنه  
 چناق قلعه سی خارجنده دخی کذلک ونیدیکلوا یله  
 حرب اولوب دونغابوز یله رق بوغازدن ایچرو  
 پوچه لدقلری وانک اوسته بوزجه اطه ولنی وایمروز  
 اطه لری دشمن طرفندن استیلا واول اراق کپر یلی  
 محمدپاشا صدر ارا اولغله دونغایی دونادوب  
 شرعکشیانی ارسال وکندولری دخی قره دن  
 عزیمتله اقدام جلادت اشتمال ایدوب بوغازده  
 وقوعه کلان محاربه ده دشمن دونغاسی غوطه خوار  
 هزیمت وفرار و امرالری بقودخی وادی جحیمده  
 قرارایتدیکی مسطرارای صحیفه افاده وازباردر

## (محمدپاشا)

مشارالیه چاوش زاده دینکله مشهور درسپواسدن  
 معزول ایکن عصر سلطان محمدخان ثالث اولان  
 بیک الشمس اوچ تاریخنده درویش محمدپاشا اوسته  
 قبودان وفلندره کشای فلوقة عنوان اولوب دونغایله



کریده فیروزب روان اولد قده کرید سر عسکری  
 دلی حسین پاشا طرفندن اطاعتلری عرض اولمش  
 اولان سلونہ رعایاسنی اوردیغیچون عزل و حبس نہ صکرہ  
 وزیرقبہ نشین تعیینلہ کامران وعصر سلطان  
 محمد خان ثالث اولان بیک التمش سکر تار یخندہ طوپال  
 محمد پاشا قتلندہ ثاباقپودان اولوب التی ای مرورندہ  
 قارصنیہ عزله دوچار اولمش و نتیجہ ترجہ حالی  
 کوریلہ مامشدر

(دیومر اد پاشا)

مشارالیه ملغا اوجا غندن شراره باش تفر د ایتمکدن  
 ناشی بغداد سفرندہ سکیان باشی اولغله کرید سفرینہ  
 دخی کتد کده حسن خدمتله تحصیل صیت و شهرت  
 ایدرک کلنجہ ملغا اغالغیلہ بکام وعصر سلطان محمد  
 خان ثالث اولان الی طقوز تار یخندہ صوفی محمد  
 پاشانک قتلندہ صدر صدارتله محصل المرام اولوب  
 اتش افشان فساد اولان خونہ فتن معتاد اوجا غی  
 سیلابی شمشیر و بیاری حسن تدبیر سویندیرد کده  
 بقیہ سنک تحت الزما دبرنار وقاد اولد قلربی ادراک  
 و شراره ضرر لرندن دامنکشی استخلاصه انهماک

ایدوب اون بشی ای هر ورنده صدارتدن استعفا  
 و بودین ایالتی اعطاسنی رجا ایتمکله طرف سلطنتدن  
 دخی التماسی اسعاف و عهده سنه بودین ایالتی توجیهیه  
 قرین الطاف بیورملغله عزیمت و بیک اللی اوچ  
 تارینخنده عزل ایله درعلیهیه وصلتنده التمش درت  
 تارینخنده چاوش زاده محمد پاشانک اولکی عزینده  
 قپودان و فورس کشای سرستون شان اولوب  
 دونمالیه کرید سفرینه پوصله دوژروان اولدقده  
 بوغازده زنجیر کش ممانعت اولان وندیک کیلرینی طوب  
 اندازی محاربه ایله غلبه و پریشان ایدرک کریده  
 عزیمت و عودتده اعمال لطائف الحیل و صنعتله  
 صدر وقت اولان بشیر محمد پاشایی پاداش اقبال  
 کراهی اولان زمره سپاهی به اعدام ایتدیره رک  
 انک اوستنه التمش بش تارینخنده ثانیاً صدارتی تحصیل  
 و مقصدینی تکمیل ایتدکده اولب ابدیه عونه سی  
 اولان خونه به سبق ایدن و عدینی انجاز خارج یارای  
 اقتداری و اشقیای اینه مطلبلرینک تخلفنی اکلا دقلرنده  
 تکرار شقاوته ایتدار ایده جکری جزمکرده علم  
 و افکاری اولغله بر صورتله صدارتدن صیرلمسینی

جقنده نعمت ببله رك اوچ ای مرورنده ینه استعفا  
 وشام ایالتی توجیهی استدعا ایتدیکندن اجرا  
 اوله رق عزیمتده حماده جای محرقه یه مبتلا  
 وجامه روحی اشیا نسازاوح بقا اولدقده مقدا  
 ارنبود محمد پاشا نك یاپدردیغنی ایشتمد کده اورایه  
 خنزیر کومه رم دیویمین ایتدیکی تربیه کندوسی  
 دفن اولدیغنی عجایبات عالمندر

(دلاک مصطفی پاشا)

مشارالیه بوسنه لیدر قیوجی باشی اولمغله قرمان  
 وزوم ایلی ایالتلرینه والی و صکره دفتر دارلقه قدری  
 عالی اوله رق بعد ذا عصر سلطان محمد خان ثالث  
 اولان التمش بش تار یخنده دیوهر اد پاشا نك عزلنده  
 قپودان صندال سواردریای شان اولوب سنه سنده  
 عزل ویش التمش اوچده مدلولوده قتل اولمشدر

(مصطفی پاشا)

مشارالیه ارنعوددر سورنازن مصطفی پاشا دخی  
 دیرل عصر سلطان محمد خان ثالث اولان بیک التمش  
 التیده ارنعود مصطفی پاشا اوستنه قپودان وچندماه  
 مرورنده قائم مقامغه نقل ایله کامران وائشای فترده

هممال



همکالی اولان اراذلک بغلکیری اقبالیه بر صورتله  
 قدمنه صدر صدارت اولمقله ظرفای وقتک (ع)  
 چایجق سـ ورناسنی چیقدی جیندن قره کوز  
 دیدکری کبی در حال قره کوز محمد افندی بی دفتر دار  
 ایتمسی پرده بیرون فضاحت اولان طرف کیرلرینه  
 لحوقی عارایله نفرت ویرمکله دردنجی کونی عزل  
 وار ضرور ایالتنه نقل اولندیغندن (ع) کرچه عزل  
 اولدم ایسه ده پایه قطع ایتدم هله تسلا سیله اوراده  
 عازم بقا اولمشدر

(مصطفی پاشا)

مشارالیه حالجی زاده دینمکله مشهور در عصر سلطان  
 محمد خان ثالث اولان بیک التمش الی تارینخنده ارنبود  
 مصطفی پاشا اوستنه قپودان و اوچای صکره عزل  
 و مصر ایالتنه نقل اولنمش اولوب ماعداترجه حالی  
 کورلما مشدر

(کنعان پاشا)

مشارالیه جرکسی الاصلدر اندرون همایونده تربیه  
 اولنده رق معضد عضد ارای اعتباری التفات شهریاریه  
 شعشه فزای اشتهار اولدیغنه مبنی سلحدار بیک التمش

درتده ملغا اغا غيله طبور بدست اعتبار اولوب  
 التمش بشده وزير قبه نشين تعيينيله بودينه مأمور  
 وعودتده سلسله توجهيله استانه اقبالدين دور اولمش  
 ايسه ده عصر سلطان محمد خان ثالث اولان بيك التمش  
 التي تاريخنده حاليجي زاده مصطفى باشا اوستنه  
 قيودان ومقداف جنبان فلوقة شان اولوب دونماليه  
 كريد سفرينه روان اولدقده بوغازده بوز يلوب  
 قواله يه كتديكيچون عزل وقتل اولندرق درعليه يه  
 كلان سرمقطوعى قرق چشمه قربندى مكشده  
 سنك اراى دفن اولمشدر

(سیدی احمد پاشا)

مشارايه سيواسدن كلوب عصر سلطان محمد خان  
 رابع اولان بيك التمش التي تاريخنده كنعان پاشا  
 قتلنده قيودان اولوب برقاج هفته بوغاز محافظه سنده  
 بولندرق استانبوله كلنجه عزل و بوسنه ايالتنه نقل ايله  
 اوراده قتل اولمغله درعليه يه كلان سرمقطوعى  
 مولو يخانه قيوسنده سپرده خاك دفن اولمشدر

(طوپال محمد پاشا)

مشاراليه وزارته طمشوار واليسىكن عصر سلطان

محمد

محمد خان رابع اولان بيك التمش يدي تاريخنده  
 سيدى احمد پاشا اوستنه قيودان و سبجق كشاي  
 سرستون علوان اولوب چند ماه مروزنده عزل  
 و ساقزده قتل اولمشدر

(علي پاشا)

مشاراليه والده كئنداسيكن عصر سلطان محمد خان  
 رابع اولان بيك التمش طقوزده دلي حسين پاشانك  
 اوچنجي عزلنده قيودان و رآيت كشاي اوچ علوان  
 اولوب سنه سنده عزل ايله بلغراد سرعسكر ليكنه  
 علم كش عزيمت و يتمش برده واردات قلمه سني قحله  
 اظهار سطوت و جلالت ايدوب يتمش بشده  
 راجوده ترك دغدغه شهيكتي دنيا واسبران عالم  
 عقبا اولمشدر

(عبدالقادر پاشا)

مشاراليه حسام بك زاده علي پاشانك ثمره نخل وجود  
 و فرزند ارچند نموديدر عصر سلطان محمد خان  
 رابع اولان بيك يتمش ايكي تاريخنده اق دكزده پدري  
 غرقه لجه رحمت اولنجيه قيودانلغه واصل و براي  
 مروزنده عزل اولمغله اندن ايلر و ترجمه حالي  
 كورلما مشدر

## (قره مصطفی پاشا)

مشار الیه مرزیفون سپاهی لرندن بغداد بحار به سنده  
 شهید اولمش اولان اورج بکک اوغلی بدر واصل  
 سن شباب اولنجه پدریله در کار اولان سابقه  
 حقوقه رعایتله کیریلی محمد پاشا داوره سنده  
 استصحاب ادوب صدارت سنده تلخیص جیلکیله  
 اسبران طریق کامرائی وینوه فتحی مرده سنده  
 امیر اخورثانی واول سنه سلسله میر میرانی اولوب  
 یتیم برده دیار بکرایالتی احسان وعصر سلطان  
 محمدخان رابع اولان یتیم ایکیده حسام بک زاده  
 مشار الیه عبدالقادر پاشاک اوستنه قبول دان و صندال  
 ارای عز و شان اولوب یتیم التیده قائم مقام و اون بر سنه  
 اول مسندده متکارب اقامتله کسب تحیز تام ادوب  
 سکسان یدیده صدر اعظم وتنسیق فرمای مصالح  
 امم اولوب سکسان طغوزده چهرین قلعه سنی فتح  
 و هدمه اظهار حسن جلالت و طقسان اوچده غنچه  
 سفرینه رایت کشای عزیمت و طقسان در تدرکی  
 هزیمت سببیه طقسان بش محرمنده منتای بلغرادده  
 عزل و سر بریده سیف قتل اولغله در علییه کلان



سر مقطوعی صار یجه پاشا جامعی قربنده سپرده  
خاك خفا اولمشدر

(قیلان مصطفی پاشا)

مشارالیه شامدن معزول ایکن عصر سلطان محمدخان  
رابع اولان بیک التمش التی تاریخننده مرزیفونلی  
قره مصطفی پاشانک اوستنه قپودان وفورس کشای  
فلکه فلك عنوان اولوب دونمالیه اقدکزه  
شراعکشای روان اولد قده وندیکلوالیه طوپ  
اندازی محاربه ده رانیه زیب غلبه ایله ایکی تگنه سنی  
کرفتار وقصور بتی عرق بحر ادبار ایدوب کرید  
فتخنده دخی اظهار شیرمر دی ایتمکله عودتنده  
حلب ایالتی احسان و طقسان تاریخننده قره ابراهیم پاشا  
اوستنه ثنیا قپودان و طقسان برده دونمالیه اقدکزه  
شراعکشای روان اولوب از میره وارنجده فوت  
وزورق زندگانسی کرفتار کرداب فوت اولمشدر

(علی پاشا)

مشارالیه امراء دریادن اولوب موره سنجاغی  
متصرفی ایکن عصر سلطان محمدخان رابع اولان  
بیک سکسان ایکی تاریخننده قیلان مصطفی پاشانک

اولکی عزنده قپودان وترسانه زیب عنوان اولوب  
سکسان یدیده عزل اولمغله نتیجه ترجمه حالی  
بلنه مامشدر

(محمد پاشا)

مشارالیه قپودان اسبق سیداحمد پاشای مشارالیهک  
اوغلیدر عصر سلطان محمد خان رابع اولان یک  
سکسان یدی تاریخنده مشارالیه علی پاشا اوستنه  
قپودان وفلوقه زیب دریای علوان اولوب دوتنمالیه  
کرید سفرینه شراعکشای روان اولدقه سکسان  
سکرده عزل و طقسان بش تاریخنده وقوعه الان  
دراج محاربه سنده جمله زیب شهادتله خرامان روضه  
رضوان اولمشدر

(قره ابراهیم پاشا)

مشارالیه بایبوردلیدر وقره کتخدا ابراهیم پاشا  
دینکله مشهوردر فراری مصطفی پاشا اتباعندن  
اولمغله اندنصکره دور ابواب کبراء ایدرک سلسره  
بکار بکیسی مشارالیه قره مصطفی پاشایه کتخدا  
وبراز وقت مرورنده انک قائمقا ملغی ظهوریله  
بودخی قره کتخدالقی نامیله شهرت ارا اولوب سکسان  
ایکیده

ایکیده امیر اخور اقله لجام بند طویله نام و کام و سگسان  
 یدیده قائم مقام اولد قد نصکره سگسان سکر تار یخنده  
 سیدی احمد پاشا زاده محمد پاشای مشارالیه اوستنه  
 قائم مقام ملغه قپودانلغی دخی ضم و علا و ایله تزید  
 دبدبه و احتشام ایدوب طقسان تار یخنده قپودانلق  
 ثابیا قیلان مصطفی پاشای مشارالیه احسان  
 اولند قدده مشارالیه یالکر قائم مقام ملقه کامران ایکن  
 عصر سلطان محمد خان رابع اولان بیک طقسان بش  
 تار یخنده مرزیفونلو قره مصطفی پاشا نك قتلنده  
 ارایش صدر علیا و فرمانفرمای مهام دنیا اولارالق  
 سفر قبولی اچملغه بر صورتله سده همت و بالنفس  
 عزیمته جرئت ایده مدیکندن بر تقریب ادرنده  
 اقامته تحصیل رخصت ایتد کد نصکره ینه خوف  
 وهراس عارض و اوسبیله سر نهاده و ساده تمارض  
 اولوب طقسان یدی محرمنده عزل ایله خواص تقاعد  
 احسان و حجه عزیمته دخی رخصت ارزان  
 بیورلمشیکن ردوسه نفی و اوراده قتل اولنمشدر  
 (سالمدار مصطفی پاشا)

مشارالیه بوزاوقلو کوجک سپاهی دینکله مشهوردر

اندرون همایونده تریه اوله رق حسام کزیده نیام  
 اعتباری ترصیع التفات شهر یار یله لمعه بخش اشتهاد  
 اولدیغنه مبنی سلمه دار وعصر سلطان محمد خان  
 رابع اولان بیک طقسان برتار یخنده قیلان مصطفی  
 پاشای مشارالیه ک فوتنده وزارتله قیودان وفورس  
 کشای سفینه شان اولوب طقسان بشده عزل اولمغله  
 ماعد اترجه حالی بلنه مامشدر

(صاحب مصطفی پاشا)

مشارالیه مصاحب شهر یاری وصحابة کاران دولتک  
 کامکاری ایکن عصر سلطان محمد خان رابع اولان  
 بیک یمش سکر تار یخنده واصل رتبه وزارت وسکسان  
 التیده عز مصاهر تله ارایش ر بآه الحجال مسرت  
 قلوب طقسان اوچده حلبه والی وبعده وزیر قبه  
 نشین تعیینله قدر عالی وطقسان بشده سلمه دار  
 مصطفی پاشای مشارالیه اوستنه قیودان وفورس  
 ک شوده ستون عنوان اولوب دونمایلهاق دکره روان  
 اوله رق طقسان یدیده عزل وموره استخلاصیچون  
 سر عسکر لکه واصل اولوب برقاق کون صکره  
 بوغاز محافظه سنه تعیین وطقسان سکرده اوراده  
 فوتله دفین زمین اولمشدر



## (مصرلی زاده ابراهیم پاشا)

مشار الیه طرابلس غرب اوجاخی داعیلرندن اولمغله  
 استانبوله کلوب ترسانه یه یازلدیغندن قلیون قیودانی  
 اوله رق سفینه ژیب شهرت اولان ارمه اهلیتی سببیه  
 عصر سلطان محمد خان رابع اولان بیک طقسانیدی  
 تاریخنده مصاحب مصطفی پاشای مشار الیه اوستنه  
 قیودان وفلندرله کشای فلوقة علوان اولوب  
 ترسانه ده سفینه انشاسی انلرک دستگا ارای همتری  
 اثاریدر بیک طقسان طقوز تاریخنده عزل الیه  
 اغریوز محافظه سنه مأمور وعصر سلطان سلیمان  
 خان ثانی اولان بیک یوز بر تاریخنده قلایلی احمد پاشا  
 اوستنه ثابا قیودان نصبیه غرق دریای سرور  
 ویوز اوچده عزل واغریوز محافظه سنه نقل بعده  
 اناطولی والیسی وساقز سرعسکری اولمغله اوراده  
 میدان ارای محاربه اولان شیرمر دی رستم پسندی  
 مسلم عالم وعصر سلطان مصطفی خان ثانی اولان  
 بیک یوز طقوز تاریخنده ساحه زیب ظهور اولان  
 نمچه محاربه سنده حله اعلین طراز شهادتله ارایش  
 ریاض ارام اولمشدر

## (قلایلی احمد پاشا)

مشار الیه قیصریه لیدر تبرداران زمره سندن اوله رق  
 مصاحب یوسف اغلک خدمتده ایکن دارالسعاده  
 اغاسی سقا باشیغله نائل منی واحرام بندی میقات  
 ارای زیارت بیت خدا ایدوب عودتله برمدت مرورنده  
 جده میرمیرانلغنی تحصیل ویدی ییل اوراده ارام  
 واقامتله چله بی تکمیل ایدوب بعده وانه والی وعصر  
 سلطان محمدخان رابع اولان طقسان طقوز تارخنده  
 مصرلی زاده ابراهیم پاشاک اولکی عزلنده قبودان  
 ورایت ککشای اوج علوان اولوب یوزبرده عزل  
 وبوزجه اطیه نفی واجلا و صکره طر بزون و سیواس  
 وقبریس ایالتلری اعطاود و راحمد خانیده استانبول  
 قائم مقامی تعیین اولنوب بعد زادیار بکرو بغداد وادانه  
 ایالتلرینی بعد التولیه ازاق قلعه سی استخلاصنه  
 مأمور اولدقده اول خصوصک ناپذیرای حصولی  
 ادراکله اختفا وایکی سنه غیوبت و انزوادن صکره  
 توسط شفایله عفو اولنه رق بروسه ده اقامته مأموریتله  
 نائل مسرت اولوب ابراز وقت کججه وزارتی ابقا  
 وقتده ایالتی اعطا و عصر سلطان احمد خان

ثالث اولان بيك يوزاون التي تاريخنده داماد  
 حسن پاشا اوسته ارايش صدر عليا اولوب درت ای  
 مرو رنده عزل ولى يه نفى بعدد حايه واینه بنختی  
 منصب ليله قرین بهی اولوب شکاتی ظهورینه مبنی  
 عزل و استانسکویه نفی واجلاو بعد زمان قندیه ایالتی  
 اعطا و انقله دفعه شکاتی فراوان اولدیغندن تکرار  
 عزل و استانسکویه نفی فرمان اولنوب بر مدت صکره  
 اغری یوز سنجاغی ویرلدیگندن محافظه سیله محاربه  
 اوزره ایکن تارک حرب جهان و عازم دار الصلح جنان  
 اولمشدر

(یوسف پاشا)

مشارالیه عصر سلطان احمد خان ثالث اولان بيك يوز  
 اون اوج تاریخنده مصرلی زاده ابراهیم پاشای  
 مشارالیه ایکنجی عزلنده قیودان درایت اقبالی  
 اوج اعتلاده جلوه ران اولمش و بيك يوز التیده  
 عزل و استانبول قائمه مقاملغنه نقل اولمش اولوب ماعد  
 ترجمه حالی معلوم اولما مشدر

(عموجه زاده حسین پاشا)

مشارالیه کپر یلی محمد پاشاک برادری حسن اغاک فرزند

اختریدر مشارالیه کیر یلی محمد پاشانک صدارتندن  
 مرزیفونلوقره مصطفی پاشای مشارالیهک نهایت  
 اقبال دولته قدر کمال ذوق و راحتله وقت کچروب  
 بیک طقسان بشده وقوعبولان بیخ هزیمتدنصکره  
 شهرزور میرمیرانی اولوب بعدالعرل بش سنه قدر  
 چارداق محافظه سی نامیله (ع) (چارطاق التفات  
 یاردن افتادهیم) مصرعنی کویان و بیک یوز برده  
 و زارتله سدالبحر محافظه سی احسان یوریلوب  
 بیک یوز ایکیده استانبول قائمقاملیغیه کامران  
 وعصر سلطان مصطفی خان ثانی اولان بیک یوزالتی  
 تاریخننده یوسف پاشا اوستنه قیودان وفورس  
 کشای ستون عنوان اولوب دوغمالیه ساقزاطه سی  
 استخلاصنه بادبانکشای عزیمتده هوای فتحه  
 موفقیتندن جزیرهک نظامنه دخی مأموریتله  
 حسن صورت ویرد کدنصکره عودتنده عزل و مستند  
 قائمقامی به نقل ایله کامبین و بیک بوز یدیده ادنه ایالتی  
 توجیهیله سفره تعیین و بیک یوز سکرده محافظ بلغراد  
 و بیک یوز طقوز تاریخننده (ع) دوشدی نکیکنندن  
 پاره لندی) افاده سنجه رایا صوبی اوزرینه تشدید



اولنان کیرینک شکستیلہ الماس پاشانک شہادت  
 وقعہ سندہ صدر صدارتہ اسعدایہ محصل المراد  
 اولوب بش سنہ مدت کمال اسایش و راحتہ مستدارای  
 صدر دولت اولدقدن محکرمہ مبتلا اولدیغی  
 داء عذیم الدواہیہ مبنی استعدایہ عزل اولنہرق  
 خواص تقاعد احسان و سلوریدہ کی  
 چفتاکنندہ ارام و اقامتہ رخصت ارزان یورلش  
 ایسہ دہ اورایہ وارر وارمرجت حاواصل قہ و غلہ  
 نعشی استانبولہ احضار و سراج خانہ باشندہ معماری  
 ہمتیلہ بنا کردہ سی اولان تربہ سندہ دفنہ ارایش  
 صندوقہ مزار اولمشدر

(مزمہ مورتہ حسین پاشا)

مشارالیدہ قلیوز قپودانلرندن اولمغلہ عصر سلطان  
 مصطفی خان ثانی اولان بیک یوزیدی تاریخنندہ  
 غموجہ زادہ مشارالیدہ حسین پاشا اوستنہ قپودان  
 و دونماز یب شہرت و شان اولوب اق دکرہ دونمایلہ  
 فیلو زیب روان اولدقدہ کفار تیکنہ لریلہ طوپ  
 اندازی محاربہ فراواند نصکرہ بیک یوزاون اوچدہ  
 عزل واون درت تاریخنندہ ساقزدہ فوتلہ کشتی

وجودی ساحل رحمت حقه انکراندازی واصل  
اولمشدر

(تذیل)

ترجمه تاریخ مذکورده عصر سلطان احمد خان  
ثانی اولان بیک یوزدرت تاریخنده وندیکلونک ساقزی  
استیلاسنه مبنی مزه مورته حسین قپودان باشبوغ  
اوله رق دوغمالیله وارنجه وندیک کیلریله طوب اندازی  
محارب به ده غلبه ایله تکه لرین غوطه خوار بحر هزیمت  
وساقز اطه سنی اللرندن استخلاصه حسن خدمت  
ایتمکله مکافاتاً وزارتله قپودانلق احسان وعصر  
سلطان مصطفی خان ثانی اولان بیک یوزیدی  
تاریخنده دخی برنده بش کوز و دیگرنده اوچ کون  
اولق اوزره اق دکرده وندیک کیلریله شدتلو محارب به  
وهر برنده کوزل غلبه ایتمکله حقسنده زیاده سیله  
الطاف والتفات شاهانه ارزان بیورلمشدر دیوزیور  
صحیفه نقل و بیاندر

(عبد الفتاح پاشا)

مشارالیه امراء در یادن اولغله عصر سلطان احمد  
خان ثالث اولان بیک یوزاوز اوچ تاریخنده مزه مورته

حسین

حسین پاشا اوستنه قپودان ورايت کشیده کشتی  
 عنوان اولوب اون درته فلیکه حیاتی فورتنه فوته  
 دوچار ومیت اسکله سنده دفته ساحل رس رحمت  
 پروردکار اولمشدر

(اشی محمد پاشا)

مشار الیه عصر سلطان احمد خان ثالث اولان بیک یوز  
 اون درت تار یخنده عبدالفتاح پاشا فوتنده قپودان  
 اولوب اول سنه عزل و بیک یوز یکر می بش تار یخنده  
 سلیمان پاشا نیک اوستنه ثانی امسند قپودانی یه واصل  
 اولوب ینه اول ییل عزل ایله مصره والی واوراده  
 بیک یوز یکر می یدی تار یخنده فوت و تلخکام کاس  
 الخصاص فوت اولمشدر

(بالطه بی محمد پاشا)

مشار الیه زعفران بورلیدر استانبوله کلوب تبرداران  
 زمره سنه الحاق اولنه رق تبر دوشه طالعله یازیجی  
 افتدی اولغله جلوس سلطان احمد خان ثالثه  
 دفعه میرا خورقله اسبران میدان فیض و شان و عثمان  
 پاشا اوستنه قپودان وایکنجی ای قلابلی احمد پاشا  
 اوستنه صدر صدرتله کامران اولوب بشی ای

عزل وارضروم و ساقز ایاالتلرینی بعد التولیه بیک یوز  
 یکرمی ایکی تاریخنده کپرلی زاده نعمان پاشا اوستنه  
 ثانیاً مسند صدارته واصل اولنوب اولارالق روسیه  
 سفیری ظهورینه مبنی سنجاق شریفی استصحاب  
 و سفره عزم و شتاب ایدوب پروت صوینه وارد قده  
 روسیه اردوسنی اوراده بولمغله محاربه یه سوق عسکر  
 عدو شکار و قریم خانی دولتکرای خان دخی روسیه  
 اردوسنک وراستدن کلهرک ایکی طرفلو محاصره  
 و تضییقه ابتدار اولند قده روسیه لونک ذخیره لری  
 دخی قالمامغله قرق کون اچ و اناچ قبوغی اکلنه محتاج  
 اولد قلنده واره رق سلاح تسلیمه قائل وارد وجه  
 مضحمل اوله جقلرینی ایمپراطور و قوماندار لری اولان  
 دلی پترونک عقلی ادراک و چاره سنک تحصیلنه انهماک  
 ایدوب هزار سعی و کوششله مصالحه یه خواهش  
 ایدوب (البضاعة تیسر الحاجه) قاعده سنجه عمل  
 و ایمپراطور یجده سنی مشار الیه طرفتسه کوندروب  
 انک واسطه سیله ترویج امل ایدرک بازاری کرم  
 و مشار الیهک قلبنی نرم ایتلر یله صلحه رغبت ایتمش  
 واللی بیک ادمدن عبارت اولان روسیه اردوسنه



ذخیره و افیه اعطاسند ن ماعد ابالامن والسلامه  
مملکتلرینه عنیمته رخصت و یرمش اولوب اول وقت  
روسیه ایمپراطوری طرفه اعطایلمش اولدیغی اساس  
تمسکیدر که عینیه ذکر اولنور

(صورت تمسک مذکوره)

باعث تحریر کتاب صحت نصاب اولدر که بتوفیق الله  
الملك العالم عسا کر اسلام نصرت انجمله بروت  
صویبی کنارنده مسقو چاری بالجمله عسا کر یله مخاصمه  
ومقاتله اولنه رق تضییق اولندقدده بلطفه الکریم  
وفضله العیم **اصالحه**یه مراجعت ایدوب و چار  
مر قوم طرفندن صلحه راغب اولد قلزنده صلح  
وصلاحک قیود و شروط طی بووجه او زره معقود  
و عریوط اولمشدر که ازاق قلعه سیینه کالاول اراضی  
وسائر تماثله طرف دولت علیهیه تسلیم اولنه و طیفان  
وقانکه و صماد و ماغنده یکی قلعه سی کلیت ایله هدم  
اولنه و قانکه نک ایچنده طوب و جبخانه سی بالکلیه  
دولتیه طرفنه تسلیم اولنه و فیما بعد محل مر قومه  
طرفندن قلعه بنا اولنماق او زره و لهلویه واکانابع  
برایش و پور تقال و قریم خانی اولان سعادتلق

دولنکرای خان حضرتلری طرفنه تابع قزاقلره چار  
 مر قوم طرفندن من بعد مداخله اولنمیوب اوتهدنبرو  
 نیجه ایسه بتون اول یرلردن ال چکوب و بعد الیوم  
 قره دن ممالک محروسه یه تجارت ایله کلوب کیدن  
 بازار کانلردن ماعد استانبولده ایلمچی نامنده طرفندن  
 کتمسینه اقامت ایتمیوب و بوندن اقدام وحالا اولان  
 مسلمان اسیرلری هر غمقدار ایسه کیرو دولتعلیه طرفنه  
 تسلیم اولنق اوزره واسوج قرالی دولتعلیه نك  
 ز بر جناح جایته الهجا ایتمکله بعد الیوم اسوج قرالنك  
 کند و ممالکته امن و سلامتله کتمسینه قطعاً طرفندن  
 ممانعت و تعرض اولنمیوب مایلرند توفیق و رضا  
 و اتحاد بولنور ایسه مصالحه ایله لرو فیما بعد دولتعلیه  
 طرفندن دخی ممالک محروسه یه منسوب اولان رعایا  
 و سائرلرینه بر درلو تعدی و تجاوز اولنماق شروط  
 و عهددی ایله سبقت ایدن کستاخانه حرکتلرندن  
 اغماض عین بیورلق شوکتلو عنایتلو عظمتملوانفند من  
 پادشاهمنك کمال فضل و کرم ملو گانه لرندن رجا اولنوب  
 منوال مشروح اوزره استانه سعادتده ان شاء الله تعالی  
 عهد و میثاق باغلانق و طرفنه صورت و برلک اوزره  
 وکالت

وکالت مطلقه حسبیه اشبوتسک تحریر اولنوب  
 طرفنه ویرلشدرو چارمر قوم طرفندن تمسک النوب  
 ویرلد کد نصکره عسکرلری طوغرو یوللریله مملکتنه  
 کتمسینه کرک عساکر منصوره و کرک طوائف تاتار  
 وسائرلرندن برفرد ممانعت و مداخله ایتمیوب و ذکر  
 اولنان مادهلر تسلیم اولنوب طرفیندن عهد نامه ل  
 النوب ویرلد کد نصکره چارمر قوم طرفندن مأمورا  
 رهن اولق اوزره اردوی همایون نصره مقرونه کلان  
 چارک محرم اسراری قدوة اعیان ملت المسیحیه  
 فیادون قانچیلیر پتروشافروف و شرمیت اوغلنک  
 اوغلو جنرال مخائیل ولد یورس ختمت عواقبهم بالخیر  
 اتمام خدمت ایلد کد نصکره بلا تأخیر مملکتلرینه  
 کتملرینه دولته علیه طرفندن اذن ورخصت ویرلک  
 اوزره اشبوتسک شرح ویرلدی تحریرافی یوم السادس  
 من جمادی الاخر لسنه ثلث و عشرين و مائة و الف  
 امضا (بیورت صحرای خوش یکدی) بوصورتله  
 روسیه اردوسنک ضرورت واقعه لری میدانده  
 و بو حال ایله اردو جده اضمحلال و امیرا طورلرینه قدر  
 اخذ و استیصال لری امکانه ایکن اغماض اولمق

شود قرالی استماع و نارحیتی التماعله برق کبی اردویه  
 کله رک کیفیتي مشارالیه بالطه جی محمدیاشادن سؤال  
 و جووجهله ترك و انماض اولندیغنگ وجه حقیقیسنی  
 استفهام واستسئال ایتد کده مشارالیه دخی عجز  
 واضطرالیه روسیه ایمپراطوری طوبلورایسد روسیه  
 مملکتنه کیم حکم ایدردیو جواب ویرمکله تیمورباش  
 اشبو حاله کال انفعال ایله یرندن حرکت و محل اقامتنه  
 عودت ایتدیکی و صکره ماده وقوعی وجهله قریم خانی  
 مشارالیه دولترای خان وله قرالی پونبساطوسکی  
 طرفلرندن دربار دولتقراره عرض وافاده اولمغله  
 بیک یوزیکرمی اوچ تاریخنده مشارالیه صدارتدن  
 عزل و مدلولویه انفی بعده لمنییه نقل ایله اوراده  
 فوت اوله رق عالمدن قطع امل و اشبو مصالحه ماده سنه  
 سبب مستقل اولمش اولان کتخدای صدرعالی  
 عثمان اغاورتیس وقت عمرافندی دخی قتل اولنده رق  
 رؤیت مجازات عمل ایتد کلری و صکره روسیه  
 ایمپراطوری اشبو مصالحه نک اجر اسندرعایت و ازا ق  
 قلعه سنک تخلیه سنه مبادرت ایتدیکندن تکرار  
 اعلان حرب اولندی دیونقش صحیفه افاده واز باردرد  
 عبدالرحمن



## (عبدالرحمن پاشا)

مشارالیه امرآء در یادن اولغله عصر سلطان مصطفی  
 خان ثانی اولان بیک یوزاون التی شعبانده بالطه جی  
 محمد پاشای مشارالیه اوزرینه قبودان اوله رق غرقه  
 لجه فخر و قدر کیجه سی ترسانه دهی کراسته مخزنک  
 احتراقی سببیه غضب اتشبار ملوکانه یه دوچار اوله رق  
 اوانده سر بریده سیف قهر اولوب پاله پاشا تر به سنه  
 دفنله خواستکار رجت پروردکار اولمشد

## (ولی پاشا)

مشارالیه عصر سلطان مصطفی خان ثانی اولان  
 بیک اون التی تار یخنده عبدالرحمن پاشانک قتلنده  
 قبودان و فلندره کشای فلکه عنوان اولوب اون سکرز  
 تار یخنده وزیر قبه نشین و بعده قتل اولنده رق  
 اسکدارده دفنله کذشتکان ایراده واصل اولمشد

## (چورلیلی کنخدا سی ابراهیم پاشا)

مشارالیه چورلیلی علی پاشا کنخدا سبکن عصر سلطان  
 مصطفی خان ثانی اولان بیک یوزاون سکرز تار یخنده  
 ولی پاشا اوستنه قبودان و صندال سوار عزو شان اولوب  
 یکر می برده عزل و مصر ایالتنه نقل و عصر سلطان

احمد خان ثالث اولان بيك يوز يكرمي طقه و زده  
 جانم خواجه محمد پاشاك اولكي عز لنده ثابا  
 قپودان اولوب دوغماليله قنديه يه وارنجه وفات و جامه  
 حياتي شوينده صابون هازم اللذات اولمشدر  
 (محمد پاشا)

مشاراليه اغريوزلي كوسه علي پاشاك فرزند بهيني  
 و نورديده جهان بينيدر ترسانه كنداسيكن عصر  
 سلطان مصطفى خان ثالث اولان بيك يوز يكرمي  
 برتار يخنده چوراييلي كنداسي ابراهيم پاشاي  
 مشار اليهك اولكي عز لنده قپودان و در يازيب  
 دوغمالى علوان اولوب يكرمي اوچده عزل اولمغله  
 نتيجه ترجمه حالى كوريله مامشدر  
 (حاجي محمد پاشا)

مشاراليد بوستانيان خاصه دن اولمغله نهال اقبالي ترك  
 اوري كال اولمقدن ناشي بوستانجي باشي اولوب  
 عصر سلطان احمد خان ثالث اولان بيك يوز يكرمي اوچ  
 تار يخنده كوسه علي پاشا زاده محمد پاشاي مشاراليه  
 اوستنه قپودان اولوب چند ماه مرورنده عزل و استاجول  
 قائم مقامغه نقل ايله مشار بالبيان اوله رق يكرمي درته  
 قتل و كذشتكان امثالنه و اصل اولمشدر

### (اور صہ پوچھہ ابراہیم پاشا)

مشارالیه از میرہ قریب اولان اورلہ اہالیسندن  
 پہلوان زادہ دینگلہ مشہور در استانبولہ کلد کدہ  
 بوستانجی و جزایرہ کیدوب دایی و صکرہ ینہ استانبولہ  
 کلہ رک قالبونجی اولوب لاجل المعیش قایقچیلق  
 ایدرایکنی احمد خان ثالث تبدیلا کشت و گذارندہ  
 برایکی کرہ بالتصادف قندیہ دن قلایلی احمد پاشانک  
 صدارتہ دعوتنی متضمن لازم کلان خط ہمایونی  
 بونککہ ارسال بیورملیلہ اشب و خدمتی مقابلی  
 کند و سنک استدعاسنہ مبنی قلیون قپودانلغی احسان  
 و ابراہیم خواجہ شہرتیلہ بین الاقران کسب شرف  
 و شان ایدوب چوق یکمدن بیک یوزیکرمی اوچ  
 تار یخندہ حاجی محمد پاشای مشارالیه اوستنہ بارتہ  
 میر میرانی قپودان نصیبیلہ شناور دریای کامرائی اولوب  
 فن دریا پیماییدہ مہارتی موجب رقی قدر و شہرتی  
 واحوال عالمہ عدم وقوفی جہتیلہ عالمک عظیم و عسیر  
 کوزدیکی امر جسم بونجہ قولای و یسیر اولدیغندن  
 ماعدا دائماً مر دلك وجوانمر دلك اوستنہ لاف  
 اور دیغندن خلقك حقنہ بر عجایب توجہی

وقوع عیواندیغنه مبنی قدرینکده سوقیله یوز یکر می  
 بش تاریخنده ادرنه یه دعوت و بیرایه مسند صدارت  
 اولدوقده کسب تفر دایله استقلال دعواسنه ورکاب  
 قائمقامی و داماد پادشاهی علی پاشایی استرقاب  
 و اول کون ترتیب ایتدیکی ضیافتده الیه اوره رق  
 قتل و اعدام سوداسنه دوشدیکنی محرم اسراری  
 طرفلرندن خفیه علی پاشای مشارالیه افاده و اشراب  
 اولمغله مشارالیه دخی ضیافته کلیه رک کیفیتی رکاب  
 همایونه عرض ایتدکده اول ساعت مشارالیه اندرون  
 همایونه جلب و نصب بک یکر می رنجی کونی مهر همایونک  
 استرداد الیه جامه حیاتی دخی دوش زند کانیسندن  
 سلب اولنهرق لاشه سی ادرنه سرایی باغچه سنک  
 برکوشه سنده دفن اولمشدر

( سلیمان پاشا )

مشارالیه ابازه جنسی و دارالسعاده اغاسی یوسف  
 اغاک کوله سیدر اندرون همایونده تریه اولنهرق  
 مر هفه رفه و اعتباری حسن نظر شهر یاریله دردوش  
 اشتهار اولدیغنه مبنی سلحدار و بیک یوزاون الیده  
 وزارت و حلب ایالتی احسانبله کامکار اولوب صکره  
 اغریبوز



اغریبوزوالیسیکن تقاعدلك فرمان و بر مدت مرورنده  
وزیر قبه نشین تعیینیله سلام سعادتہ تصاعدہ  
بغلگیریء همت ارزان بیوریلوب یکر می برده توقیعی  
دیوان واک اوستنه قائم مقامقله کامران وعصر  
سلطان احمدخان ثالث اولان بیک بوز یکر می درت  
تاریخنده پایزان یوسف پاشاک قتلنده مهر همایونه  
نیل ایله دست ارا اولوب یکر می بشده عزل و مسند  
قپودانییه واصل و اول سنه عزل و استانکویه نفی  
و بعده ردوسه نقل اولندقد نصکره اوراده قتل  
اولمشدر

(خواجه سلیمان پاشا)

مشار الیه ایمان رئیس ایکن عصر سلطان احمدخان  
ثالث اولان بیک بوز یکر می بش تاریخنده اشچی  
محمد پاشاک ایکنجی عزلنده قپودان وزیر وزیر  
دریای عنوان اولوب یکر می التیده انفصال  
واوتوز برده قره ابراهیم پاشاک ایکنجی عزلنده  
وزارتله نائب مسند قپودانییه اتصال ایدوب ینه  
اول سنه عزل و ساقزده فوتله نخستین منزل اخرته  
واصل اولمشدر

## (جامخواجه محمد پاشا)

مشارالیه قلیون قیودانی اولمغله عصر سلطان احمد خان  
 ثالث اولان بیک یوز یکر می التی تار یخنده مشارالیه  
 خواجه سلیمان پاشا نک اولکی عز لنده بارتبه میر میرانی  
 قیودانلقله موجه بخش دریای کامرانی اولوب  
 یکر می دیده استندیل و یکر می سکر زده بنفشه و چوقه  
 اطهر لی ققنه دوغمالیه دریایما اولد قده هوای  
 توفیقده موفق اوله رق عودت ایتد کده یکر می  
 طقوزده عزل و قرق او چده عبدی پاشا اوستنه  
 وزارتله ثانیامسند قیودانی یه واصل اولوب قرق درتده  
 فورتنه عزله دوچار و عصر سلطان عثمان خان ثانی  
 اولان بیک یوز قرق بش تار یخنده سلحدار ابو بکر پاشا  
 اوستنه ثالثا قیودانلقله ممنون لطف روز کار اولوب  
 قرق طقوزده انفصال و جدہ یالتنه اتصال ایله  
 طائفده زائر روحی مطاف اخرته احرام بند عزم  
 اولمشدر

## (اتلمچی مصطفی پاشا)

مشارالیه صدر اسبق مرزی فونلی قره مصطفی پاشا نک  
 حفیدی اولوب نشانچی ایکن عصر احمد ثالث اولان  
 بیک

بيك يوز او توزايكي تاريخنده خواجه سليمان پاشاي  
 مشاراليهك ايكنجي عزلنده قيودان و دو نيازيب نام  
 و شان اولوب سنه سنده عزل و قرق اوچ تاريخنده  
 سراي همايونده قتل اولنه رق ديوان يولنده ارغاد  
 يازارنده جدي مشاراليهك مدرسه سي او كنده كي  
 صفحه ده دفله كذشتكان اسلاقيه واصل اولمشدر  
 (عبدى پاشا)

مشاراليه قليون قيوداني ايكن عصر سلطان احمد خان  
 ثالث اولان بيك يوز قرق اوچ تاريخنده اتلمجي مصطفى  
 پاشاي مشاراليه اوسته قيودان اولوب چند ماه مرورنده  
 عزل و رسم و سنجاغنه نقل و عصر سلطان محمود خان  
 اول اولان بيك يوز قرق درت تاريخنده شاهين  
 محمد پاشانك اوسته ثانيا قمسند يودانيه واصل  
 اولمش ايسه ده اوسنه ده فوت و كشتي عياتي دوچار  
 كر داب فوت اولديغندن قاسم پاشاده دفن اولمشدر  
 (داماد حافظ احمد پاشا)

مشاراليه عصر سلطان احمد خان ثالث اولان بيك يوز  
 قرق اوچ تاريخنده عبدى پاشاي مشاراليه اوسته  
 قيودان اولوب برق اچاي مرورنده عزل اولمغله ماعدا  
 ترجمه حالي بيلنما مشدر

(شاهین محمد پاشا)  
 مشارالیه اوجاغ ملغا چاوشلرندن اولمغله تبریز  
 سر عسکری کپریلی زاده عبده پاشا اردوسنده اغا و حسن  
 صیتله شهرت ارا اولدیغندن عصر سلطان محمودخان  
 اول اولان بیک یوز قرق درت تار یخنده جانم خواجه  
 محمد پاشای مشارالیهک اولمکی عزلنده قپودان اولوب  
 برای کچر کچمز عزل الیه کنام اولمغله نتیجه ترجه حالی  
 معلوم اوله ما مشدر

(مرابط سلیمان پاشا)

مشارالیه قلیون قپودانلرندن ایکن عصر سلطان  
 محمودخان اول اولان بیک یوز قرق درت تار یخنده  
 عبدی پاشای مشارالیهک وفاتنده بارتبه میر میرانی  
 دریا قپودانلغله شناورد ریای کامرانی اولوب التی ای  
 مر رنده عزل و قرق التیده اذنی کمیدده رجعت حقه  
 وصل اولمشدر

(سلحدار ابو بکر پاشا)

مشارالیه اندرون همایونده تربیه اولنده رق مهر ماه نمایش  
 اعتباری حسن نظر شهریار یله لمعه دارا شهرار  
 اولدیغنده مبنی سلحدار اولوب عصر سلطان

محمود



محمود خان اول اولان بیک بوز قرق درت تاریخنده  
مرابط سلیمان پاشای مشارالیه اوستنه قپودان اولوب  
اوچنجی ای عزل اولمغله بوندن زیاده ترجمه حالی  
اکلا شلما مشدر

(لازعلی پاشا)

مشارالیه قلیون قپودانلردن ایکن عصر سلطان  
محمود خان اول اولان بیک قرق بش تاریخنده جانم  
خواجه محمد پاشای مشارالیهک اوچنجی عزلنده  
قپودان وفلندره کک شای فلوکه شان اولوب  
قرق طقوزده فورته فوته دوچار و قاسم پاشا کریمه سی  
مکتبنده دقله منظر چوشش دریای رحمت پروردگار  
اولمشدر

(سلیمان پاشا)

مشارالیه عصر سلطان محمود خان اول اولان بیک  
بوز قرق طقوز تاریخنده لازعلی پاشای مشارالیهک  
فوتنده قپودان وترسانه ارای علوان اولوب  
اللی اوچده عزل واللی بشده فوت اولمغله اسکدارده  
تونس باغنده دفنله اولین منزل اخرته واصل  
اولمشدر

(صاری مصطفی پاشا)

مشارالیه عصر سلطان محمود خان اول اولان بیک  
یوزاللی اوچ تار یخنده سلیمان پاشا اوسته قپودان  
وصندال سوار عزو شان اولوب اللی الیده عزل  
واللی یدیده طوپال عثمان پاشا زاده راتب احمد پاشا  
اوسته ثانیامسند قپوانی یه واصل اولوب اللی سکرده  
شاهجه رجت اله اولمشدر

(شهمسوار زاده مصطفی پاشا)

مشارالیه عصر سلطان محمود خان اول اولان بیک یوز  
اللی یدی تار یخنده صاری مصطفی پاشای مشارالیه  
اوسته قپودان اولوب اوسته عزل و یمش بشده  
فوت اولمشدر

(طوپال عثمان پاشا زاده راتب احمد پاشا)

مشارالیه عصر سلطان محمود خان اول اولان بیک یوز  
اللی یدی تار یخنده شهمسوار زاده مصطفی پاشای  
مشارالیه اوسته قپودان اولوب برقاق ای هرورنده  
عزل وموره سنجاغنه نقل و یمشده اوراده فوتله  
رجت حقه واصل اولمشدر

(صوغان یز محمود پاشا)

مشارالیه عصر سلطان محمود خان اول اولان بیک  
یوز

یوزاللی طقوز تار یخنده طوپال عثمان پاشا زاده  
 راتب احمد پاشا و ستنه قپودان و دونخایله اق دکره  
 شراعکشای روان اولوب مدلولیه و ارنجه فوت  
 واسبهاون حیاتی الحام جام موت اولمشر  
 (طورق محمد پاشا)

مشارالیه عصر سلطان محمود خان اول اولان بیک  
 یوزاللی طقوز تار یخنده صوغان یمن محمود پاشای  
 مشارالیهک فوتنده قپودان و دونخایله اق دکره  
 پوصله روز روان اولوب عودنده عزل و رسمویه  
 نفی اولمغله التمش طقوز تار یخنده او راده فوت  
 اولمشر

(ملک محمد پاشا)

مشارالیه قپودان اسبق سلیمان پاشای مشارالیهک  
 اوغلید راهر ادر یادن مدلولو چکدیرمه سی قپودانی  
 بولمغله بر زمان ترسانه کتخده الغنده استخدام و ناصیه حالتند  
 رویت و کار گذارلق خصوصلری استفهام اولند یغنه مبنی  
 طوراق محمد پاشای مشارالیهک عزلنده بارتبه میر میرانی  
 فلکه زیب دریای کامرانی اولوب ایکی دفعه  
 دونخایله اق دکره شراعکشای روان اولد قد نصکره

التمش سکنز جادی الاخره سنده عزل واستانکویه نفی  
 وعصر سلطان مصطفی خان ثالث اولان بیک یوز  
 سکسان تار یخننده طوسون محمد پاشای اتی الذکر  
 اوستنه ثابا مسند قیودانی یه واصل اولوب سکسان  
 ایکیده قائم مقامقله مقضی الامال و جلوس سلطان  
 عبد الحمید خانیده عزل ایله قندیه محافظه سنه ارسال  
 وعصر سلطان سلیم خان ثالث اولان بیک ایکوزالن  
 تار یخننده قوجده یوسف پاشاک ایکنجی عز لنده ارایش  
 صدر صدارت و طقوزده عزل ایله بوغاز ایچینده  
 اورته کویده کی یالیننده دعای پادشاهی یه مواظبت  
 اورزه ایکن اون التیده فوت و تلکام شربت شورابه  
 موت اولغله خلیفه جلیله سی زینب سلطانک تیمور  
 قیوده بناسنه همت ایتمش اولد قلری تربیه ده صندوقه  
 زیب ارام و منتظر روز خسرو قیام اولمشدر  
 (قره باغلی سلیمان پاشا)

مشار الیه امرای دریادن بولغله ترسانه کتخداسیکن  
 عصر سلطان محمد خان اول اولان بیک یوز التمش  
 سکنز تار یخننده ملک محمد پاشای مشار الیهک اولکی  
 عز لنده بارثیه میره میرانی در یاقیودانلغله سفینه سوار



کامرانی اولوب دونمایلله اق دکره روان اولوب  
 اوچ قطعه اقدرمه ایله عودت ایتمکه مظهرالتفات  
 شهنشا اسکندر عنوان اولوب التمش طقوزده وزارت  
 احسان وترسانه اقبالی ک شایشیاب وسعت  
 و شان اوله رق یتشه انفصال و یتش برده کل احمدپاشا  
 زاده علی پاشای اتی الذ کر اوسته ثانیامسند قیودانی یه  
 اتصال و یتش اوچده تکرار عزله دوچار و یتش  
 التیده سنک مصطفی پاشای اتی الذ کر اوسته ثالثا  
 قیودانقله دیوانخانه زیب افتخار اولوب یتش یلیده  
 عزل و مسقط راسی اولان قره باغده فوتله واصل  
 رحمت پروردگار اولمشدر

(عبد الکریم پاشا)

مشارالیه عصر سلطان مصطفی خان ثالث اولان بیگ  
 یوز یتش اوچ تار یخسده قره باغلی سلیمان پاشای  
 مشارالیهک ایکینجی عزنده قیودان و دونمایلله اق دکره  
 شرعکشی روان اولدقده رد و سسده عزل و قتل  
 اولمشدر

(تذیل)

ترجمه تاریخ مذکورده مشارالیه دونمایلله امستانکویده

لنکراند از قرار ایکن یکسندک طاقی جمع نمازینه  
 چیمش بولند قلرندن پرانغه ده کی اسیرلر فرصت  
 بولوب پاشای قتل وکی پی اخذایله مالطیه فرار  
 ایتدیلدیو محیفه زیب نقل واز باردر  
 (میراخور مصطفی پاشا)

مشارالیه میراخور ایکن عصر سلطان مصطفی خان  
 ثالث اولان بیک یوز یمش درت تاریخنده عبدالکریم  
 پاشا قتلنده قیودان واسیرانی میدان اقبالدن فلولقه سوار  
 دریای عنوان اولوب بش آی مرورنده عزل و یمش  
 بشده باغرا دده عالم اخرته واصل اولمشدر  
 (حسن پاشا)

مشارالیه ملغا اوجا غندن تحصیل وزارتله کسب شان  
 وعصر سلطان مصطفی خان ثالث اولان بیک یوز  
 یمش درت تاریخنده میراخور مصطفی پاشای  
 مشارالیه اوستنه قیودان و دیوانخانه ارای عنوان  
 اولوب سنه سنده عزل و سکیسان ایکیده بلغراد  
 محافظه سنده ایکن روحنی قابض الارواحده تأدیه  
 وقلعه حیاتی مستحفظان امل و عملدن تخلیه ایشدز  
 (وزیر کتخداسی محمد پاشا)

مشارالیه اخسجه لیدر وعلی روایه طاغوسه تانیدر  
 رجال

رجال دولتمند اولغله كئخدای صدر عالی ایكن عصر  
سلطان مصطفى خان ثالث اولان بیک یوز یتش بش  
تاریخنده حسن پاشای مشارالیه اوستنه قپودان  
ورایت اقبالی اوج کالده جلوهران اولوب یتش الیده  
انفصال وسکسند قارصده ایكن عالم اخرته ارتحال  
ایلشد

( سنک مصطفى پاشا )

مشارالیه عصر سلطان مصطفى خان ثالث اولان  
بیک یوز یتش الی تاریخنده وزیر کئخداسی محمد پاشا  
اوستنه قپودان و دوغنازب علوان اولوب دنجی ای  
عزل الیه یتش یدیده فوت و سنک سای حیاتی اختفا  
کرده سوراخ موت اولغله ( مات الذباب ) ترکیبی  
تاریخ فوتی واقع اولشد

( اغا محمد پاشا )

مشارالیه ملغا اوجاغنده رتبه وزارتہ اصعداد  
وقائمه مقامله محصل المراد اولوب عصر سلطان  
مصطفى خان ثالث اولان بیک یوز سکسان ایکی  
تاریخنده ملک محمد پاشا مشارالیهک ایکنجی عزلنده  
قپودان وفورس کشای سرستون شان اولوب

سند سنده عزل اولمغله ماعدا ترجمه حالی معلوم  
اولما مشدر

(افا حسین حسنی پاشا)

مشارالیه ملغا اوجا غندن رتبه میرمیرانی ایله نائل  
مرتبه کامرانی وعصر سلطان مصطفی خان ثالث  
اولان بیک یوز سکسان ایکی تاریخنده افاحمد پاشای  
مشارالیه اوستنه واصل مسند قپودانی اولوب صکره  
رتبه وزارت دخی واصل ایله ترسانه زیب سباهات  
وسکسان التیده قندیه ده جامه شوی حیات اولمشدر  
(طوسون پاشا)

مشارالیه عصر سلطان مصطفی خان ثالث اولان بیک  
یوز سکسان التی تاریخنده افاحسین حسنی پاشای  
مشارالیهک اوستنه قپودان وال سنده عزل ایله کننام  
کوشه نسیان اولمغله قصور ترجمه حالی بلنه مامشدر  
(سلیمان پاشا زاده محمد پاشا)

مشارالیه عصر سلطان مصطفی خان ثالث اولان بیک  
یوز سکسان التی تاریخنده طوسون محمد پاشای  
مشارالیه اوستنه قپودان اولوب ایکی ای ایچنده  
عزل اولمش و نتیجه ترجمه حانی کور یله مامشدر  
اغری بوزلی



(اغریبوزلی ابراهیم پاشا)

مشارالیه عصر سلطان مصطفی خان ثالث اولان  
سکسان الی تاربخنده سلیمان پاشا زاده محمد پاشای  
مشارالیه اوستنه قیودان و ترسانه ارای علوان اولوب  
اول سنه انفصال و صکره مسقط راسی اولان  
اغریبوزده عالم اخرته ارتحال ایتشد

(حسام الدین پاشا)

مشارالیه جانم خواجه محمد پاشای مشارالیهک حفیدیز  
عصر سلطان مصطفی خان ثالث اولان سکسان الی  
تاربخنده اغریبوزلی ابراهیم پاشای مشارالیه اوستنه  
قیودان و دوغمالیه اقدکزه صالیه تیمور روان اولدقده  
کلیبولیه وارنجه فوت و زورقجه حیاتی دوجار  
فورتنه موت اولمشدر

(جعفر پاشا)

مشارالیه عصر سلطان مصطفی خان ثالث اولان بیک  
بوز سکسان یدی تاربخنده حسام الدین پاشای  
مشارالیهک وفاتنده قیودان و اول سنه عزل اولوب  
ردوس اطه سی محافظی ایکن بودرمد تارک جان  
وجهان اولمشدر

## (جزایرلی غازی حسین پاشا)

مشارالیه عصر سلطان مصطفی خان ثالث اولان بیک  
یوزسکسان سکر تار یخنده جعفر پاشای مشارالیهک  
اوستنه قپودان وفورس کشای دونمای شرف  
وشان اولوب سلطان عبدالحمید خاگ بدایت ونهایت  
سلطنتدن سلطان سلیم خان ثالثک جلموسی مدتندک  
کمال اقبال و اہمتله دیوانخانہ عز و اجلالده کامران  
اولوب بیک ایک یوز اوچد عز و درتده کتخد  
حسن پاشا اوستنه اسمعیلده صدر صدارتله کامکار  
اوله رق اول سنده ششای شمنیده اولین پایہ منزل  
اختره پانہاد و خاق عالم صدمہ قہری طوفندن ازادہ  
اولمشدر

## (کریدلی حسین پاشا)

مشارالیه قپودانہ ہمایون بولمغله عصر سلطان  
سلیم خان ثالث اولان بیک ایک یوز اوچ تار یخنده  
رجبده جزایرلی غازی حسن پاشای مشارالیه اوستنه  
رتبہ میردیرانی ایله مسندارای قپودانی و اول سنہ وزارت  
احسانیلہ صندال زیب دریای کامرانی اولوب ایک یوز  
التیدہ عزل و حایہ محافظہ سنہ نقل و بعدہ جدہ ایالتی  
احسان و اورادہ عازم دارجنان اولمشدر

کوچک

## ( كوچك حسين پاشا )

مشاراليه اندرون همايوند تربيده و سلطان سليم ثالث  
 سوت برادر لري اولمه سبيله نهال امالي نير نظر التفاتلريله  
 تنويه بيورلمغله جلوس همايونلرنده باش چوقدار  
 و لجا ر جال و كبار اولوب بيك ايكيوزالتى ر جبنده  
 كريدلى حسين پاشا و ستنه وزارتله قومودان و ترسانه  
 زيب علمو علوان اولوب دونماليه برقاج كره اق د كزه  
 يادبانكشاي روان اولمغله اق د كز اطدلى نظامنده  
 و خصوصيله مصر قنچنده موج زن ساحل  
 ظهور اولان خدمات مشكوري موجب التفات سلطان  
 سليم سليم خصلت اولوب نائل عز و مصاهرته ارايش  
 ر بابه الحجال مسرت اوله رق اون ايكي سنه مدت كمال  
 شهرت و شانله ديوانخانه اقبالده **ك**امران  
 اولد قد نصكره بيك ايكيوزاون سكر تار يخنده كشتي  
 خيياتى سوي عده ر وان اولمغله ايوب انصاري  
 رضى عنه الباري جوارنده كي والدسى تربيه سي  
 اتصالنده قفس بند تهيه اولنان مقامده صندوقه  
 اراي ارام اولمشدر

## ( محمد قدرى پاشا )

مشاراليه صوفيه ده نعلبنده خليل اغاك اوغليدر

پدری وفات نموده اونی یاشنده اولدیغی و عیسی  
 دونخای همایونده قپودان بولندیغی سبيله استانبوله  
 کلوب سفن شاهانه نفر یاز یله رق الی درت سنه  
 مدت ترسانه ده خدمت ایدرک امرای بحریه  
 مخصوص اولان مراتب و مناصبی دور و تکمیل ايله  
 قپودانه همایون رتبه سنی تحصیل ایتکه عصر سلطان  
 سلیم خان ثالث اولان یک ایکوز اونی سکر شعبانده  
 کوچک حسین پاشاک فوت نموده قپودان وفاندره  
 کشای فلکه ناموشان و سنه سنده فورتنه عزله ابتلا  
 و بروسیه نفی واجلا اولمغله اونی سکرای اوراده  
 متکارای و سادۀ اقامتد نصکره وزارتی ابقاو کرید  
 ایالتی اعطا اولنوب بش سنه مقداری اجرای رسم  
 حکمداری ایتد کده غیری سنی برکال واسنیلای  
 ضعف و هرمله حرکت و قیامده بی مجال اولدیغی  
 دربار دولتراده انها و بروسه ده اقامتله دوام عمر  
 و شوکت حصرت پادشاهی یه مواظبتی استمدعا  
 ایتکه مر اجمع المشمول شاهانه دن التماسی اسعاف  
 و مستوفی معالی احسانله مظهر محاسن الطاف اولوب  
 اونی بش سنه مدت بروسه ده کوشه نشین ارام و اقامتله  
 اوتوز



او تون طقوز ذی الحجه سنه طقسان یاشندن زیاده  
اولدیغی حالده فوت و شنادر دریای ناقعر موت اولمغله  
اوراده مستغرق لطف رحمان و مشهد اقدسی مطاف  
کرو بیان اولان حضرت امیر کبیر قدس سره القدرک  
جوار جنت جوارنده دفین خالک و منتظر شفاعت مظهر  
شیر اظهر و ما ارسلسناک اولمشدر

(بوستانجی باشی حافظ اسماعیل پاشا)

مشارالیه بوستانیان حدیقه خاصه دن اولمغله نهال  
اقبالی بیخ افکن دوحه کمال اولمقدن ناشی  
بوستانجی باشی اوله رق عصر سلطان سلیم خان  
ثالث اولان بیک ایکوز اون طقوز شعباننده محمد قدری  
پاشای مشارالیه اوستنه قیودان و یکرمی محرمنده  
صدر صدارتله مشار بالبنان اولوب یدنجی ای عزل  
و قلعه خاقانی محافظه سنه نقل اولمغله اوراده وفات  
و قلعه روحنی تسلیم ملکه ممات ایتمشدر

(بوستانجی باشی حاجی محمد پاشا)

مشارالیه بوستانیان حدیقه خاصه دن اولمغله افنان  
اقبالی ملتفه الاغضان کمال اولمقدن ناشی  
بوستانجی باشی ایکن عصر سلطان سلیم خان ثالث

اولان بيك ايكيوز يكرمي محرمنده بوستانجي باشي  
حافظ اسماعيل پاشاي مشاراليهك اوستنه قپودان  
وسندسند عزاليله قره حصاره روان اولمشدر  
( حاجي صالح پاشا )

مشاراليه زعفران بورلييدر عصر سلطان سليم خان  
ثالث اولان يكرمي برره مضاننده بوستانجي باشي  
حاجي محمد پاشاي مشاراليهك اوستنه قپودان  
ودونغايله اق دكزه روان اولوب نعره اوكننده  
انكر انداز قرار ايكن دو فور ت نام امر الك قومانداسنده  
اولان چند قطعه انكلتره تكنش ليله طوپ  
اندازي محاربه ده فيلوزيب قومانداسي اولان  
دونغا يي حرق و غرقله قره دن استانبوله كلوب چيتمغله  
اوچ آيده عزل و شام و سار بعض مناصبي دورايله  
قرق تار يخنده اخسخته واليسين رحمت حقّه واصل  
اولمشدر

( سيد علي پاشا )

مشاراليه اناطولي اهااليسندن اولوب جزاير غرب  
اوجاغنده تربيه اولنه رق درعليه يه كوندريلوب غرب  
اوجاقلري قپو كتخنداسي اولمغله كوچك حسين پاشا  
زمانده

زمانده لمبرو وقره قچسان دبد کوری قورصانلر ايله  
 مرتدومانیه اطه لری اچیق زنده جزایر غرب تکنه لریله  
 لومبار کشای محاربه ده غلبه ایتدیکله قپودانه همایون  
 تعیین یورلد یغندن عصر سلطان سلیم خان ثالث  
 اولان بک ایکیوز یکر می بر ذی الحجه سنده حاجی صالح  
 پاشای مشارالیهک اوستنه قپودان واستان بوله کلوب  
 کیدن انکلتره تکنه لری بنی تعقیبا بوغازده روان  
 اولوب طیشارو چیققدقه انکلتره تکنه لریله طوپ  
 اندازی دستبردیده ابراز شیرمر دی ایتد کدنصکره  
 یکر می اوچ جهادی الاخره سنک دردنده وقوعبولان  
 جلوس همایون سلطان محمودخان عدلینک یکر می  
 ایکنجی کونی عزل واول سنه رمضانک قدر کیجه سی  
 اوجاغ ملغانک اتش انداز ظهور اولان فساد ونفاقی  
 وصدروقت بولنان بیراقدار مصطفی پاشانک کندو  
 کندوی احتراتی جهتلریله قپودان رامن پاشانک  
 دخی بعدالعیسدر روم ایلی یه کتدیکی سببله بیرامک  
 دردنجی کونی ثاب سامسند قپودانی به واصل اولوب  
 یکر می درت محرمنده انفصال ومصر ایالتنه اتصال  
 ایله اسکندریه یه وارنجه فوت واینه حیاتنده مشاهده  
 صورت موت ایتشد

(سید عبد الله راعی پاشا)

مشارالیه اقلیم قریمک خاندان فضلاورئیس العلماسی  
اولان عبدی ولی پاشا زاده قریم قاضی عسکری سید  
فیض ابیک فرزند محاسن اختری و دوتنای تراجم  
احوال قیودانانی اشبو صغیفه در یاسای صحت اوزره  
فیلولوزیب ضبط و تحریر ایدن محمد عزتک پدر معالی  
کهریدر عصر سلیمان عبد الحمید خان اول اولان  
بیک یوز سکسان سکر تار یخنده روسیه الیه عقد اولنان  
قینارجه مصالحه شده قریمک سر بسیتی امضا و خانی  
بولنان شاهینکرای دخی مقاضده و تقریر و ابقا  
اولند یغندن و سید فیض اه بک ایسه قریمک  
قاضی عسکری و متعینان خاندان مملکتدن حل و عقد  
اربابک اشهر و اکبری بولند یغندن شاهینکرایک  
اهالی حقنده بادره الظهور و قاصمه الظهور اولان  
تکلیف عینفی رد الیه سیلابی جورینه اهین سید  
اولغله شاهینکرای بدرای کیف مایشاء و یختار  
حکومه یارای اقتدر بوله داد یغنه مبنی روسیه  
امپراطوری طرفه کیدوب ذاته مخصوص نشان  
ومعیتته اون ایکی ایک نفر صالداتبله رجوزال الهرق



قریعہ دونوب کلد کدہ اول قوتله اولامشار الیہ  
 فیض اہ بکی اعدام و صکرہ سائر مخالفینک کارلرینی  
 اتمام ایدرک ایشنه نظام ویرہ جکنی مشار الیہ فیض اہ  
 بک خان مشار الیہک روش حال واطوارندن استدلال  
 ایدوب بوصورتله مشار الیہہ مقاومت مشکل  
 و مطساعت ایسہ خارج امری دیانت اولدیغندن  
 و حلزار حیرتہ پادرکل اولوب (بیت) (اضطراری  
 غمہ دوشمکدن ایسہ اختیاری سفر ایٹک یکدر) دیہرک  
 ترک ماملاک ورومہ قدومی استکله محمد بک و درویش  
 بک و راض بک نام اوچ نفر اولادینی استصحاب و خیش  
 و تبادندن صرف انظار الیہ در علیہہ فرارہ شتاب  
 ایدوب سایہ سلطنت سنیہہ التجا ایتد کدہ علم و فضل  
 و اصلتہ حرمة و مهاجرتہ رعایة قلبہ مولویتی  
 عنایت یورلمغله واروب مدت معتاد سنی اتماملہ  
 عودت و در سعادتہ و صلتہہ عزم طریق آخرت  
 قلہ یغندن مومی الیہ محمد بک اون بش و درویش بک  
 اون اینکی و مشار الیہ راض بک طقوز یاشندہ یتیم اولمغله  
 اول وقت صدور کر آمدن بولنان می حوم توفیق ملا  
 افندی پدر لری می حوملہ کذار شیدر درجہ اخوت

اولان الفت و محبتنه رعایتله اجرایی شیئه مروت ایدوب  
 بونلری حقیقی اولوب مؤخر اصدور کرامدن اوله رق  
 فوت اولان صدیق ملایلله قونانی اتصاننده اولان  
 مدرسه دبیر بر او طه به ادخال و تحصیلاتینه سعی  
 بیهمال ایتد کده مومی الیه محمد بک مقتضی خلقتی  
 عثمانلو اغد میل و محبتی جهتیه مصره کیدوب  
 فرس رانی میدان شجاعته اظهار شیئه شیری  
 وجلا دت ایدوب بکرایله کرم عنان الفتی شدت  
 و قول محمد بک عنوانیه شهرت بولوب و درویش بک  
 دخی مدرسه ده ایکن حسب القدر طعنه طاعونه  
 فوت اولوب مشار الیه رامن بک سکز سنه اول  
 مدرسه ده تحصیل و اصول و فروعی تکمیل الیه  
 بالامتحان رؤسه شایان اوله رق مدرس اولد قد نصیره  
 برای معیشت قدس ملاسنه نیابتله حرم ائت طرفته  
 عزم و وصالته مظهر \* لا خوف علیهم و لا هم  
 یحزنون \* اولان اولیای محاسن نمودن مشایخ  
 عصرینک سلوی ساسر بلندی و بیک اکیوز یکر می  
 یدی تار یخنده بار اده شاهانه استانبوله دعوتله جلب  
 اولنوب چند روز اقامت و ارزوداران مجلس فیض

اینسنة نشر فیضا فیض سر معرفت ایلہ مقصد صدق  
 طرفہ ضرام وایوب انصاری رضی عنہ الباری  
 جوارندہ کی والدہ تریبہ سی اتصالندہ قفس زیب ترتیب  
 اولان مقامدہ منظر روز قیام اولان قادری الخلوئی  
 مولانا الشیخ ابوالسعود افندی حضرت تلمذن اخذید  
 انابتہ ترک نیابت ودر کاهلرندہ ایکی سند مدت دامن  
 عیمان خدمتہ امامہ سجدہ نسبی اولان بازواج  
 معارف خدا و سرفر و فرمای رقاب کل اولیا  
 شیخ الشیوخ الربانی جدنا و سیدنا و سندنا و مولانا  
 جناب عبدالقادر کیلائی قدس اللہ سرہ و نفعنا برہ  
 حضرت تلمذ طریقہ کر بستہ خدمتہ تصفیہ قلب  
 و تزکیہ نفسہ ہمت ایتمکله بر کون مولانای مشارالیه  
 حضرت تلمذی (راہز سنک رومدہ فیض و لزومک وار  
 وارا اللہ سلامت ویرہ) دیوامان حقہ تودیع و قدسک  
 قلعه سی قیوسنہ قدر بالذات تشیع بیورد قد اولدخی  
 قدمہ رخسا و قریب و بعید حقندہ خیر دعا و حسن  
 ہمتی استدعا ایلہ و داع و عزیمت و استابتہ ولہ و صلواتہ  
 محمود پاشا محکمہ سنہ نباتلہ بر سنہ قدر امر ار مدت  
 ایلد کد نصکرہ مصر سفری ظہور و مصر اردوسی

قاضی بعلیه جانب ذات الاله رامه عزیمته مأمور اولوب  
 وقوع بولان امورده اردوده بولسان و کلا یله  
 حسب الاقتضا عقد اولنان مجلس شوراده مشار الیهک  
 رای دلبند و عقل فلاطون پسندی مسلم اولوب  
 عوامده استخدا م اولنده حق ادمدر دیو کوچک  
 روزنامه منصبیله خواجک احسان و مصرک اخذ  
 و استیلا سندن صکره مانند موی زنی قارش مورش  
 اولش رزقه و بلا رزقه دینلان املاک مصریهک  
 حد نصاب و نظامنه ابلاغی و او ماده جسمیهک بر حسن  
 قابله افرانغی اراده سیله مشار الیهک روزنامه جی اوله رق  
 مصرده ترکی استخسان اولوب اردو عودت و بونلرک  
 اوراده اقامتده امام شافعی رضی عنه العافینک  
 (ارضها ذهب و مالها عجب و نسائها لعب و هی لمن  
 غلب) کلامی اوزره مصرک ارض و هواسی مقتضاسی  
 واجناس مجتمعه اراذل عسا کرک جیهیتری اقتضاسی  
 اولان فتنهک پیداسیله دفتر دار مصر رجائی  
 افندیکنک اعدام و افناسنده مشار الیه اختفا ایدرک  
 اول ورطه دن رها بولد قده طوغر و استانبوله کلوب  
 اقبالداران یکانه و دهات زمانه دن سرکاتی احمد  
 افندی



افندی ایله تحصیل کرمی الفتنه مبنی باش محاسبه  
منصبی احسان و خبره خانه و هندسه خانه ک بدایت  
ترتیبی مدتی اولدیغندن مشارالیهک فن هیئت  
و هندسه ده کی کالنه بنساء خبره خانه و هندسه خانه  
نظارت لرینک علاوه اعطاسیله نظام لرینک تنظیمی  
فرمان بیوریلوب بر موجب اراده تسویه دنصکره  
روسیه سفری ظهور و عهده سنده بولنان مناصب  
ایجابیله اردو ایله عزیمته مأمور اولوب شمنییه و صلتله  
خیمه ارای اقامت ایکن انوار سلطنتندن اقتباس نور  
سر بلندی اولنان سلطان سلیم سلیم الطبعک خلعی  
و مجذوب خدا سلطان مصطفی ک جلوسی وقوعیله  
پادشاه مخلوعک اردوده طرفدارائی بولنان ذواتک  
مداخله ممنوع اوله رق هر بر لرینک برریره  
نفی اراده بیورلدیغنه مبنی مشارالیه مناصب  
مذکور دن عزل و چاوش مباشرتیه قوالیه نفی  
اولمغله عزیمتله قلبیه و صلتنده اول مدته روم ایلیده  
علم افراز میدان استعلا بیرقدار مصطفی پاشانک  
کنجداسی مشهور کوسه کنخدا احمد افندی اوراده  
بولدیغندن ملاقاتنده مشارالیهک علم و فضلنه

و رای و عقله علمی لاحق اولجه متبوعی اولان پاشای  
 مشارالیه طرفه ارساله اقدام و مباشری اولان  
 چاوشی کبرویه اعاده و اعزام ایتمکله مشارالیه  
 روسجغه وارد قدیم بیراقدار مصطفی پاشای مشارالیه ایله  
 کرم الفت و جلوس مصطفی خاندن طولایی گروه  
 ملغاک ناره فروز بروز اولان آتش فساد و تخوتلری  
 دفعیچون خلاصه اراء و مشورته اعاده جلوس  
 ماده سنه مبادرتله اولیاده اولند کجند دوغماک اوزره  
 عقد رایت عقد و میثاق و عقلائی روزگار و کبرای  
 و کلای دولت ابد فراردن مصطفی رفیق افسدی  
 واحد بهیج افندی ایله دخی بهمدست اتفاق ایوب  
 ماده مطلوبه تک تحصیلی بایند قرئای سلطان  
 مصطفای اغفال اعمال حسن تدبیر و احتیال ایله  
 ظاهرده سلطان مصطفای طائفه متغلبه یدندن  
 استخلاصله دولته برخدمت و باطنده ایسه سلطان  
 سلیم سلیم الخصلتک اجلاسنه بغلگیری همت ایچون  
 تاریخده مفصلا تحریر اولندیغی اوزره اردوی همایون  
 معیتله مشارالیه بیراقدار مصطفی پاشایله استانبوله  
 گلد کده اقتضای قضای او قدر سلطان سلیم

شهادتی آینه ظهورده جلوه کراوله رق سلطان  
 محمودخان عدلینک جلوسی واقع اولغله اول کون  
 بیراقدار مصطفی پاشای مشارالیه نشاندہ صدر علیا  
 ومشارالیه دخی اقتضایدن اصول واداریه ادخال  
 ایچون رومالی ایالتیه کاهروا اولوب تنظیم دائره  
 ونیم مهم سارہ ایدر ایکن بیراقدار مصطفی پاشای  
 مشارالیهک طیشاروده تربیه سی جهتیه لسان دولتی  
 یلدیکنه وبوصورتله مشارالیه ی یانندن ایرمق  
 بروجمله ایشنه الویرم دیکنه مبنی اون سکرکون  
 هرورنده جسادى الاخرنک یکر می ایکنجی کونی  
 سیدعلی پاشای مشارالیهک عزلیله مشارالیه قپودان  
 وفورس کشای سرستون شرف وشان اولوب  
 اول سنه ره مضائنک قدر کیجه سی اوجاغ ملغانک  
 شراره پاش ظهوراولان آتش فسادلرنده مشارالیه  
 ترسانه دن طوپخانه یه کیدوب ضبط وافسانه ربطله  
 اغوات ونفرائک قلوبنی تسخیر واورادن استانبوله  
 کچهرک تسکین دائره شروشوره تدبیراوزره ایکن  
 ترسانه دن دو نمانک الارغه ایدلمی و اقا قپوسی  
 وسارہ کی جمع اشقیایه کله اتلمی اوچ قطعه

خطوط وارد ایله اراده بیور ملغله برایکی کی الارغه  
 اینک و اغاقپوسنه طوغرو بر قاق کله اتمق اوزره ترسانه  
 کتخد اسی اینجه بکی ترسانه یه اسراواراده بی اجرا  
 ایتد کد نصره سرای همایونه زیمت ایدوب قاضی  
 پاشا ایله بر اشهرک بر هفته اوراده اقامتله اندرونی  
 محاصره و شب و روز مشاجره ایدن ملغا ایله محاربه یه  
 سل سیف غیرت و ذات حضرت پادشاهینک  
 محافظه سنه چشم دوزی دقت ایدوب بومدته  
 اندرونده کی نظامله قاضی پاشا چیقوب دیوان یولیه  
 دیکبلی طاشه قدر کله رک شکر جی دکانی یغما  
 واورالری ملغاندن اخلا و مشارالیه دخی باب همایوندن  
 چیقهرق ججهانه قشلا غنده تفنک اندازی تحصن  
 ایدن اشقیانک دفعی ضمتده اورایی احراق  
 وایا صوفیه جامعنده و مناره لرده بولنان عصائی دخی  
 سونکو سنجی هجومله بحر عدمه اغراق ایدرک  
 یانمش اولان باب عالی عرصه سنه کلوب بیرقدار  
 مصطفی پاشایی اراد قده بر وجهله خبرو برکونا اثر  
 بوله مدیغندن عودت و کما کان سرایده حفظ ناموس  
 سلطنت ایچون اقامت ایدوب بووارالق بیراقدار  
 مصطفی



مصطفی پاشای مشارالیه انداختی لغم تلف و سائر  
 بعض و کلا دخی سر بریده سیف صیف اولغله  
 گروه ملغا نو عما تشفی غیظ ایتدی و صانکه فساد  
 بتدی کی اولدیغندن روم ابلی به طوغرو عزیمته  
 طرف پادشاهیه دن تحصیل رخصتله بیرامک  
 دردنجی کونی مشارالیه قاضی پاشایله سرایدن  
 ترسانه به کلوب برچکدیرمه سوار واق د کزه طوغرو  
 مقذاف جنبان رفتارده یدی قله اچیققرینه وارر  
 وارمز چکدیرمه صیغه اوتورمغله قورتارمغه سعی  
 ایدرلرایکن ملغا گروهی دخی بو حالی کورد کلرنده  
 چارچاقوق برچکدیرمه دونادوب یلکن کورک  
 مشارالیه مانک پشینده دوشد کلرندن باقلشوب چاته جق  
 وقتده مشارالیه ما چکدیرمه بی قورتاروب کتمکله  
 ملغالرک چکدیرمه سی ایسه ورقیویه دوشر کی کلوب  
 انکیرینه اوطور دیغندن مشارالیه ما یول اوله رق  
 زیتون بورنندن اوته قرمه چیقوب ایکی سوتجی  
 بارگیری تدارکیله مشارالیه ما سوار و تبعه لری راجلا  
 رفتارایله صوباشی کوبینه واصل و دودمان چنکیزیه دن  
 اوراده ارام و اقامت اوزره اولوب رمضانده درعلیه

جلبله فوق ما یلیق اکرام والتفاتہ سزا وحق بق  
 کورلش اولان سلیم کرای سلطانک چفتلکنہ داخل  
 اولہ رق مشاق سفری فراموش وشاهد کلچہرہ  
 راحتی دراعوش ایلہ اقامت اوزردایکن ملغا کروہندن  
 اتہ کونن جنباز طاقی سرج بند سرج اتفاق  
 ومشار الیہائی طوتوب کتورمکہ نحر یک رکاب  
 عقد میثاق ایلہ صوبائی کوینہ ایلغار ایدرک کرم  
 عنان وصوللرندہ سلطان مشار الیہک خدمہ سی  
 ومشار الیہائی تبعہ سی مر قوملری استقبال ویک  
 حبلہ دہ کر بوہ کردوادی ادبار ایتلریلہ چند روز دخی  
 اورادہ محاسن افروز اقامتہ نصکرہ مشار الیہ روم ایل  
 طرفنہ عنان عزیمتی عطف وقاضی پاشای  
 مشار الیہ ایسہ ادرنہ وقعہ سندن طولانی اول سمتہ  
 کتمہ دن خوف ایدوب تبدیل ہیئتہ یالکزجہ استانبولہ  
 عودت وباغچہ قیوسندہ امامنک سیاستنی سیر  
 وتماشاد نصکرہ اسکدارہ کچہرک مملکتی طرفنہ  
 سفر پیماولغلہ واروب پیدا ایتدیکی جمعیتی وبالاخرہ  
 اعدامی کیفیتی تارینخدہ مفصلا محرردر قالدیکہ  
 مشار الیہ روسمجغہ وصول واورایہ مقدمدن کتمش  
 بولنان

بولنان کوسه کتخدا اجد افندی ایله بولشهرق نوغما  
 راحت و حضو و حصولنده بیراقدار مصطفی پاشای  
 مشارالیه ک بوضو رتله فوتندن طولابی روم ایلی  
 اعیانلرینک عنان اطاعتی ادخالی و مغلبه ملغانک ایسه  
 اوسبیله واقع اولان تقاضالری و کلای دواتی مستغرق  
 حیرت و حلیه بدست مشورت ایتمکله نهایت بیراقدار  
 مصطفی پاشای مشارالیه ک روم ایلیده بولنان طاقنک  
 اقویاسندن برینه التفاتله تغلیط و سائرینک اوستنه  
 تسلیطی استحسان ایتملریله ینه بیراقدار مصطفی پاشای  
 مشارالیه تبعه سندن شمنی اعیانی بولسان بکراغاله  
 وزارت احسان و مشارالیه اعدام ایتمسی خفیة  
 فرمان بیورلمغله بکر پاشا دخی التفاتیه فریفته و ساده  
 دلکی جهته له مرکز اتفاق و یکجهتیدن کرینخته  
 اوله رق کرچه ظاهرده کر بند اتفاق و باطنده ایسه  
 فرصت جوی ورطه پیدای نفاق اولوب بو حابعض  
 شتر کر به اوضاع و اطوارندن استدلال و استراق  
 اولمغله نهایت غوغا و سفک دما دن ایسه تبدیل مکان  
 و روسیه طرفه عزمله دفع شماتت اعدایی استحسان  
 ایدوب کوسه کتخدا اجد افندی ایله روسیه قدن

فك ارام واقامت واولاح ياقه سنه كچوب روسيه دولته  
 دخالت ايتد كلرنده دولت مشاراليها دخی مشاراليهك  
 قدومنی ترحيب ونبقولوفقه نام محمله قوناق فرش  
 وترين وتعيينات لازمه دن فضله ماهيه اللي بيك  
 غروش دخی ترتيب وتعيين ايدرك فوق مایتصور  
 الاوهام اعزاز واکرام ابدوب مؤخر ملاقاته دخی  
 بعث بریدر غبتله دار حکومتی اولان بقرسپور غه دعوتده  
 مشاراليهده همنطوسوار اجابتله امپراطور الکساندری  
 جنابلریله قائمقالقه وصحبت وخیلی مدت اقامتد نصره  
 وطن اصلی ومسقط راسی اولان قریمد عزیمت  
 واوراده کی خیش وتبارینی رؤیتله اجدادی اوقافنی  
 تعمیره همت وبعذرانبقولوفقه به معاودتله اقامت اوزره  
 ایکن خاکپای همایون جناب ملوکانه به بعض  
 خصوصک افاده واشعاری ضمیمه سیاحت نامه  
 شکلنده تحریر وتقدیم ایتمش اولدیغنی ایکی قطعه  
 مکتوبنک ماننده خیلی حوادث اتیه مندرج  
 بولندیغنه مبنی معلوم اولمق اوزره بورا جقده ازباری  
 مناسب کورلادی

(صورت مکتوب اول مشارالیه)

حسب التقدير ممالك اجنبیه و رود چا کرانه مک  
 ابتداسی



ابتدای اولان ایکیوز یکر می درت سنه سی اون ایکی  
 صفرندن ایکیوز یکر می التی سنه سی غره محرمنه قدر  
 واقعات و مکالمات و معاملات بند کانه مدر  
 تاریخ مذکورده بکر شه دخول و اول طرفک  
 سر عسکری بولنان صر پلوصویندن ملیورادوو یج  
 نام جنرال ایله بعد الملاقات کیفیت و ر و د مزی  
 صورت قدیم بعضی خلاف فکر اتمزک غرض و نفسانیتلرندن  
 اوزریمزه عسکر چکه رک محاربه یه مبادرت ایتلر یله  
 هنکام مکالمه ده انلرایله مجادله شاید که مصلحت  
 خیر یه نک تأخیرینه بادی و بوندنبویله او رالرده  
 اقامتمز دخی بلکه اشغال فتنه یی مؤدی اولور  
 ملاحظه سیله ممالک دولته علیه یی سریان فتندن صبانة  
 و انجق شو کستلو مه ایتلو ولی نعمتم پادشاهم افندمه  
 صداقت بو طرفه کله کلکه مجبور اولمشم در دیو ویریلان  
 تقریر اول وقت سر عسکر لری اولان قلد مارشال  
 پروژ و دفسکی طرفنه واندن دخی ایمپراطور لری  
 حضورینه عرض و اراهه ایله رامز پاشاک کندو  
 پادشاهنه و دولتنه صداقتی مسموع اولغله حین  
 مصالحه یه د کین ملک مزده مسافرتندن ممنونیتیزی

كندینه افاده و اول طرفه مكئی مناسب اولماغله  
 ممالك روسیه دن تنسیب اولسان بر محملده كال رعایتله  
 اقامه ایتدیرد سزما لندن عبارت قرقچی کونی جواب  
 کلمکله در حال حدود افلاق و بغداددن اصرار  
 و خرسوه کو برنه سی یعنی ایالتی توابعندن قره دکن  
 دوغارینک ترسانه سی مثابه سنده نهر آق صواو سنده  
 مبنی بقوا و فقه دیدکاری شهر ایصال و قوناق  
 و تعیینات ترتیب و تنظیمه اقعاده واقعه اعتراف  
 ایتدکارندن بر قاق ای صکره اورایه یکرهی بش  
 ساعت مسافه اولان اودر سنام دیگر خواجه دیک  
 اسکله سی نظری و خرسون و قریم و قازین اسلاو  
 کو بر به لرینک محافظ و والی معناسنه کو بر ناتوری  
 اولان فرانسیوی الاصل دوق دوریشلیه دیدکاری  
 ذات کلوب ایمپراطورینک طرفندن بعض خصوصک  
 مذاکره سنده مأمورم دیو فتح کلام ایدوب حشمتلو  
 ایمپراطورینک سزله سلام و عرض محبتی وارد  
 و بو طرفه کلمکزدن ممنونیتی درکاردر و سزک شوکتلو  
 پادشاهکره و دولتکره صدق و استقامتکز معلومی  
 اولمی حسبیلله بین الدولتین توسط ایله عقد مسالیه

همت اید که هم کنند و پادشاه کنه بر خدمت و همدخی  
 بزم دولت مزه برای و لک ایتم کنی رجای در لکن انکله توه لو  
 مصالحه سی فسخ و حله و دك طونه ده تمیدی اخص  
 مطلوبیدر شرائط سائر اثنای مکالمه ده جرخ  
 و تعدیل اوله بلور اگر چه بو کیفیتر بوندن اقد مجه  
 فلند هر شالز طرفندن هر خصمان دولت علیه افاده  
 اولمشیدی لکن سزك دولتجه تحیر و اعتبار کزور تبه کز  
 انلردن بالاتر اولد بوندن بو مصلحت بالاستقلال سزك  
 معرفت سکر ایله ختام پذیر اولسنی مأمول ایدر دید کده  
 چا کر لیده حشمتلو امیر اطور جنابار ینک بزره  
 بو مرتبه توقیر و رعایتی انجق شوکتلومها بتلو  
 پادشاه همک شان همابونلر ینه تعظیم و احقرام  
 دقیقه سنه مبنی اولمقدن ناشی بغایت تشکر و ممنونیتی  
 عرض و افاده ایلیه سز قالدی که سایه پادشاهیده  
 مظهر اولدیغیم رفعت مرتبه مک ولو هر خصمان  
 مووی الیهمدن فی الجمله رفیعجه اولسی بو خصوصه  
 مأمور یمنی ایجاب ایتمز انلره دفعه تاله افاده اولمش  
 وجوابی النمش اولان خصوصاتی بنم کی بر مسافر ادمه  
 تکرار ایراد و استیناف ایتمکده بر فائده ملحوظ دکلدر

چونکه بومقوله مصالح جسمیه مأمور یتم اولماغله  
 بلارخصت خود بخود تحریرم ایسه اسائن و تهمت  
 قیلندن اوله جغندن اولباده معذور طوطماری  
 موجودر دیدیکده وداع ایدوب کتدی برقای ای  
 صکره پترسبورغده ترسانه منستروسی و کافه امرای  
 دریانک بیوکی اولان فرانسه لو مارکیس دتراورسی  
 دیدکلی ذاتدن اولطر فلرک سیروتماشاسی ایماسیله  
 پترسبورغه دعوتیزی مشعر بر مکتوب ظهور ایتمکله  
 واسطه رمضانده محل افاتمزدن حرکت و اوائل  
 شوالده پترسبورغه وصلت اولمغله کیجه ایچره  
 تکلفسزجه دخول و تهیئه قلنان قوناغه نزول اولنوب  
 چندروز مریورنده امور اجنبیه ناظری و باش وکیل  
 اولان غراف نیکوله دومیانسوف دیدکلی ذاتک  
 دعوتنه اجابت و بر مقدار افافی صحبتله عودت اولندی  
 ایمپراطور لری الکساندری مسقویه کتمش اولمغله  
 برقای کونصکره کلوب سراینه دعوت ایله وارلدقده  
 براوطه یه کیر یلوب هنوز اوتور مقسزین بشقه  
 براوطه دن اصفر و اجر اللون مدور الوجه صبح المنظر  
 کنج ایریسی تخمینا اوتوز و اوتوز بش یاشنده قدر



برکسته تکلفات رسمیه دن عاری بر او فحیال هیئتده  
باشی اجق اوله رق یا غمه کلوب عادتلرنجه انحراف  
راسله معامله خوش امدی ونوازشه اغاز ایتمکله  
چا کرلی دخی ایاقدہ بولاندیغم حالده شعار اسلام اوزره  
مقابله ایتد کدنصکره قیودان پاشانک قدومندن  
یک ممنون اولدم و پادشاهنه صداقتنی ایشندیکمدن  
هر نقد راجبئی ایسه ده اصدقای پادشاهان حقارنده  
جمله مزك غیرتکشانه معامله و مجامله مز درکاردر  
تأسف ایتسون وقتيله مکافات اولملری ملترنمز دردیو  
ترجانه جواب ایتمکله چا کرلی دخی پادشاهنه  
صداقت و حسن خدمت بند کانک فر یضه ذمتیدر  
ادای فر یضه و ایقای دین مقابلنده مکافات دعواسنه  
دشمن بی ادب کدرا کرینه افندیسی ترحم ایدرایسه  
احسان علی الاحسان قیلندرا یتزایسه اصاغ اولسون  
دید کده لسانلرنجه افرین معاسنه بر او ابر او دیوب  
بعده بن دولتعلیه ایله مصالحه خواهشکارم جنکدن  
حظ ایتیم دیجه بنم پادشاهمک دخی سفک دما مرادی  
دکدر صلحی سورایکی پادشاهکده صلحه رغبتلری  
اولدینی حالده جناب حقسده اسبابی خلق ایتیمی

مأمولدر دید یکمده بزم پتر سورغی نهجه کورد بکر دیو  
 سؤالنه شهرک صاحبی کوزل اولنجده شهرک دخی کوزل  
 اولسنده شبهه اولماز دید کده اطهار نمونیت ایله تبسم  
 کنان وداع ایدرک او طه سنه کتدی صکره بشقه  
 بشقه او طه لرده عاد تلی اوزره یاق اوزرنده، والده سی  
 وزوجه سی اولان ایمراطور یجده لرو کوچک قرداشلری  
 گنازلر ایله ملاقات و اوته بری صحبتله معاودت اولندی  
 ایرتسی کونی باش وکیلده دعوت و خلوت اولنوب  
 حشمتلو ایمراطور یمز سزک صحبت و درایتکیزی  
 پک بکمشلر و باخصوص شوکتلو پادشاهکره  
 صداقتکیز دن اشوری محظوظ اولمشلردر  
 هر خصوصکیز ملتزم لری اولغله مطلوب بکر نه ایسه  
 وقتله حصول بولور یوللو پولتیقه امیر کلکته تشکر عادی  
 اجرا سند نصکره بن پادشاهان سلف زمانه نرنده مظهر  
 رفعت اولمش بند کاندن اولیوب بالذات پادشاهک  
 غرس یمین و چراغ افروخته سی اولدیغمدن بنی چراغ  
 ایتدیکی کون اجر و مکافاتی پشین اعطایتمشدر  
 و بو حیثیته ذات همایوندن قطعاً و حشتم و وسوسم  
 اولدیغمدن تناول نعمت و احسان خصوص صنده یداخره

وتوسط وسایطه محتاج اولم صانورم دیو برطاق  
 کلمات اولاند قد نصکره غراف ساده دل و معامله  
 تمکمانه مائل اوله رق شاه ایران باباخان طرفندن  
 مصالحه تعیین اولان ایلمچلری حاجی ترخان جانبندن  
 کلک اوزره اثنای راهده در دولتعلیه بزم قوتونک  
 درجه سنی بلزمیکه مصالحه رغبت ایتیموب دشمنن  
 اولان انکلتزه لوالیه صلحه جواز کوسته مشدر دید کده  
 سفیر ایرانک کلوب کلایمسی پرشیئی مفید دکلدر  
 ودولتعلیه نک قوتی اثبات استیموب بشیوراللی سنه دنبرو  
 درکار اولان مکنتنه تواریخ شهادت ایدرو روسیه  
 دولتک قوتی دخی معلوم اولدیغند ن هر حالده  
 داب دولته رعایتلری مأمول و علی الغفله نقض عهده  
 مبادرتلری ناملحوظ ایدی خوشمندی یا بعض  
 اسبابه مبنی بویله اولد یسه ده چونکه صلحی سومن  
 دولت اولماز بوندنبویله تشید مبنی مصافاته  
 ایکی طرفدن دخی همت اقتضایدر قالدیکه انکلتزه  
 دولتی دخی کچن سنه لرده سرکده متفق اصد قکر  
 ایکن شمدی معاداته ابتدا کز بعض مصالح داخلیه کز  
 مقتضاسند ن اولق کر کدر دیند کده اوت اویله

اقتضایلدی دیه دوشمکه اشته دولتعلیه طرفندن  
دخی بو بلجه جواب ویریلور دینلیدی غراف  
موی الیه ینه بزم عسکر مزك ماچین و خرسوه  
وراسوات و ابرائل طرفلنده ایتدکلی خسارت  
معلوم اولغله دهاسفك دمادنه معناواردریونوبویله  
حرب ممتد اولور ایسه بالقائك اوتویوز ینه کجه جککری  
و بر بحق ایه قدر استانبوله وارویله جککری ملحوظدر  
دینجه اول ائشاده روسیه اردو سنك سلسله ده بوز یلوب  
سر عسکری اولان پرانس باغراتیونك افلاق یاقه سنه  
کچوب یاش قصبه سنه قدر جککدیکی خفیه تحقیق کرده  
جا کری اولق حسبله او جوابك اوستنه واقعا پرانس  
باغراتیون کیرویه عودت و مجدداتدارکات محاربه یه  
مبادرت ایتدن مصلحت خیریه یه ختام ویراسه  
کوزل اولورایدی دینلده یکلحظه سکوتله  
صورتمای حجاب و انفعال اولدیغندن تریین بزم ایچون  
نکلمه مبادرتله بنم رسمابوه کلماته مأمور یتیم یوغیسه ده  
سوالکنه جواب اولق اوزره خارج از رسم تکلم  
ایده یوزم لکن مأمول ایدر مکه پدر یکن پترو  
دمیانانوف قینارجه مصالحه سنی امضایتدیکی کبی  
سزده



سرزده بومصالحهك امضاسيله دولت روسيه ده  
 مستثنى اولور سرزديومز اجكيرانه معامله تنشيطه  
 ايتد ار اولند قدده اولدخى اب وجدىنى توصيفله  
 مباهات ساده دلانه سى استماع اولندرق مجلسه ختام  
 ويريلوب عودت قلندى اولارالق پرانس باغراتيون  
 سرعسكر لىكدن عزل واسوج محار به سنده خيلى ايش  
 كورمش اولان غراف قامنسكى انشقاك رتبه سيله  
 سرعسكر تعيين وار سال اولندى وسفير ايرانك اثرى  
 بلورمدى چند روز سكره ترتيب اولنان مجلسه دى  
 غراف مومى اليه سابق الذكر موادك تكارار ايراديله  
 اكر استرايسه كز شوكتلو پادشاه كزه بر عرضحال  
 تحري ايدرك طرف كزه رخصت نامه ارسال ايتسونلر  
 سرزكله ايكمز محفجه بر محله مكاله و يار اغيار  
 طويمه رق مصالحه ايدرز زير احرباوسماهر مصلحتى  
 اغياردن اختفا مقتضاي پولتيقاي دنيادر  
 بوصورت هم دولتين حقنه موجب منفعت وهمدخى  
 بزره ترقى شان و رفعت اولور ماده تواتر اولد بى حالده  
 اهل فسادك افسادندن قورترقى مشكل اولبورحتى  
 برقاج سنه در كه مصلحت خيريهك تعويق و تاخيرى

گاه توسط اغیار چنگالنه دوشد یکندن و گاه اسباب  
 سارّیه ایلشد یکندن اولمشدر بوندنبویه قنار که دخی  
 لازم اولیه رق ایشک بقرلمسی امکانه در دیکله چا کرلری  
 دخی بو خصوصه مأمور یتیم اولدیغی و بلا سبب  
 عرض و تحریره دخی قدرتم اوله میه جغی مقدا  
 افاده اولمشیدی چونکه مرخصلرک مذا کره یله قرار  
 ویره مدکاری مصلحتنه بزنه صورت ویره یلورز  
 دیند کده غراف مومی الیه انلرک بعض تکالیفی  
 تعدیل قابلدر دیوانکلتیره لوالیه فسخ صلح تسکیندن  
 کجه جکارینی ایما و صریح و انابه طرفلرنده دخی  
 بلا تصریح برارز ملایمت صورتی انبیا ایتمکله  
 بوافده لرده دولتعلیه شان اوله جق ماده اولیوب  
 اگر حدوده دار بر افاده خیریه کنوارایسه بقالم  
 دیند کده مومی الیه حدودک طونه دن قطعی انب  
 کورینیور زیراکه افلاق و بغداد مملکتلری ملکمنه  
 متصل اولق و اهالیسی هم ملتزم بولمق جهتیه ادعایه  
 استحقاقز وارد در خصوصیه اهالیسی سزک خلاف  
 ملتکز اولدیغندن بشقه دولتکزک انلردن انتفاعی  
 دخی اقل قلیل اولوب انجق اهالی قنار اولان روم  
 طائفه

طائفه سنه مأكل اولوب قالدیغی درکار در قالدیکه  
 انلر کده بر طرفه صداقتلری اولمقدن بشقه همان  
 ایقاع فساد ایله اکثر یا بین الدولتین محاربه یه بادی  
 اوله کلشدر بو تقدیرجه انلری بزه ترک ایله عقد مصالحه  
 وئاً کید مصافند نصکره دولتمکزک جانب قبله سنده  
 تسکون ایدوب کوندن کونه شدت بولمقدنه اولان  
 وهابی دید کلری اصحاب شقاوتک و پای تخت سلطنتده  
 پیدا اولمش اولان اختلال دولتمک دفعیه له مشغول  
 اوله رق کند و کزی شو وضع فلردن قورتر مق موجب  
 منفعت دکلیدر دید کده چاکر لری دخی افلاق  
 و بغدادان مملکتلری شو کتلو پادشاهمک ملک  
 موروثلری اولمغله انلردن کچمک ممکن اولمدیغی معلوم  
 اولمق جهتیه اکا داتر بحث وجدال عبثه اشتغالدر  
 و دعوای استحقاقده ایراد ایتدیکز اتحاد ملت  
 و اتصال مملکت حالتلرینه نظر اولنور ایشه بزم دخی  
 ممالک روسیه نک خیلی محللرینه استحقاقز اقتضایدر  
 مع هذا شمعی بزاد دعوا ده دکلز اما منفعت مالیه  
 خصوصنده فی الواقع حین فتحده ته مقدار شی  
 تخصیص اولمش ایشه حالا ارتر لمانشدر چونکه

وسعت ملک و کثرت ایراد جهتیه جدا اولسون  
 بدع و مظالمه احتیاج یوقدر اما طائفه رومه انحصارک  
 سببی دخی انجق راحت فقرانی استکمال ملاحظه سنه  
 مبنیدرا کر و زرایه ویرلسه مغایرت لسان و مخالفت  
 امین جهتلیله اتباع و عسکریدن شاید از رده اولورلر  
 دیوینه ملت لرندن و دولتعلیه امکدارلندن بعض  
 روم کشی زاده لرینه احاله سی داب دیرین پادشاهان  
 اولوب انلرک ایسه فتنه و حیله لری بین الدولتین معاداته  
 بادی اوله کلدیکی معلوم دکدر کرچه هر دولتمده  
 حسب البشریه بعض خونه بولنق دخی مستبعد  
 اولیوب لکن برینک خیانتیه جله سنه حکم قیاس  
 عقلا نجوز اولنر قالدیکه وهابی ماده سی موجب  
 اندیشه اولسون زیرا انلر بر طاقم دوه جیلر اولغله  
 اوته دنبر و حجاج صدقه سیله کچنور فقرامقوله سیدر  
 بنم اولطر فلرده و بلاد افریقاده کثرت سیاحت  
 سیبیله احوال واقعه لرینه وقوف تامم واردر انلر شام  
 و مصر و بغداد السکاربله محصور بحر محیط و بحر  
 سویش و خلیج بصره و بریه الشام اراسنده بولنان  
 جزیره العرب دیدکلیری یرده خوش نشین اوله رق



ادوات حربیه دارکنه قدرت لری یوق بر طاق بی سرو پا  
 پیچاره لر در امارالنده بعض فتنه کارلر پیش اهنک  
 اوله رق اوته بری خر سزانه جسارت اید یورلر ایسه ده  
 هر دولته خر سزا کسک اولماز حتی روسیه ممالکنه  
 متصل دشت قیچاق صحرا سنده خوش نشین اوله رق  
 صورتا سسزه تابع اولان قرغزتاتارلری دخی  
 اطرافلنده کی محله ره ضرر دن خالی اولمیوب رجال  
 واطفال و نسا ئی قاپه رق بخارا و خوارزمه کوتور بوب  
 صاته کلد کلری و بوندن برقاق سنه اول بشیوز قدر  
 اوفیجیال و تبعه ایله بخارا طرفنه کوندردیککز  
 یوک ایلچیکزی اوروب هدا یا و سار دی یغما ایله برا ز بی  
 بخارایه ایلچی فی زوجه سبله کتوروب بورایه فروخت  
 ایلد کلری مشهور ایکن بو حالتلر روسیه دولتک  
 ضعفی موجب دیر دیواندیشه اولما مشدر قالدیکه  
 پای تحت سلطنتده اولان غوغای عسکری ماده سنه  
 اختلال دولتر دینمز زیرا بزم عسکر یزک شعار لری  
 اولان سر بسیت انسانیه حکمنجه ارالیده دعوای  
 مردی ایله جابجا یولداش غوغاسی اکسک اولماز  
 اما ندن دامن دولته خارازار ایشمز چونکه ملت

اسلاميهك درونلرنده محبت پادشاهی جایگیر اولق  
 مقتضای دیانت اولغله اشته بو حالت بزم حلقهك  
 ضبطنه مدار کلی اولمقدن ناشی بزم ممالکيهك اختلالی  
 اور و پاکی جوغه سورمز و ذات دولته سرایت  
 ایتمز و مملکتينهك ترکی خصوصنده هر خصلك  
 جف القلم جواب ویرملری دخی بود فیه یه مبنی اولغله  
 بنده اولباسیده صرف واحد تفوه و تحریرینه زهرهم  
 یوقدرز یرا که بنم قضا زده اولقلغمه حشمتلونیمپراطور  
 جنابلر ينك دخی رضالری اولماق کر کدر دیوبالاعتداز  
 ختم کلامله مجلسه اختتام ویرلدی او کونلرده کویا  
 فرانسه ایمپراطوری بر مجلسده روسیه ایمپراطورینی  
 ثنایا مقامنده نزمه اتفاقی کمال عقلنده دالدرز ایرا که اتفاق  
 ایدلیدنبرواسو جلودن فنلاندیا و نمچه دن یکی غالیچیا  
 و دولته علیه دن افلاق و بغدادان الکالینی الهرق  
 توسیع ملک ایتدیکی دیدیکی برپارس غزته سنده  
 یازلغله کویا مملکتينهك روسیه یه ترکی فرانسه  
 ایمپراطوری تصدیق اید یو اید یو اید یو کلاتمق ایچون  
 اول غزته نی بالواسطه طرفزه کوندروب کوسترمشلردر  
 مومی الیه غراف رومیانسوف بوندن برسنه مقدمی

منسترو اولوب عقبندده پارسه کتکله فرانسه  
ایمپراطور یله ملاقات وعودتندنبرو اولطفه میل  
کلی وانجذاب درونی در کار ارسه انکله  
ایمپراطور لرندن بشقه جله روسیدلو دولتهایله  
انکله مصالحه خواهشکر اولدقلری و بوجنکرایله  
هر بری ضرر ایدوب همان ایقاع فساد مهیا  
بولندقلری اشکارا اولوب حتی موسقوه شهرنده وسائر  
بعض برلرده فتنه اماره لری کورلشیکن حسن تدبیرایله  
دفع و تسکین اولنش امداد ائما مخاطره ده اولملریله حالا  
پترسبورغده اوتوز و قرق بک عسکری اولوب تعلیم  
و تعلم بهانه سیله ایمپراطور لری دخی عسکرایله دوشوب  
قالقمقده و جلبلری خصوصنه باقمقده اولدیغی  
کورلشدر قالدیکه ایمپراطورایله غرافک بودعواده  
اصرار لری جلی و خفی ایکی معنایه مبنی اولوب جلیسی  
روسیه ایمپراطور بیک فرانسه ایمپراطور یله تلست  
دیدکلی محله لقیه و مکالمه خفیه لرنده اسوجلونک  
قتلاندیا و دولتهایله نك افلاق و بغداد ان الکالی روسیه  
ممالکنه ضم و علاوه اولنشی ماده سنه قرار ویرلش  
اولدیغندن و فرانسه ایمپراطوری ارسه هر بار

بوخصوصی تأکید و از بار ایله کرکی کبی ذهنلرنده  
 جایگیر ایتد کدن بشقه پترسبورغده کی فرانسه  
 ایلمچیسى دوق قولنقور دخی پیدر پی اغرا وتشویقدن  
 خالی اولیه رق تنور مراملرین قزشدیردیغندن  
 پیانغی افلاق و بغدادی بنسمش اولملریله ترکی  
 عارایدیور لر خفیسى ایسه افلاق و بعدانی ترك  
 ایدر لر ایسه دولتعلیه اختلال عسکر یسی جهتیله  
 محافظه سینه مقتدر اوله میوب و فرانسه لو دخی  
 اولساعت نمچه لوی بی اغرا ایدرک عسکر ایندیروب  
 ضبط ایتدیره جکندن اول وقت دولتعلیه ایله روسیه  
 ممالکی اراسینه نمچه لو برحد فاصل اولوب بونلرک  
 منافع حالیه وامل ایتدیرینه مانع اولدقدن بشقه  
 روسیه لو النده اولان له الکاسنی دخی ایکی طرفدن  
 قوشاتمش بولنه جغی وشمیدیکی حالده ایسه روسیه لو  
 ایله نمچه اراسنده مناسرت کلیسه درکار اولوب  
 و فرانسه لو ایله نمچه نک کرک قرابت صهریه و کرک  
 ضروره و خشیت جهتلریله اتفاق کامله لری اولغله  
 نمچه لونک اول ممالک مالک اولمسی فرانسه لویه  
 هروجهله قوتی مستحلب اولوب بلکه قره دکزده



براسـ مکه پیداسنی دخی موجب اولور دیوملاحظه  
 ایلورلر فرانسه ایسه بواندیشـ لری نی بیلدیکندن  
 وایکی طرفکدخی اول اولکاردن ال حکیمیه جکئی  
 جزم وایقان ایلدیکدن کندونک مطلوب و مرادی اولان  
 امتداد محاربه ایله ضعف دولتین حالتلری استحصاله  
 بوندن اعلی و اقوی وسیله اوله مز دیودائما ایکی طرفی  
 دخی تحریک و اغوا وار القـده کندیبی مراق  
 و مشربی وجهله پولیتیکاسنی اجرا ایتمکده اولدیغی  
 اشاعیده افاده اولنه جخی ختروف دیدکلی جنرالک  
 لساندن ایشیدمشدر برقاچ کون صکره باش وکیل  
 مومی الیه ایله مجلس اولندقدۀ افلاق و بغدادک روسیه  
 ممالککنه ضمنی اوروپا دولتلری تصدیق ایتیشلر ایکن  
 دولتیله نیک عنادی عجایبدر دیمکله جا کرلی دخی  
 تصدیق دینلان ماده یالکز غزته لره یازمغله اولیوب  
 اولامک صاحبک رضاسی وثایاقو کشولک ارضا  
 و امضالریله اولیکلمشدر مع هذا حالا دولتیله  
 برقبضه طیراغندن کچمیوب وقو کشولکده رضاسی  
 معلوم دکادر دیدیکمده غراف مومی الیه قو کشولر  
 دیدیککز اکر فرانسه لوایسه بزمه درکار اولان

اتفاق و موالاتك در جده سی پکنده جمع سفراده تفوه  
 ایتدیکی کلام مشهورندن معلوم اولان ماده در فالدیکه  
 نچهلوی دیرایسه کز استر تصدیق ایتمش استر  
 ایتمش اشدن نه کلور فرانسه اوتنه دن بز بریدن  
 اورتیه الد یغمزده حالتك فصل اوله جنی تعریفدن  
 عاریدر دیجه جا کرلیده بن سزه فلان دولتدر دیو  
 تصریح ایتدم و فرانسه ایمپراطوری جنابلری  
 سزك کی بز مدخی دوستمزدر اقتضای حاله کوره  
 دولتهلیه ده دوستلقده قصور ایتمز دید کده مومی الیه  
 بحث اخره انتقال ایدوب تصریح اسم ایتدیرك بعض  
 دولتر طرفندن دولتهلیه ممالکنی دما بریماک یعنی  
 تجزیه و مقاسمه خصوصنده اتحاد و اتفاق ایتمش  
 ابرام اولمقده ایکن بر رضا کوستر میورز و دولتهلیه ك  
 کوجلدیکنی استمیورز دولتهلیه ایسه افلاق و بغداد  
 ممالکنی بزه ترك ایتمکده عناد ایدبور حالبو که اول  
 دولترك ابرامنه رام اولور ایسه ك صکره حال نه منجر  
 اوله جنی معلوم اولان ماده در دید کده جا کرلری  
 دخی واقع بابوباده دولترکه و ملنکره بیوک خدمت  
 ایتمش سزک زیرا اول حالتك بالاتفاق حصو پذیر

اوله جخی صورتی حقدن غیری کسه بلزولوسلم او یله  
 اولسون قو کشو کزک خانه سند و ظهیر رایدن اتشدن  
 سز کدخی سلامت قور تلیه جغکز در کار در حاصلی  
 بو کماله وقت کچر مک بیهوده اتلاف عسا کرو ضعف  
 دولتین حالاتی موجب اولمقدن غیری بر شئی مفید  
 اولز بو ایکی پادشاهلرک بینلرنده کی عداوت حقیقه  
 دکدر همان بر کوسکونلک نوعندن بر معنا ایسه ده  
 بونجه مددر کرک بالذات و کرک بالواسطه بونک  
 دفعنه بر چاره بولنه مامش ایسه ده مأمول ایدر مک  
 سزک حسن تدبیر یکر ایله بوماده سر تفع اولوب مزاج  
 پادشاهانه ده اولان علت انفعال صحت و مصافاته  
 تدبیل اولنور دید کده غراف مومی الیه اظهار ممنونیت  
 و تشکر ایدرک واقعا فاده کز حق و کر چکدر ایکی  
 دولتک شو و قنده موالات و اتفاقری واجبه دن ایکن  
 بویله اختلاف و معاداتلری لایق سز اولوب خصوصیه  
 میانه ده اولان حالت فقط بر کوسمک و انفعال دن  
 عبارت اولمغه مأمول اولنور که سزک میمنت قدومکز  
 ایله بوقیش مصلحت خیریه ختام بولور انجق دولتین  
 حقدن خیرلو و پادشاهلرک شانلرینه نقیصه

ویرمیه جک صورت نه کونه اولمیدر اوابابده  
 خاطر یکزه نه کلور دیو صورنجه چاکرلی دخی  
 بنم رخصت و مأمور یتیم اولمیدیغی سبيله رسماً برکلام  
 تفوهنده قدرتم یوقدر لکن چونکه دولتین حقلرنده  
 خیرلو صورتی سهؤال اید یورسکزه هم کندی دولتمه  
 صادقانه وهم سزک دولتمکزه خیرخواهانه اوله رق  
 لایح خاطر می خارج از رسم اوله رق افاده ایده یلورم  
 شویله که افلاق و بغداد اهاالیسنک تلون مزاجلری  
 معلوم و مشهور و برمدتنبو فقرا و رعایاسنک دخی  
 یازده خیول خسار اولدقلری دخی غیر مستور اولمغله  
 بوندنبویله اون سنه یه قدر کندویه کله میه جکلری  
 درکار و بوسبيله بونلر سزه ملکا و مالاً برفانده  
 ایده میه جکلری اشکار اولمغله ترک اولندبغی حالده  
 بین الملة سزه برعار لاحق اوله جق یر یوقدر لکن  
 دولتمعلیه نك برقاچیوز ییلدنبر و ضمیمه ممالکی اولمش  
 ملک موروثی بولندیغندن اکاکوره ترکی  
 موجب عار اولدقدن بشقه بوسنهدن بغدادده  
 وانا پهدن یمنه وارنجه ممالک اسلامیه اهاالیسنندن  
 بر فردبو مملکتلرندن کچمکه رضا و یرمیه جکلری



وشريعتك دخی جواز كوستر ميسه چكى جهته  
 پادشاهمرك اولسايده متاته مجبوريتى دركار  
 اولديغندن غيرى تأليف ذات البين ضمنده  
 خاطره شويله كلوركه حدود سابقه اولان طورله  
 صويي تجديد اولنسه وسلطان سليم سقاها لله  
 بكاسات التسليم زمانلرنده معاهده اولان مواد كاكان  
 مرعى اوله رق شان طرفينه نقيصه دن عارى بعض  
 شرائط لازمه نك علاوه سايه روسيه دولتلك  
 شانى دخی تكميل قلنسه كوزل اولور و شان دولتينه  
 دخی جسيان كور يلور صا نورم بشقه كونا برصورت  
 خاطره كلز ديوافادم دخی خارج رسم اولديغندن  
 سند عداولنه من زيراكه ملك صاحبك مرام  
 ومقصد يني كندودن غيرى كسه بيلز دينجه  
 غراف مومى اليه اعاده كلام ايدوب بزم امپراطورك  
 طونه حدوددن فراغت ايلسي مشكلجه در چونكه  
 بين الدول موجب عاردر لكن تكاليف سارنهك  
 تعديلي قولايروسز دخی دولتكره بو وجهله عرض  
 وفاده ايتسكز خيرلو اولور ابدى ديدكه جا كرلى  
 دخی بزم پادشاهمزه عرضحال يازمامز داب دولته

مخالف در زیر ایزم ضابطه من صدر اعظم اولمغله اکا عریضه  
 یاز یله بیلوب اما بلار خست انلره ده شی یاز مق خلاف  
 رسم اولدیغندن موجب تهمت اولور خصوصیه  
 بومواد کراتله مر خصصه افاده اولمش وجواب  
 قطع عیسی انمش شی اولمغله بوندن بکام موجب جسارت  
 اوله جق بر سر رشته منفعت کوره میورم دیجه غراف  
 مومی الیه هله سز بر کره تحریر ایدک واستمزاج ایلک  
 ماده ایکنزک الله دوشده کدنصکره کاه مخالف  
 وکاهی موافقت ایدرک بر حسن صورته افراغ اولور  
 البته مر خصصه محال بعیده ده ابتدکاری مکالمه دن  
 نزدایمپراطوریده اولان مذاکره کونفرقی عظیم واطفی  
 جسمی در هر حالده دولتکزه انلردن زیاده خیرلو  
 صورتی استحصال ایده جککز تعریف استمرلکن  
 بومصلحت خیریه نک اغیاردن کتمی یک ماترم اولوب  
 دول اخرک توسط ایتمی و یا خود متارک ایله تواتر  
 ایدلمی خصوصیه ایسه ایمپراطوریه ک غایتله  
 خلاف مر ضیسی اولدیغی دخی معلوم اولسون  
 کلامیله مجلس ختم اولمش واول اثناده دریامستروسی  
 مارکیس طرفندن برقچ کره دخی عرض خیرخواهی  
 و اخلاص

و اخلاص صورتلنده شو خصوصك طرفكردن  
 تحریر و افاده سنسده بر بآس بوقدر بوباده بوقدر  
 مجانبته مخالفت ایتسكز خوش اولور ایدی زمیتلریله  
 ابرام صورتلری کوستراش اولمغله چا کرلری دخی  
 چاره سزقاله رق بنده لری مدعو ایتسبورغ شهرینه  
 کلوب بعض خصوصات مذاکره اولونه رق بو طرفك  
 دولتعلیه ايله مصالحه و اتفاقه میل و رغبتلری درکار  
 لکن مقصودلری حدودك طونه دن تحدیدی  
 قضیه سی اولوب ماعداتسکالیقلری نك ترك و تحویلی  
 اشکار اولمغله بوباده اداره علیه نه مر کرده دارائسه  
 طرف بندکی یه امر و اشعار بیورلسی فائده دن خالی  
 اولمده بغی معلوم عالی بیورلقدده اولباده باقی امر  
 و اراده حضرت ولی الامر کدر دیوبی التزام  
 یازلمش اولان چند سطر تقریر چا کری کندولرینه  
 تسلیم قلمش ايسه ده تقدیم ایدوب ایندکلی و نصوزله  
 جواب الدقلری معلوم چا کرانه م اولما مشدن  
 اندنصکره برقاچ ای دخی اقامت اولمغله بهر هفته  
 دعوت و بالناسبه مذاکرات سابقه نك تکرار یله  
 صحبت اولنوب ابرائل و اسماعیل کچیدی و سلسله

سرحداته استیلارینی اخبار و بوجوهله کاه لطف  
 و کاهی انداز صورتلرینی اوائه و اظهاردن خالی  
 اولما مشلرایسه ده جد اولسون لطف جناب یاری  
 و اثار حسن توجهات حضرت تاجدار یله مدارج  
 منانت اسلامیه ده تزلزل و تنزل و وقوع بولما مشدر حتی  
 لاجل التجسس طرفزه تردد و الفتنه سرا ما اذن  
 و مأمور اولان بعض کار کذارلری اثنای صحبتده  
 سلفده دولتمزه مسافرتله کلمش اولان بطلال پاشا  
 و طیار پاشایه قریم جانبنده ایمپراطور من طرفندن  
 و یرلمش اولان قرا و چققلکات و سائر اراضی الحالته ده  
 محلول اولدیغی سببیه اکر سرز طلب ایدرایسه کز  
 یا انلری و یا خود پدر یکزک هجرتده جانب میریدن  
 ضبط اولنش بولمان املاک و اراضی و قرای متعددده بی  
 دریغ انیمه جکری بدیهی اولغله غراف رومیان سوفه  
 نیچون افاده ایتیمورسکزا کر بونده دولتمزه بر مضرت  
 اولمش اولسیدی و زرای مشارالیهما ارتکاب ایتمز ایدی  
 دیو تعلیمه سو یلد ککری سوزلرینه جواباً چا کر لیده  
 بن و زرای مشارالیهما مک مطالعه لرینی بیلم انجق بزم  
 دولتمزده دول اجنبی خدمه و تبعه سنه اراضی تملیکی  
 ممنوعادن



ممنوعان دن اولمغله بزم دولتمزك بنده لرینه دخی  
 دوات اخردن بطریق الانعام املاك استمك روا  
 دكلدر علی الخصوص بنم پادشاهمك سایه سنده  
 قدرتم اولمغله اكا احتیاجم بوقدر واول درجه احسانك  
 مكافاته دخی قادر دكلم انجق دولتمز طرفندن  
 شمدی یه قدر **ك**وردیکم رعایت ومهمانوازینك  
 مقابلنده خدا وبرر ایسه بعد المصالحه دوام موالات  
 واستمرار مصافقه دار خد متهمه چالشورم بوندن ماعدابنم  
 کبی عاجزادمك الذدن نه کلور که اجر ایدیم و بلا بدل  
 نیچون یار منتی بوکنه یم زمینله دفع لین ایدلمشدر  
 اول ائنده کبرای قوم لرندن برینك ضیافتنده ایکن  
 سر عسکر لری قامتسکی جنزالك قرن داشی اون الی  
 بیک قدر عسکر ایله سلاستره اوستنه کلنجه محافظی  
 اولان یلیق اوغلو سلیمان اغا اردو سر عسکر ی اولان  
 بهلوان پاشا بش الی بیک ادمله بازار جقده اوتورمغله  
 وارک انی طوتك بعده بوراسی حاضر دز سزه تسلیم  
 ایدرم دیمسیله بازار جغه هجوم لرند فی الواقع مشار  
 الیهکده بش الی بیک قدر پیاده و سوار ی واون الی قطعه  
 طوپدن غیر ی بر قوتی اولیوب شهرك استحکامی ایسه

برشی دیمك اولمديغنه مبنی حمله اولاده ایچرو کیرملریله  
 عسکرک برازی شهیدوا کثریسی اسیرومشارالیه دخی  
 قوناغنده قاپه نه رق نهایت تسلیم اولدقد نصکره  
 سرکرده هر قوم اورادن عودت و مشارالیهی برابرجه  
 کتوروب سلسله التنده خلقه ازائت اینجکله یلیق  
 اوغلو سلیمان اغادخی ایاقداشی کاورحسن افندیله  
 بالطوع و التسلیم و کندیلرینی و عسکر  
 و متعلقاتلرینی اخذ و اخراجله مسلم و رعایادن  
 قتی چوق نفوسی ترک ایتملریله انلرک روسیه مملکته  
 سورملرینه سبب اولدقلری و صکره بعض اغراضله  
 هزارغراد و روسجق مملکتلرینک دخی عسکردن  
 خالی اولدقلرینی تحقیق و ایماوروسیه لوی اولطرفله  
 سوق و اغرافلمدقلری حوادثی اول مجلسده  
 وارد اولمغله طرف عاجزانه مه افاده ایله بوماده بویلمجه  
 اوله بیلومی دیو صور دقلرنده چا کرلی دخی اگرچه  
 یلیق اوغلو و کاورحسن افندیدن بونی مأمول اینیم  
 لکن حسب البشریه غفلت و خیانت هر دولتک  
 خدمه سنده بعضا وقوع بموله کلمش برحالتدرحتی  
 فرانسه ایله نمجه نک محارب به سنده بعض نمجه جنراللری  
 حقلرنده

حقارنده و سز کله فرانسه نك اوسترلیتسه محار به سنده  
 سز کدخی بعض خدمه کز حقنده بومقوله کلمات  
 سو یانمش در اما صحتی خدایلور دینجه حضار  
 مجلسدن بربیک عروق حیت جاهلانه سی هیجان  
 ایدوب بزمکیلرک خیانتلرینی بلکه سز اثبات  
 ایده مز سز اما بن یلق اوغلو ماده سنی اثبات ایدزم  
 شویله که بوسفرک ابداسی سنه یلیق اوغلو سلیمان اغا  
 ابرائیلده بوانوب اول وقت فراری ایسلانتی بک  
 واسطه سیله سرعسکر مز میکلدون جنرال اغای  
 مومی الیهی جالب و برخد متنه تعهد ایدیردوب  
 برقاج کره دخی اردویه کلوب کتمش بولسان سابق  
 ماجین اعبانی کنج اغایدیله جسته جسته درتیوز  
 کیسه دن زیاده اچقه ده کوندرلمشیدی اول سنه  
 بر خدمت ایده مدیسه ده بودفعه سوزینی اثبات  
 واجرا ایتمشدردیمکله عادت اورو پاووزره خدمه نك  
 حیاتی فرار و مغلو بیتندن زیاده تهمت و دولنلرینه  
 دخی موجب نقیصه شهرت اولدیغندن حضار سائر  
 دخی مر سومه مماشات واعانت ایتملریله چا کرلیده  
 ترك صد دایله بحث اخره انتقال ایتمش و اوارالی

پهلوان پاشاك ياننده بش التى بك ادمى واراىكن  
 اسير اولمنه نه دير سكر ديو صورملريله اكر واقعاً  
 اسير اولان پهلوان ياشا ايسه ياخته ويا مجروح  
 اولميدر لىكن بازار حق و جوهندن پهلوان اغا اولمسيده  
 محتمل در ديو جواب و ير ملكه اشبو قيل و قالى  
 ايمر اطور لرينه قدر عكس و استماع ايت دير دكلرينه مبنى  
 اون بش يكرمى كون صكره بر بازار كوفى عادتلى اوزره  
 تعليم عقبنده مشار اليهك يو كرك بيراغنى و سائر  
 عسكرى بيراقلرندن اخذ اولمش اولان قرق اللى  
 قطعه سنى عن قصد مسافر خانه چا كرى پيشگاهندن  
 الاى ايله كچروب و بونلرى كتورن اوفيجيالى دخی  
 طرفزه كوندرك مشار اليهك صاغ و صاعلم اولمق اوزره  
 طوتلديغنى و افلاق ياقه سنه كچيرلمش اولديغنى  
 افاده ايله اثبات مدعا ايتلريله حسب الحقيه مزاج  
 چا كرى يه انحراف عارض و براى قدر اسير فراش كې  
 خارج بيته حقيقيه رق تمارض اولمغله تعيين اطبا ايله  
 سؤال خاطر مر اسمنى اجرايه اهتمام و بعد براء التام ينه  
 غراف مومى اليه دعوت و شمنى محارب به سنى و صكره  
 روسجفك محاصره سنى اخبار و مقام تسليته



بو خصوصاته انفعال اقتضایتمز جنك حالیدرگاه  
 سروکاهی بزقز انور زانجق بونلر هزدکلددر بلکه  
 سلم و مصافاتی اکمال و راحت فقرای استیصال بیوک  
 هنزد ر الله ویره ایدی دولتعلیه مصالحه ده رغبت  
 ایدی بعدده دوسته دوست و دشمنه دشمن اولق  
 اوزره عقد مصافات اولنور ایدی دید کده چا کرلیده  
 بنم انفعال سر عسکرک طوتمسندن وایکی کوی کبی  
 قصبه نك اله کچمسندن طولانی دکلدر زیر اباد شاهمزنك  
 پهلوانلری چوق برینی دهها جیقارر اما منظورم  
 اولور که اتش حرب کوندن کونه علولنوب مصلحت  
 خیریه تأخیر اولنوب قالمقده و طرفینك ضعف  
 و خسته اسکر برینی موجب اولان عوارض رونما  
 اولمقده در بو حالتلرک وخامتی عاقبت ایکی طرفه دخی  
 راجع اوله جنجی مطالعه سیمه مخزون و دخیون اولورم  
 جوابیله ختم مجلس اولنوب بوند نصکره اسوج طرفنده  
 ظهور ایدن اختلال بونلری بالوجوه اشغال ایتمکله  
 کرچه مجالس رسمیه و بعضا بیوک کونلرنده و ساره ده  
 سرای ایمپراطورییه دعوت و سایه سنیه ده فوق الحد  
 رعایت ایتدیلر ایسه ده مصالحه خصوصنه دائر تکلمه

وقتلری اولما مغله اول حال ایله برایکی ای ارام اولمشدر  
 اسو جلونک اختلالی کیفیتی دخی شو وجهله خبر  
 المشدر که مقدما انکلتزه و روسیه لوایله اتفاقنه مبنی  
 فرانسه ایله حرب به قالدشان سابق اسوح قرالی سوزنده  
 ثبات ایدرک فرانسه لوایله مصالحه دن اجتناب ایلش  
 وحسب المصلحه بوماده بالاخره روسیه لوایله دخی  
 محاربه سنی ایجاب ایتش اولمغله بوایکی دشمن قوی به  
 تاب اورمقاومت اوله مدیغندن بحر بالطغک بروطر فنده  
 دائمارقه لویه قریب اولان پومرانیالکاسنی فرانسه  
 واوته طرفندن دخی روسیه یه ملاصق بولنان فنلاندیا  
 الکاسنی روسیه لوضبط ایتکله کوندن کونه مغلوبیتلری  
 شدت وضعقلری قوت بوله رق مضمحل اوله جقلرینی  
 اسو جلوا دراک وقرالک عمیسنک افسادیلله بسبتون  
 قیامه انهماک ایله قرالترینی اخذ وحبس وصرکه  
 استدیکی بره کتمک اوزره مملکتلرندن طرد ایدرک  
 عمیسنی صندالی قرالی یه اصعاد ایله اختلالی دفع  
 و فرانسه و روسیه دولتلریله دخی مصالحه ایدوب  
 ارادن محاربه بی رفع ایتد کلرنده فرانسه ایمپراطورینک  
 کویا قرال جدید درکار اولان محبتی اقتضاسی  
 و یا خود

و یا خود پولیتقای وقت مقتضای اوله رق استیلا  
ایلدیکی پومر ایسا اطه سنی اسوجلوبه ردایدرك  
اظهار حسن معامله و روسیه لوایسه اخذ ایلدیکی  
فنلاندیا لکاسنی قبول ایدوب تحدید حدود جدید ایله  
مصالحه ایتش او بوسورتله اوزرلردن سفر غائله سی  
کتمش ایسه ده قرال جدید اختیار اولوب اولادی  
دخی اولدیغنه مبنی عادت او روپا اوزره قرال نسلی  
اولان بک زاده لردن برینی ولی عهد ایش اولوب  
اولدخی بکار قوملردن بر جنرالک قوناغنده بر قوشاق  
طعامی ایدرك عسکری تعلیم ایچون میدانه  
چیقدیغی انده اتندن دوشوب فوت اولدیغنی اهالی  
کورنجه ایاقلوب جنرالک قوناغنی با صهرق اخذ  
و قتل و متعلقاتنی حبس ایدرك بک زاده لریمزی حیله ایله  
هلاک ایدر لر و مملکتیمزی ید اخره تسلیم ایتک استرلر دیوقیل  
و قال و فساد جدال ایتلر یله روسیه لودخی ظاهرده  
بو فتنه نك کند و ملک کنه سرایتی خوفندن باطنده ایسه  
انشته سی اوله رق پترسبو رغده مقیم اولان اسوج  
بک زاده سنه ولایت عهدی تحصیل داعیه خفیه سندن  
طولایی راس حدوده بر مقدار عسکر سوقی و چند نفر

کار گذار ادملر ارسالیله لطائف الحیله اشتغال  
 و برطرفدن دخی اسوجلونک مجاوری اولان  
 دایمارقه لو بو طمع دوشدرک نصب شبیکه احتیال  
 ایلوب شاهد هزار اشنای کامه هر بریسی اغوش  
 کشای مراوده واستقبال اولش ایسه لده اسوجلو  
 کافه اهالی طرفلرندن چند نفر کشی زاده لر بی  
 توکیل و یارواغیار طویماق اوزره کارملمکتلرنده  
 کاش برشهرده اجتماع و مشورتله برینی نامزدولایت  
 عهد ایتمک خصوصنی عهده لرینه تفویض و تحمیل  
 ایتملریله انلر دخی بر زمان انجمن افزای استشاره  
 و هر کس انلرک نتیجه قرار لرینه دیده روز ترقب  
 و نظاره اوزره ایکن فرانسه جنرالرندن مصلحت  
 ضمنده اولطرفده بولنان پرنس برنادودی اختیار  
 و بالاتفاق انک وراثته وضع امضای قرار ایتملریله  
 مشارالیه عروس ولایته ناعزد اوله رق خرامان  
 و کافه اهالی دخی انک نوبت اقبالنه طبل زن اعلان  
 اولدیغنی امل داران اطراف ایشتد کده جمله سی  
 باد بدست خیبت وانگشت کدای حیرت اوله رق  
 خوفناک عاقبت اولدقلرنده (بیت) (جمله تدبیر پس



پرده ده استاد کدر \* اختیاری می صانور سن حرکاتک  
 صورتك) صورتجه فرانسه ایـمـپـراطوری ایسه  
 هر بر یسنه معامله ریشخندانهایله تسلیمت وکندو  
 پولتیقاسنه تمشیت ویرمشدراواشانده اولانده نام دیگر  
 فلنك قرالی بولنان فرانسه ایـمـپـراطورینك کوچك  
 قرنداشی ژورف بوئاپارطهك فلنك قرالغندن حسن  
 رضاسیله استعفا سنه واهالینك استعفا سنه مبنی فلنك  
 مملکتی دخی فرانسه الکاسنه ضم والحاق ودر وئنه  
 عسکر ادخالیه وضع قوانین جدیده خصوصنه  
 شد نطق اولندیغی ماده سی دخی دول اوروپایه  
 خیلیدن خیلی وحشت وچوقدن چوق سبب دهشت  
 اولمشدر فلنك اهلایسی ایسه کثرت تجارت وزیاده سیله  
 غنا و ثروتله مشهور افاق اولد قلرندن اکثر دول  
 بونلره مدیون بولندیغی و پروسیا قرالی ایسه  
 ادا ایدیه جك درجه لرده دینی اولدیغی سیبیه  
 بر مجلسده فرانسه ایـمـپـراطوری دخی الیوم ضمیمه  
 ممالکمز اولان فلنك اهلایسنك پروسیا لوده اولان  
 مطلوبلرینی دولتلك دفعه ادا یه اقتدار اولما مغله  
 باری رهین اولق اوزره دار حکومتی اولان برلین

شهرینی طرفه تسلیم ایتسه بورجی و پرد کده کبرو  
 ویریلورایدی دیمسی دخی متفقان و دوستانه موجب  
 خوف و وحشت اولمشر زیرا پروسیا دولتی تاست  
 مصالحه سندنبر و فرانسه ایمپراطورینک زیر  
 جایه سنده کی اولوب ملکجه ده کمال اتصالی درکار  
 و فرانسه ایمپراطورینک مرامی ایتسه پروسیا دولتی  
 قونفسید راسیون و لادین تعیر اولنان رین صوی  
 اوستنده کی وارشو یا و پستفالیای و تمبورغ و باویرا  
 و سائر کوچک قرالقلر کی زیر جایه اتفاقه جلب  
 و یا خود پروسیا الکاسنی ضبطله طرفندن برقرار  
 نصب ایتک و یا خود روسیه لونک خصم جائی اولان  
 لهلودن ساقسونیا دوقه لغی و وارشو یا قراللغنه علاوه  
 ایتک و بوسبیله روسیه حکمنده اولان له طائفه سنده دخی  
 طرفی ایلشدر مک هوا سنده یلدیکی اشکار اولغله  
 روسیه ایمپراطوری دخی بورالری جزم و تبقی ایل  
 اشوری توحش و تدارکات خفیه ته تشبیه باشلامش  
 ایتسه ده فرانسه ایمپراطورینک دخی دافع و حشت  
 اوله حق اوضاع دلفریب سنده فریفته و خصوصیه  
 پترسبورغده کی فرانسه ایلچیمسی دوق قوائقورک

خرکوش غفلت انگیز راحت بخشاسنده دلشیفته  
 اوله رق عقلای وکلا و خیرخواهان دولتی برر صورتله  
 یانندن تبعید ایتسی و بقیه سنک دخی خوف و طمعاً  
 فرانسه لویه میللارینی موجب و اخطاره اجتناساز  
 اید و جکک وجودی نابود اولدیغی سبب له غفلت  
 ضروریه سنی مستوجب اولمشدر حتی چا کر لری  
 کلد کدنصرکه روسیه ایمپراطورینک سرای  
 کد کلوسی معناسنده اثر و ثبات دید کلری واقف  
 اسراری اولان ختروف جنرال دولتک بعض  
 سرارینی و تدارکات خفیه سنی فرانسه ایلمچیسینی اولان  
 دوق قولنقور طرفنه افاده و اخبار ایتدی یکی  
 طوبولوب عادتلری اوزره قتله بدل سبره نی اولندیغی  
 ایلمچی به موجب برودت اوله رق بالاستیدان پارسه  
 کتمش ویرینه غراف لور ستون نام دیگر ایلمچی  
 کلش اولوب بو مواد دن طولانی روسیه اهل السنک  
 قیل و قاللری چوغالمش و خصوصیه احداث اولنان  
 بدع و مظالم و کرک و کونا کون جرایمدن جانلری  
 یاتمیش و اخذ و واعطادن قالمش و مملکتلرنده رایج  
 اولان کاغداچهنک کوندن کونه تنزل و عدم رواجندن

چو غی مفلس اولدیغدن فتهیه تهیه لری دولته  
 موجب خشیت و برطرفدن دخی له حدودینه  
 وقایحه قلعه سندن بحر بالطق سواحله ورنجه  
 اول حوالی حدودینه اوچیوز بیکدن زیاده عسکر  
 ارسال واقامه ایتدکلرینی ینه کندولری افاده  
 ایدیور لرا کرچه بالعموم روسیه لونک فرانسه ملته  
 غیظ و عداوتلری درکار و عسکریدن اولیان کشی زاده  
 و تجار و اهل صنعت و رعایا کک کند و تجارت و حسن  
 تعیش لری چون دولت علیه و انکله له لویله مصالحه  
 رغبت و فرانسه لویه سفر اچغه حرص و خواهشله  
 درونی همتلری کنش کی اشکارا یسه ده فرانسه لونک  
 متانندن روسیه عسکرینک کوزی قورقش و اوفجیال  
 و جنرال کی قوماندار لک حیل حربیه سندن ییش  
 اولد قلرندن بونجه عسکر ک قومانداسی هر کیه تکلیف  
 اولندیسه کیی تعلل و کیی تمارض ایدوب سر عسکر لکه  
 جسارت ایدر برادم بوله مدقلرینه مبی روسیه  
 ایمراطوری و قرنداشی بالذات کیدوب کندولری  
 قومانده ایده کک اولد قلرینی سو یلیور لرا شبوار القده  
 اسوج دولتی ولی عهدی اولان پرنس برنارود کویا  
 فرانسه دن



فرانسه دن روگردان اولمش واسوچلوایله بالاتفاق  
روسیه طرفنه میل کلی و محبت اظهار و اعلان ایلمش  
و فرانسه ایمپراطور یدیه یومر انبیااطه سنی تکرار ضبط  
ایتد کدن بشقه بر مجاسیده بواشناده شمال دولتیله  
محرار به من اقتضا ایده جک دیمش اولمغله بوسوز  
روسیه لوایله اسوچلونک ایکینسه یا خودیا لکز بر یسنه  
شامل بر کلام ذوالوجهین اولدیغندن اسوچلونک  
ظاهرده روسیه لویه اظهار ایلمدیکی میل و محبتی  
کندولرینه مدارقوت عداید یورلایسه ده اوتیه دنبرو  
بین الملتین درکار اولان عداوت طبعیه و احدهماک  
اخری حقنسه اشکار کوریلان نفرت خلقیه لری  
بود فعه فلاندا کی بر الکاک روسیه طرفندن  
ضبطایله تشدید و قرال سابقلری روسیه لو رایله  
انکاتر یه کتدیکی حائی دخی تأکید ایتدیکنه نظر  
اولنور واسوچ ولی عهدینک دخی ملت و مصلحت  
و ضرورت جهت لریله قلبا و قالبا فرانسه لویه عداوت  
و روسیه لویه میل و محبت ایغسی حال حاضره  
اقتضاسیجه پولیتیقارینه الویرمه جکری خصوصلری  
مطالعہ قلنور ایه اسوچلونک روسیه مبلی

و فرانسه لونك تكرار پومر انبای ضبطی روسیه  
 اغفال ایچون مواضعه قیلندن برنوع دیسه  
 واحتیان اولسی احتمالدر اوته طرفدن فرانسه  
 ایسه مدت مدیده اسپانیا و پورتقال دولتریه  
 محاربه ایدوب خیلی الکالینی استیلا اتمش ایسه ده  
 اسپانیاملی کثرت رهبان و صلابت این وارکان  
 جهتلریله متعصب اولملریله پاپاسلری دخی بوخری  
 محاربه دینه صورته قویدینی و خلقی یکسر غیره  
 کتوردیکی اجلدن ناره جدال منفحه زنی پاپاسان ایل  
 کتد کجه گرمی پاش اشتعال اولدیغندن وانکلترو  
 ایسه کلی اعانت قلدیغندن ماده محاربه صعوبت  
 بولمش و خصوصیه صعب المرور طاغیرکمانستدن  
 وعسکری اداره ایده جک ذخیره بوله میوب پدربی  
 فرانسه محتاج اولدیغی نقل ذخیره زحمتدن  
 فرانسه اردوشی برقاج کره منهزم اولدیغنه مبنی  
 کلیتو عسکر تلف اولغله شمایلک سنورلری  
 طوته جق قدر عسکر ترکیله قصورینی چکمش  
 اولدیغی ایشیدلمشدر فرانسه ایمپراطوریه کچنکی  
 محاربه سنده نمچه ایمپراطوری قرداشلری اولان

پرنس قارلو و پرنس فردینان و پرنس ژان ایلہ  
 ارانزده تشتت کله و نفاق پیدا و پرنس قارلو اخوانک  
 کزیده سی و تدبیر و شجاعت جه تلیله عسکری  
 زهره سنک پسندیده سی اولدیغندن ذیکر لری انی  
 چکمه میوب منافرتلری رونما اولسندن هزیمت متعدده  
 ایلہ مغلوب صرف اولسی سببیلہ ترسته و فیوم  
 و یکی غالیچیا واسکی غالیچیا و سار محارک اعطاسی  
 و کلیلو مال تضمین ادا سندن بشقه کریمه سنی دخی  
 ناپولیون بونا پارتیه تزویجله مصالحه و دول  
 اوروپادن بالمره قطع امید اعانه ایلہ بالضرور اتفاق  
 والتجایه مجبور و پرنس قارلونک دخی جناح نفوذ  
 و قوت مکسور اولدیغی جهته بوندنبویه مدت مدیده  
 مخالفت قدرتی مفقود اولدیغی حکایت و پرنس قارلو  
 هر زمان فرجه و فرصت بولور ایسه اخذ انتقامه  
 صرف ما حصل همت ایلله جکئی روایت ایدیورلر  
 قدیم دنبرو روسیه ایلہ نمچه دولتلری محب و متفق  
 یکینورلر ایسه ده مقدما بالاتفاق فرانسه لویه سفر  
 اچد قلنده نمچه دن کچره رک روسیه عسکرینک  
 ما کولات و سار خسارتلری بدانی بالتراضی طغوز

ملیون مبلغه کسمشلا ایکن روسیه لو انجق ایکی  
 ملیونی اداوقصورنده اعل وعسی کویا اولدیغی  
 ومؤخرا دخی فرانسه لونک اغواسیه بلا ایجاب  
 و موجب نمجه یه سفراچدیغی وخیلی خسارتدن  
 ماعدا اهالیسندن قرق الی یکدن زیاده رعایای  
 یرلندن قالدیروب خرسون وقریم طرفلرینه سوررک  
 اسکان ایتدیردیکی ونخمینا درتوز بیک نفوسدن  
 عبارت اولان یکی غالیچیا الکاسنک طرفنه ترکیله  
 مصالحه ایلدیکی وصرکه صرپلو طرفنه دخی  
 چنکال حیلله طاقدقلرنده نمجه لو حکمنده اولان  
 صرپلوریده تحر یکدن خالی اولمالرله دائمًا قرق  
 الی بیک عسکرلرینک اورالده اقامه واحتیاسنه  
 بادی ودولتعلیه مساعدتیه افلاق وبغدان  
 طرفلرنده تجارتله مشغول نمجه تبعه سی دخی افلاق  
 وبغدان رعایاسی کی تکالیف واقعیهی ویرر ورعیتی  
 قبول ایدوب اوتورر ایه فیه والا اوراری غلبه لک  
 ایتسونلر وارسون مملکتلرینه کتسونلر دیو  
 پترسبورغده کی نمجه ایلمچیسنه دفعاتله رسما افاده وجبر  
 ایتدکلری وایلمچی\* مومی البهی بالکلیه التفات



واعتباردن اسقاط ایلد کیری اسبابه بینی نجه دولتک  
شمیدیکی حالدده روسیه ایمپراطورندن زیاده سیله  
دلگیرلکینی و بهر وجهله حجر دروننده آتش عداوت  
مضر او اوب شراره پاشی انتقام ایچون مترقب  
زندوسی فرصت ایدوکنی دعوا و کندولری تنویر  
سند مدعا ایدیو رلر قالدیکه چا کرلری پترسبورغده  
ایکن سوق عساکر ماده سی هنوز قوه ده اولوب فعله  
چیقامش ایسه ده فرانسه لوالیه بینلرینه کلی برودت  
دوشدیکه چوقدن چوق علایم ایله معلوم اولمقدن  
ناشی دایما اول اخباری استخباردن خالی اولمدیغنه  
مبنی کبرای قوملرندن یکریمی قدر معزول و منصوب  
منستورلر بر محملده بزم افروز جمعیت و احوال حاضرده  
دولتملرندن بحث و صحبت ایله سالف البیان کورجی  
یانغراتیون جنرالک سرعسکرلکدن عزلی سلسیره  
التدن منهرزم کی چکیلرک افلاق یاقه سنه کچنجه  
کندوسی یاشه کلوب یازدیغی کاغده ده دولتملیه ایله  
اجرا اولنان محاربه نک بهوده لکندن بحث و افلاق  
و بغدادک ضبطنده ایسه منفعت اولیه جغنی سرد  
ایدرك مصالحه ماده سنی و جوهله ترجیح ایدوب

حدود قدیمه دن اولماز ایسه بادی پروت ویا خود  
 سیرت صویندن تحدید اصلحه رخصت استمش اولمغله  
 بویله مغلوبانه مصالحه ایسه ایمپراطور بمرک کوجنه  
 کتدیکندن و فرانسه ایلیچییی دوق قولنقورک  
 لقلقه و مغلطه سی دخی عناد و انفعالی دویالا  
 ایتدیکندن نشأت ایلدیکنی حکایتلرنده حضاردن  
 بریسی واقعاً بوباید نفس الامر نظر اولنور ایسه  
 بانغراتیونک ملاحظه سی یولنده در وحق یدنده در  
 زیر ایزم دولتمز مخاطره ده در چونکه دوستمز اولان  
 فرانسه لونک بروقتده مکرندن امنیت جائز اولدیغندن  
 بشقه الحاله هذه نمونه لری برر برر میدانه چیمقده در  
 بزم ایسه اوروپا و آسیاده بر دوستمز قالمدی از جمله  
 اسوجلونک درونلرینه اوردیغنز داغلر معلوم و نمچه لو  
 ایسه برقاج و جمله بزدن تفرت ایدوب فرانسه لویه  
 میل ایدرک اتفاقه مجبور اولدی پروسیالونک بزمه  
 اتفاق و فرانسه لودن افتراق ایدرک حالی قالمدی  
 زیرا که وارشاویا قرالی انک حقندن کله بیلور قالدیکه  
 وارشاویا و دانسقا و فلک و ساقسونیا السکاری  
 فرانسه ایمپراطورینک النده در شاید که اسوچ و پروسیا  
 و نمچه

و نمجد و دایمار قه لو دخی بالضرور امرینه رام اولغه  
مجبور اوله جقلری محمدر بو حالدده اولان دشمن  
قوی ایله باشه باش جنکه قدرتمز معلوم دکل ایکن  
عثمانلو و عجم و انکلتزه لو کبی بر از دشمنلر دخی ار تر مقده  
عقلانه فائده ملاحظه اولنه بیلور طوته لکه قوت  
و نظام عسکریه مز سببیله بو وار القده عثمانلور دن  
مولدوا و عجمدن کنجه و روان و سائر محملاری السق  
دخی بو منفعتز مضرت اتیدنی قیاده بیلور می کر چه  
بزم ایمپراطور مز عجمدن روان قلعه سنک اوته طرفنه  
و چر کس سمتدن کر جستانه متصل یوتی یعنی فاش  
قلعه سنه قدر و او رو پادن طونه یه قدر ضبط ایله توسیع  
مملکت و تقویت دولت و ملت ایتک امانده ایسه ده  
شمسی انک وقتی اولمامله اول داعیه دن کچوب  
بو هنکام اختلالده همان ممالک روسیه حدودینی  
طوتوب یادایاغی با صدر مامغه همت اید بیلور ایسه  
دولته و ملتیه یوک خدمت اولور بو ماده دخی قو کثول  
ایله مصالحه و تقلیل اعدا ایتسک لکه موقوفدر اکر  
دولتعلیه ایله محاربه متمد اولور ایسه بر سنه دن صکره  
فرانسه سفری دخی اچلدیغی وقتده هم عثمانلو

عسکرینک مقابله سی و همدخی مولدوانک نمچه دن  
 محافظه سی ضمنده اقلی بر یوز بیک قدر عسکریمزی  
 او طرفلر ده محبوس و معطل ایتمک مجبور اوله جغز  
 وانلر کده نه حال کسب ایده جکی خود نامعلومدر  
 و فرانسه محاربه سی اچلدقد نصره دوله علیه ایله  
 مصالحه یه قالدق شقده مفید اولماز الحاله هذه  
 مولدوایی رد و صرپلوی بکک صورتنه ربط  
 و مصارف سفریه من ضمنده بر قایح ملیون مبلغ اخذیه  
 مصالحه یه قرار ویرلسه وانکله لو ایله دخی صلح  
 اولنسه بعده فرانسه سفری اقتضا ایتسه بیله اعدای  
 سائر دن امین اوله رق وارقو زی بر طرفه صرف ایله  
 بلکه حدودیمزی محافظه یه قادر اوله بیلور ایدک بزم  
 حالمزه حسب ان صورت بودر دبواقتضای وقت  
 و حاله کوره مقال و عاقبت اندیشانه حسب حال  
 ابتدا یکننده دیگری دخی ایمپراطوریمز بورالری دوشمنز  
 دکدر لیکن چونکه مولدواده بونجه عسکر تلفیه  
 سعی بیشمار اولندی شمدی بلا فائده عسکرینی  
 چکمکدن هم عارلر نور و همدخی طرف دیگر دن عسکر  
 ادخالیه ملکا و حدودا روسیه لویه مضرت کلیه



ترتب ایدر اندیشه سنده در اما سیرتدن باخود  
 پروتدن راضی اولسه لره هم امپراطوریمزه موجب  
 شان اولور و هم مدخی اغیار اندیشه سی دفع اولمش  
 بولور ایدی لکن دولتعلیه نك راضی اوله جنی نامعلوم  
 زیرا فرانسه مصلحتگذارینك تغلیط ایده جکی  
 مجزومدر دبدیکنده اخریده دولتعلیه بزم کبی  
 فرانسه لونك رضاسنی کوزنسه و مغاطه سنی  
 دکله ایدی انکلتزه لوالیه مصالحه ایده مزایدی  
 لکن مصلحتلری نك افتضاسنه کوره حرکت ایدیورلر  
 و اطرافك سوزینه قولاق اصما بورلر بوجهته انلرك  
 بولتیقای مصلحتلری بزمکیدن قوتلوردر دینجه بریدخی  
 مقام معارضه ده قیامله فرانسه لونك حبله و فتنه ده  
 مهارتی خود معلومدر دولتعلیه به سزلر برمدتدخی  
 مناسنت و تجاوزی اوله مدبغی حاله هیچ اولماز ایسه  
 بالقانلری طوتوب تدافعی جنکله امرار و فتنه غیرت  
 ایدرك بن قریب اروسبه لوبه شوبله بوبله ایدرم بعده  
 سزك بوزسنه دنبر و غیب ایتد بککرز کافه ممالک اسلامی  
 کبروردانمك اوزره مصالحه کره قرار و بربرم دبغی  
 و بومقوله کلمات حبله امیرالیه انلری الدائمسی

وعلى الخصوص شمدیچك اختلالری بر کمال اولان  
 یکجیری طائفه سنك اغزلرینه بویله بر بال چالوب  
 انلرك اجبار یله دولتعلیه بی خواه نا خواه محاربه یه  
 مجبور ایتدیرمسی بك محتملدر اوسبیله بز دولتعلیه بك  
 مصالحیه رغبتندن مایوس اولمشز در دیو افاده  
 مرام ایتدکده دیگریده بوسفرک اجلمسندده دخی  
 استانبولده کی فرانسه ایلمچیمی جنرال سپاستیان  
 دولتعلیه بك كافة مالکینك استردادینه امپراطورم  
 ناپولیون بوناپارطه متعهد در دیو سلطان سلیمی  
 فریفته ایدرك بزمله محاربه یه مجبور ایتمشیکن بعده  
 تلمست مصالحه سسندده بزم امپراطور عزم دخی  
 نلر سسویلدیکی خود معلوم کزد در بود فعه دخی اکر  
 بزمله فرانسه لو محاربه یه قارقار ایسه بزم جنکمن چوق  
 سورمز التی ای یا خود بر ییل مسدته الور ویر برز  
 و طرفیندن بری مغلوب اوله رق مصالحیه رغبت  
 کوستر اول زمان ایکی امپراطور بریره کله رك صلح  
 و اتفاق سویلشد کلرنده بونلرك درونلرنده دولتعلیه  
 دائر بر مضمر لری وار ایسه محاربه وسیله سیله اجرا سنه  
 اقدام ایده جگاری بیکمان فرانسه لو ایسه بزم  
 امپراطور

ایمپراطور یمن قولاً فعلاً امانه ایلیمه جکی بالتجربه عیاندر  
اما اول وقتده دولتمعلیه ایکی طرفله ده مصالحه اوزره  
اوله رق بی طرف بولندیغی حالده بین الدول  
دولتمعلیه نك علیهنه بر سندن بولنه میه جغنی حسبیه  
بلا سبب خود بخود اعلان حرب مذلتنی ارتکاب  
ایده میه جکری قواعد دوله تطبیقا مبرهن اولوب  
نهایت الامر اول وقت دیسه لر دیسه لر انکتره لوايله  
فسخ مصالحه تکلیفی میدانه اتارلر اما اولدخی  
دولتمعلیه کوره امر اساندر اشته بو کیفیاتی دولتمعلیه  
رقاج دفعه تجربه و تحقیق اینک کر کدر بود دفعه دخی  
الدانه جغنی عقل کسمن با خصوص بواشاده  
استانبولدن کلان حوادثنامه لوده عثمانلو پادشاهنک  
کمال متانت و حکیمانه حرکتدن بحمله بالتدریج  
زور باریک غلبه سنی دفع ایتدیکنی وزمام دولتی ایادی  
متغلبه دن استخلاص ایلدیکنی و امورینه کسه دی  
قارشدر میه رق استقلال اوزره کورمکده و محاربه  
و مصالحه دن قنقیننه میلی اولدیغنی خلقدن کتم  
ایتمکده ایدوکنی بیلدیره یورلر اکر بر پادشاه عاقل  
ومتین اولور ایسه عسکرینک سر بست واشقیانک

ادبسنلك وادیده اولان حاللرینی دفع ایتمک ایشدن  
 دکلدر روسیه دولتنکده مجددی اولان بیوک پتروئک  
 اوائل حالنده ترک یکچریلری کبی ایشه یرامز و مملکت  
 ایچنده ایقاع فساد و فتنه دن خالی اولمازا سترلسی  
 دیدکلری ادبسنروا شقییا اوله رق بر طاقم عسکروارایدی  
 حتی پترو تعلیمو عسکر یازمغه باش-لاد قدده بو قرال  
 بزنی دینزدن چیقاروب فرنک ایده جک دیو کونا کون  
 قیل وقال و قز قزندان سنک نحر یکیمه هجوم وجدال  
 ایتدیلر ایشه ده پترو سهولتله فتنه لرینی دفع ایدرک  
 مقرری اولان مسقه-وه شهرینی ترک و برقلعه ده  
 تحصنه بعد زمان پترسبورغ شهرینی بنا و اقامت  
 و یواش یواش اطرافنی ترهیباً و ترغیباً جلب و تسخیر  
 و قوت عسکریه سنی تکشیر ایدرک اشقیای مذکوره یه  
 دخی طوقنموب بر مدت استخدا مد نصکره جله سنی  
 معلم **ک**روهنه ادخال ایتمکله هم انلرک شس  
 و مضرتلرینی دفع ایتمش و همدخی خصم جانی اولان  
 و دشمن غایبی بولنان اس-وجاویه غلبه مطلقه ایله  
 پیاغی برقرال ایکن ایمپراطورلق حیزور تبه سنه ترقی  
 ایلشدر کذلک پروسیا دولتنک مجددی اولان بیوک  
 فردیک



فردیک دخی تکثیر عسکر وتنظیم دولته اش-معالی  
 ائشاده دار حکومتی اولان برلین شهر-رینی ترکله  
 جوارنده کی بوتسدام قصبه سنده قلعه مثالی قوناقلر  
 بناسیله اورایه چکیلوب مضلحتنی رؤیتله تحصیل  
 قوت ایله دی وحالا فرانسه-ایمپراطوری ناپولیون  
 بوناپارطه دخی اکثری مدته پارسک طیشار وسنده  
 یاپدردیغی قوناقلرده اکلنیور حاصلی اوروپاده  
 واسیاده ظهور رایدن بیوک پادشاهلرب بوشعاری  
 اختیار ایلملردر البته هر ملت وهر شخصک طبیعتی  
 بحسب البشریه نظام سزاق و سربستلیکه مائل اولمقله  
 فته اندن حدوثن ایدر اما عاقل اولان پادشاه ملتینی  
 عدالتله جملت وقانون ایله ضبط وعسکر ایله اخافه ایلر  
 وقانون وعدالتی عسکر قوتیله اجرا ایلر وعسکری  
 نظام قویه ربط و باشلر بنی انکله ضبط ایدوب  
 حبل متین نظامک اوجنی کند و الله الهرق ذره قدر  
 خلادن وقایه سیله و دائما اجرا سنه اهتمام و دقت  
 ایتیمه ضبط و اخافه ایلر-کن ملکته وعسکرینه نظام  
 و یرمک اعداسیله مصالحه یه و ترک مکافحه یه  
 توقف ایدر زیرا محاربه عسکری طائفه سنه البته

سر بستمك كتورر نظام ايسه بو كامنافي اولداد يغندن  
 اثنای محار به ده نظام ملكه اغازايتك خستادر ونظام  
 اطاعتسز عسكرايله محار به يه اصرار ايتك دخي  
 بغايت مخاطره و دولت و ملت به مضرت عظيمه يي  
 موجبدر بناءعليه سلفده كچن عاقل پادشاهلر اختلال  
 ملك ائناسنده محار به دن مجانبت و اگر چنك اوستنده  
 بولنديسه ده ضرر و فائده يه باقيوب همان مصالحه يه  
 رغبت ايده كمشلر در زير ابعدا تنظيم الملك تلافى عافات  
 قابلدن چونكه عثمانلو پادشاهي عاقل متين و مدبر در  
 ديور لر عسكرينك شمه سنده و اطرافك مغلظه سنده  
 باقيوب صلحه رغبت و كندى نظام ملكنه دقت اينلى  
 محمدر و بزم اعيراطور بزمه دخي بو ائشاده هر دولتله  
 مصالحه ايدر ك دوست بولمق لازمه حال دن اولمق  
 حسبيله انكده دخي صلحه ميل و رغبتى مأمول اولمغله  
 البته بر صورت هر بطو و توثيق ايله مصالحه يه قرار و برلى  
 مضمون اولان مواد دندر ديمكله ديكر لرى دخي واقعا  
 اويله در كر چه دولت عليه ك ملاحظه سنى بيلير اما بزم  
 اعيراطور بزمك حدود ماده سنده اوليكى قدر عناد  
 و اصرارى يو قدر همان اراده اولان عقلاى رجال  
 طرفينك

طرفینک شانده جسیان بر صورت بولوب عرض  
 ایتد کیری حالده رضا و مماشاة کوستره جکی  
 معلومزدردیو ختم کلام ایلمش اولد قلری مقبوسان  
 واسطه سیله استراق اولمش اولان مقالندر بر قاج  
 کون صکره غراف مومی الیه دعوت وسوق صحبتله  
 اسوجلونک حوادثی افاده دن صکره دولته علیه نکرده  
 اوروپا قطعه سنی یعنی روم ابلی بلده سنی کوزینه  
 المش اعداسی واردر اما بزلر مماشاة و موافقت ایتوروز  
 هم مصلحت ملکیه مزه الویرمز دید کده جا کر لیده  
 ظاهرده اول مقوله اعدا کیملر اولدیغنی بیلیورم اما  
 او یله بر بنیان عظیمه سوء قصد ایدن دشمن اولانک  
 قو کشور بنی ییقمه قجه اکا ظفر بوله میه جغنی تعقل  
 ایتشددر اول تقدیرجه سز لر بز دن اولجه حاضر  
 بولنمکن اقتضا ایدر سز دن صکره نوبت بزه کلنجه  
 مولا کریمدر دینجه غراف مومی الیه انصاف  
 واعترافله واقعا او یله در بروجهله امنیت جائز دکلددر  
 اشته اکا بناء دولته علیه الیه مصالحه یه رغبت ایده یوروز  
 اما انلر تحاشی کوستریورلر دیه رک مولد و اماده سنی  
 تلکرار افاده یه ابتدار ایدوب مأل کلام شو صورت

منجر اولدیکه چونکه سز اطرافیه تحریره جسارت  
ایغورسکز و بزم اردوده کی جنرالریمز هر نقد ر  
مرخصلر ایسه ده جنکچی ادملر اولد قلرندن نو عا  
حدت و غلظتدن خالی دکلار درسزک پاشا لیکزده  
اولیه اولمیدر لر بویه نازک مصلحت ایسه حدت  
و غلظت کوتورمز باری طرفینک مراملرینی افاده  
و استفاده یه مقتدر بر مال اکلار ادم استدا  
ایتسه کزده اکا اطرافیه نقل کلام و تفهیم مرام اولنسه  
ظنمه کوزه تسهیل مصلحتی موجب اولور ایدی دیو  
بغایت ملائمت صورتی کوسه تردیکندن درجه  
و حشمتلری استدلال و مصالحه یی اردو جنرالرینه  
دوسرمیدرک کندوسی تنظیمه کسب شهرت ایتک  
داعیه سنده اولدیغنی انتقال ایلدم در حال جا کرلیده  
بزم اردومز سز عسکر کاهکز کی فقط جنکچیلردن  
عبارت اولیوب پولیتیکا مصلحتنه مأمور رئیس  
افندی و سایر رجال دولت اولمیرله قی الواقع  
مطلوبکز اوزره صدر اعظم حضر تلرینه انها  
و بر سوز اکلار ادمک ارسالنی استدا ایدرم  
لکن بلا وسیله تحریره جسارت ایده مم باری تبدیل



اسراماده سنی ذریعه اتخاذا یدرک یازسم ایامپراطور  
 جنابلری استبدال اسرایه رخصت ویررلری دینجه  
 غراف موعی الیهده تبدیل اسرادن طرفینک شاننه  
 نقیصه کلرزیرا اثنای محاربه ده تبدیل اسرا بعضا  
 اولدیغی واردربو صورتله رخصت ویررلر اما بزم  
 طرفزدن استمدعا پکده یاقشق الور معنادکلدر  
 او طرفدن صدر اعظم حضر تلرینک تحریر وطلبنه  
 محتاجدر واقعا بو وسیله ایله بشقه مصلحت دخی  
 سویلشیله بیلور دیدکده چا کرلریده اعاده کلام  
 ایدوب اول کله جک ذاته درسکزا کر مقدا  
 مر خصلره سویلنیلان کی مولدوا ماده سی میدانه  
 قونه حق ایسه انک جوانی مقدم النمش ماده اولدیغنه  
 مبنی حاصل تحصیل قیلندن بر معنا اولغله بیهوده  
 زجت چکلمامسی اقتضایدر دینلد کده ایمپراطور یمزک  
 صلحه رغبتی معلومزن اولوب مصلحت ایکیمزک اننه  
 کیرد کدن صکره البتسه رسمت سهواتی بولنور بن  
 طرفینه خدمتله بابامک قران دیغی شهرتی تحصیل  
 سودا سندیم دیوبالتصریح اظهار ملایمت و تسهیل  
 مصلحت ایلدیکننه مبنی چا کرلری دخی بو بهانه ایله

اول طرفدن بر ادم استدعای و مصالحتک سمت سهولتی  
 استحصال تقریبی و بین الطرفین باب مکاتبه نک  
 کشادیه و سائل مصالحتک استکمالی و اول کله جک  
 ادمه بعض معلومات خفیه می افاده ایلمک مأمولیه  
 او خصوصه رضا کوستروب بالا رتضا عودت و عزیمت  
 قرار و بوتقریبه اسرای اسلامیة نک راحت و امانتری  
 و سلامت عرض و جانتری خصوصه صنده اطرافده  
 اولان مأمورینه تحریر اولنق و کچنه جکری مقدارشی  
 تعیین قلمنق و لاجل التفحص اسرا بولنان محله طرف  
 چا کریدن ادملر کوندرلمک و انلرک ذهاب و ایابلرینه  
 بر طرفدن مداخله ایدلماک و عسکری گروهندن  
 اسرایه بر کونه تعدی ورنجیده وقوعه کتورلماک  
 و ایدری اولور ایسه قاعده رنجده تأدیب ایدلمک  
 خصوصاتی حکام و مأمورینه تنبیه اولنمسی افاده  
 و التماس ایلدیکمده در حال اسعافله اسرادن و زرایه  
 در در و بله و میر میرانه ایکیشر ر و بله و اغوات  
 و بیراقدارانه یارمشر ر و بله یومیه و نفراته و نسوانه  
 ماهیه در در بچق ر و بله و صبیان و اطفال شیر  
 خوارهیه و ارنجده مناسی و جهله یومیه تعیین ایتلریله  
 کلیتو

کلیتو مبلغه بالغ اولمشدر عودت چا کریده یاز اولدیغنه  
 مبنی لاجل الوداع ساحل سرای ایمپراطوری یه  
 وارد قدده مشار الیه اولیکی کبی اولدیغمن او طهیه  
 کلمه کله پاشا دولتمکره و پادشاهکره کمال مرتبه صدق  
 واستقامتکرم معلوممز اولمشدر رجایدر مکه بعد المصالحه  
 بین الدولتین دوام موالاته سعی ایلیه سز دیوتواضع  
 ومطایبه و رازدخی افاق مصاحبه ایلیوب صکره  
 معاودته استیذانه تحصیل رخصت اولندی و غراف  
 مومی الیه دخی وارد قدده اگر حق احسانبله  
 مصلحت خیریه حصول بولد قدده دولتعلیه طرفندن  
 برآی محبت ایمپراطور طرفنه برحایلی لته و دولتعلیه  
 نشانیله مرصع بر قوالیریه اهدا وارسالنه همت اولنور  
 ایسه عجباً حیز قبولده واقع اولور می دیواستمزاج  
 اولند قدده غراف مومی الیهده تأکید محبت ضمننده  
 هر نه کونا معامله اولنور ایسه قبول اولنه جفته کفیل  
 دیوتعین ماده ایتیه رک آصمه قرار جواب ویر مکه  
 بالموادعه شد رحل عزیمت و بیک ایکوز یکرمی بش  
 شعانتک اواخرنده قرار کا همز اولان بقولوفقهیه  
 وصلت اولتوب سیروسفر اون برماهه قریب اولمشدر

اورایه کلند کده در حال اسرای اسلامیه طرفلندن  
 عرض محضرایله برنفر واتباع چا کریدن تحریرات  
 جلیه و تعلیمات خفیه ایله برنفر مهمساندار من اولان  
 اوفیچیا له ترفیق ایله بکر شده کی سر عسکر لرینه ارسال  
 واندن اردوی همایونه اسمباللری اشعار اولمش ایسه ده  
 سر عسکر مومی الیه قانسیکی جنرال حدید المزاج  
 مجنون بر کافر بد حال اولدیغندن بشقه او کونلرده  
 حسب التقدير باتین محاربه سنده قوشانجه لی خلیل  
 پاشا شهید و مختار پاشا فرار و ایصاله لی احمد پاشا التی  
 یک مقصداری عسکر ایله کرفتار و بعده روسحق  
 و نیکبولی قصبه لری دخی استیلای عسکر کفار اولوق  
 تقریدیه مجنون مومی الیه شیرینلیوب کویا ضرب  
 دستیه دوله علیه بی مصالحه یه مجبور ایتک سودا سنه  
 دوشمنه کله کیدن ادملر بو کون یارین دیه رک  
 عوق و تأخیر و اوارالق کندیزی عزم بنس المصیر  
 ایلد کده جایگیری اولان غراف لانترون بعد غراف  
 قوطوزوف دخی بر وجهله اثبات وجود دعوا سنه  
 و اولسبیله نشان قوالیریه قایم سودا سنه دوشوب  
 باب مسالنه نک سدیله آتش محاربه بی ایقاع و اول ادملری  
 کبرویه



کیرویه اعاده وارجاع ایدوب مصلحت دخی تبدل  
ایندیکننده ینه غراف مومی الیهک مؤخرا کلش اولان  
تحریراته نظرا کرک اردوی همایونه و کرک استانبوله  
تحریر الیه استحصال اسباب مصلحت خصوصنه  
مأذونیت درکارایسه ده وسیله قویه و معتمد ادم  
بولندیغنه مبنی تفصیلا تحریر اولنه مامشیدی الحاله  
هذه بوتا دایره حاجت مس ایتمزایسه دخی معلومات  
جا کرانه می سیاحتنامه شکلنده عرض و تقدیم ایتمک  
خصوصنی فریضه ذمت عدیله کستاخانه بوجمله  
تصدیعه جرأت و متانت حضرت شاهانه یه مغرورا  
کتم و صیانت اولنور امیدیه مجاسرت اولندی  
( بیت ) ( کرک لطفکله ممنون ایت کرک قهرکله قیل  
محزون \* کرک کولدر کرک اولدر افند مسک  
افند مسک ) باقی امر و فرمان خلیفه اوزمان افند مکدر  
( صورت مکتوب ثانی مشارالیه )

یک ایکیوز یکر می الی سنه سی اون بش محر مندن  
یکرمی یدی سنه سی اون بش جمادی الاولیسنه قدر  
مسموعات و معلومات جا کریدر کچن سنه طرف  
دولتعلیه ده صدارت عظمایک تبدلی و روسیه اردوسنک

سر عسکر لکی دخی قانسکی جنرالک فوتنیدن  
 قوطوزوف جنرالہ تحولی خصوصاتی مصالحت  
 خیرہ نک تأخرینی و ترتیبات حربہ نک تجد دینی  
 موجب اولدیسہ دہ روسیہ لونک اکثری عسکری  
 فرانسه لو قارشوسندہ کی حدودلر دہ بولندیغنه مبنی  
 مولدواویر کوکی وساسترہ وروسجق وقرہ یوہ وقلع  
 سائرہ دہ من حیث المجموع ایکی دویزیون یعنی  
 لسانلرنجه اون ایکی یکلہ اون بشیک اراسندہ  
 براردولق دیمکدن عبارت اولوب بوندن روسجقده  
 بولن ان ایسہ ردویزیوندن ا کسکجه اولہ رق انلر دہ  
 یکی ترتیب اولمش وکروود تعبیر اولنان عجمی اولق  
 حسبیلہ خارج روسجقده وقوعبولان محاربہ لردہ  
 عسا کر اسلامک هجومنه تاب اور اولہ میہ رق منہزما  
 روسجقہ کیروب ایرتسی کونی یر کوکی طرفنہ کچوب  
 فرار وکیرودن امدادلری ورودینہ انتظار اوزرہ  
 اولدقلری حالده عسا کر اسلامیہ دخی ترتیبات کلیہ  
 وادوات حربیہ ایلہ کلوب یر کوکی قلعه سیلہ  
 اسلابوزیہ طابیلری اراسندہ اوچ طرفدن طونہ ایلہ  
 محصور اولوب برطرفدن اسلابوزیہ چفتلکی  
 طابیلری

طایه لری طو پلرینک نشانکاهی اولان طریق ایله  
 قردیه متصل بولن ان بی زرع و کلاطیه مرور ایله  
 اقامت وقارشو طرفدن اکاناظر اولان محله شه  
 طو پلر وضعیله مسقولونک دوبادیدیکی شالو بالرینک  
 اطه نك پدیش کاهنه کلسنی منعه همت واطه ده طایه لر  
 انشاسیله یتیش قدر طوپ قویه رق تدافعی حربه  
 الویره جنک مرتبه استحکامه سد حائل اعدایه غیرت  
 ایتیشلر ایسه ده کرک اسلابوزیه چقله کی طایه لرندن  
 و کرک جوارنده کی تبیلر اوزرلرنده بولنان طایه لر دن  
 هم اطه بی و هم مدخی یولنی دو کهرک چوق نفوس  
 تلفدن ناشی تجاوری محاربه ممکن اوله میوب  
 تدافعی ایله وقتلرین امر ارواوتوز بش کون مقداری  
 اوراده اقامت و طوپ و تفنگ انداخته غیرتله کارزار  
 ایتیشلر و اوار القده سیروزی اسماعیل بکک  
 اردوسیدخی و دین قارشو سنده کی قلفاته کهرک  
 اند بولنان اوچیک قدر روسیه لونک اوزرینه حله  
 و هجومه درجنک اول بوز مشلر ایسه ده تعقیبه وقت  
 ایتیموب ضبط ایلدکاری طایه لرده اقامتله دشمنک  
 ظهورینه مترقب اولمشلر اول وقتده کرک قلفاته

و كركاطه ده كى عساكر اسلام يكرمى بشيك و بلكه  
دهاز ياده اولديغى متواتر واطه نك قارشو سنده اولان  
طايه لرده بولنان روسيه لو ايسه سكر بىك و يركوكى  
قلعه سنده كى ايكي بىك و قلفسات و قره يوده كىلر  
اوچبىك قدر ايدوكى اجلدن روسيه لوهر اسان اولمغه  
اكر هر طرفدن اياقلىرى توزيله هجوم اولتس سیدی  
قره يوده و بكرش و سارك ضبط اولنه جغى اسان ايسه ده  
اطه دن روسيه طايه لرینه يوريش حسب الموقع  
مشكلجه برايش اولديغنه و ملا حظۀ ديكر ده  
بولنديغنه مبنى ترك اولمش و روسيه لوده له حد و دنده كى  
اردولرندن ايكي دويون عسكرى منزل عربه لريله  
على العجله ينشدرمش اولمغه خيلجه قوت بولمش  
ويكرمى التى سنه سى شعبانك يكرمى يدنجى كچه سى  
بش بىك قدر سـ ولدات و اوچبىك مقدارى قزاق  
اتلوسـ يله مارقوف ديدكلرى جنرال اسـ لابوزى  
چفتاكنك ايكي ساعت اوست طرفندن كچه ركجه  
سواحلى قراغولدن تهى و اوردوى همايونى تبقيظ  
وانتباهدن خالى بوله رق صباحه قارشو قزاق اتلوسى  
هجوم ايتلريله بلامقابله ولامقاتله استدكلرى كى  
اسير



اسیر و نهیب و یغما و وصول داتلر دخی اطه یه ناظر و طونه یی  
 محافظ اولان طایبه لرده کی قرق الی قطع طو پلری  
 ضبط و ایکی طرفه اته رق کندولرینه طایبه احداثیه  
 اقامت ویر کوکی التنده مهیا اولان دو بالر دخی اطه نک  
 او کنه کلوب اطه یی درت طرفندن محاصره و تضییقه  
 مبادرت ایلد کلری کونده اطه ده حبه واحده ذخیره  
 اولد بغی و چته و اچیق و اورانسه مقوله سی  
 ایکی کور کلو بر قایق دخی بولم دیغی اجلدن عسا کر  
 اسلام دوچار مضایقه مالا کلام اولوب حیوانات  
 اکیله سدر مق حیات و چوغنی غوغا و اجلندن  
 وفات ایله قصوری حیانه ممات ارا سنده طقوز کون  
 قدر اقامت ایتمکله او ائشاده مرخص اولان غالب  
 افندی یر کوکی یه کلسی و مکالمه باشلامسی  
 محصورینک امدادینه یتشمش و روسیه لو طرفندن  
 تعیین اعطاسیله نیردکانه حیات ویرلش ایدوکی  
 و قلفانده کی مومی البه اسماعیل بک اردوسنک  
 او زینه دخی عسا کر جدیده ترتیبیه هجومنده  
 قایقلری حاضر اولق سببیه در حال سوار و برویه  
 فرار ایلد کلری و اطه ده کی عسکر تخمیناً یکر می بشیک

قدر و ارایه داده اقد مجه بر مقدار ی روسجغه اعاده  
 و امر اربازی دخی خسته لنوب بعد الاستیلا کرویہ  
 از جاع و بعضی سیدہ حین محار بہ دہ دشمن طرفہ  
 فرار ایتخلیلہ حین استیلا دہ اون التی بیک  
 تفسکہ التی بیک نفوس بولنش ایدوی کیفیاتی  
 اول محار بہ لردہ قوماندان اولان زاس جنرال  
 و مہند سیندن غراف دوشوار و سار اوفچیہ للردن  
 استماع اولند یغی مشیمہ قدردن نوزاد اولان بویله  
 بر مخاطرہ عظیمہ ہنکامندہ لواء سعادت احتوائک  
 اردوی ہمایوندہ بولنامہ سی انجق سعادت طالع  
 جہانداریلہ دال و بوحائلہ صاحب اللواء سلطان  
 الانبیاء حامی الدولہ معدن الشفاعہ علیہ السلام  
 اقد مزک ذات کرامت سمات حضرت خلافتیناہی یہ  
 درکار اولان مراضی سنیہ و توجہات ظفر غایات  
 علیہ لرینہ استدلال اولند رق قران عظیمدن تفال  
 اولند قدہ استعیند باہ \* عسی ان تکرہوا شیئافہو  
 خیر لکم \* آیت کریمہ سنک ظہور یلہ اتخاذ خیر الغال  
 قلتمشدر بحمد اللہ علی حسن العواقب همان جناب  
 رب العزت اورنک نشین خلافت و مظهر ہمہ سلطان  
 رسالت

رسالت اولات ذات ولایت آیات خسروانه فی مؤید  
و منصور و مدی الدهور نسق ساز امور و استعید بالله  
\* و کانوا حقاً علینا نصر المؤمنین \* نص جلبند موعود  
اولان نصرت عظیمه مقدره سنی زمان عدالت عنوان  
شهر یار بلنده جلوہ برای مجلای ظهور ایلہ امین  
اسرای اسلامیہ اولاری علی طریق المسافرہ قبول  
و یاش و بکرش طرفلرندہ اقامت ایتد برلش ایسده  
بر کوکی و بکرش مکالمه لرندہ ظاہراتعاطی داد و ستاد  
طرفیدن ایراد اوانسان بعض تکالیفہ مساعدہ  
اولند یغنه و باطن اول ائنادہ فرانسه لو طرفندن  
روسید لویه نوعماملایت ارانہ سیلہ طوتدیغی یردن  
بوغازلق و تکالیف کر ریه سنده اصرار ایلک  
خصوصاتی یکی باشند القا اولند یغنه مبنی بونلر دخی  
صنعتلو پولیتیقاری تمامنه صایوب مضمر درونلری  
اولان قلعه فاش و حدود جرا کسه ماده لرندہ کال  
مر تبہ تعند و اصرار ایلہ رک نقص مکالمه و اعاده  
معادات و محاربه ایلہ اسرای ایچرویه سور دکلرندن  
بشقه اوده ساناظری و چند قطعہ ایالتک جنرال  
کو پرناطوری اولان دریشلیه جنرالک بالاستجلاب

جانب اسلامیه میل و محبتی و امر تجارتله اعمار مملکت  
 بالطبع سعی و غیرتی حسبیلہ برمدند و استانبول  
 و وارنه و احوالی و سائر سواحل اسلامیه نقل ذخائر  
 مساعدہ سی درکار ایکن جنرال مومی الیہی دخی  
 تأکید اکید الیہ بو خصوصاً بدن منع و اوده سا  
 اسکله سنده بولنان رعایا کیلرینی ضبطلہ ایچنہ عسکر  
 قویہ رق سواحل روم ایلیدن وارنه ویا احوالی یا خود  
 سواحل اناطولیدن طربزون ویا اولطرفلر دہ بر اسکله  
 هجوم و استیلا یہ منہی استعداد و درت قطعہ اوچ  
 انبارلی و التی قطعہ قیاق و چند قطعہ فرقتین  
 و قوروت و سائرہ دن مرکب اولان دو تالارینی امادہ  
 و اعداد ایتمشلر ایسہ دہ جنرال مومی الیہ تأنی نصایحیلہ  
 عمل و علی العجلہ پترسپورغہ کیدوب ایمپراطور لرینہ  
 ملاقات و حسن افادالہ ترویج سلم و مصافاتی امل  
 ایدوب اول مادہ نیک منعہ غیرت و تکرار نقل ذخائر  
 تحصیل رخصت ایتدیکی لکن دو تالاری حالاً چیق  
 اوزرہ ایدوی و بو کونلرہ کلنجہ فرانسیسہ لونک  
 قارشو سنده ہر نقدر عسکر لری وارا یسہ دہ ہنوز  
 محار بہ لری مشکوک اولوب شاید کہ ایاق پاتردیسیلہ



دفع ایدہ رز زعماری درکار ایکن بوک و نلرده  
فرانسه لونک کلیتو عسکری پروسیا الکاسنه کیرمسی  
وروسیه لو حدو دنده بولنان قلاعی دوستانه اخذایله  
عسکر وضع ایلمسی و واسطه جواسیس متعددده ایله  
الکای روسیه ده درلو درلو اراجیف نشر ایلمسی  
وروسیه ایمپراطورینک باش سرکاتبی و واقف  
اسراری اولان اسبرانکی جنرالک فرانسه لوالیه  
مکاتبه و مخا بره مثلاً بعض خیانتنک طویولمسی  
و قلعه بند اولدقد نصکره البته بو خصوصده  
ارقداشی اولمیدر دیو بین الناس کونا کون حوادثک  
منتشر اولمسی غیره حربه عزم و جزملرینه موجب  
اوله رق درکارانک لره لو طرفنه ایلمچی ارسال و دولت  
علیه ایله مصالحه دخی معتبران کبرالزندن سابقادریا  
منسترسیچون جنزالی مأمورایدرك بکرشه اسبال  
و قطعاً بر ماده ده تعند و اصرار ایتمهرك حدود  
و شروط مرضیه ایله مصالحه ایتمسی مومی الیهک  
عهده سنه احاله قلدقد نصکره ایمپراطورلی دخی  
مومی الیه غراف دومیانوف و سائر منستورلی  
بالاستصخاب اردوگاهلرینه عزم و شتاب ایدہ جک

ایدوکی کبرای قوملری بیلرند بزم دولتعلیه ایله میانمزدده  
 موجب محاربه اوله حق بر ماده یوغیکن فرانسه لاونک  
 پولیتقا و حیلله سیله بلا سبب نقص عهد اولندیغندن  
 غیرى بزه مولدوا واقصای کر جستانه قدر سز کدر  
 ديه رك و دولتعلیه به دخی یوز سنه دنبرو الکرزدن  
 چیقمش اولان ملکک استردادینه ضامنم دیوسوز  
 و پر رك طرفینی الدادوب مدت مدیده دنبرو سفک دما  
 و تخریب بلاد و ضعف دولتی موجب اوله حق  
 حالاتی استحصا لیله پس پرده ده ساز ما دینی  
 دوزمکده و صاحب خروجلق دعوا سیله کافه دولی  
 ز بر حکمه الملک صورتنی دوشمنکده اولدیغنی دولتین  
 عقلاسی بیلرند که المرایدی اما بزم امپراطور عزمک  
 کنجملکی و دولتعلیه ک دخی بر مدت دنبرو در اختلال  
 عسکر بسی جهتلری فرانسه لاونک رواج حیلله سنی  
 موجب اولمشیدی الحاله هذه بزه بقضو انتباه کلدی  
 اولمقوله حیلله و فساد الدائمز دولتعلیه دخی انلره  
 الدائموب لازمه نظام مملکت اولان سلم و مصافات  
 بلکه اتفاق و موالاته میل و رضا کو ستر می ما مولزدر  
 اما دولتعلیه راضی اولیوب امتداد محاربه لازم  
 کلور

کلور ایسه اول وقت بزه لازم اولان تدایر شو  
 وجهله در که وار قوتنزی فرانسه محاربه سنه صرف  
 ایدوب اول ماد بر قالد ا فراغ اولنجه یه د کین طونه نك  
 مولد وایا قه سنده اولان قلاع و سوا حلك  
 محافظه لرینه وفالده جك قدر عسکر وضع وایکیوز  
 مقداری شالوبا و دوباو چته مقوله سی طوپکشان  
 قایق لایله طونه یی سیدایدرب مرور عسکره ممانعت  
 ایتك و کلیتوجه دوننما من دخی قره د کزده کشت  
 و کذار ایله تعجیز و اضرا ایدرك دولت علیه ایله تدافعی  
 صورتنده محاربه ایله وقت پکرمك و شاید که نجه  
 حدودنده فرانسه او و یا خود نجه لور سربر آورده  
 ظهور اولور احتمالیه مولد واطر قنده بر مکمل اردو من  
 بولنوب اقتضاسنه کوره هر طرفه امداد و اعانه ایتك  
 خصوص لریدر دیو اجراسی مقضی اولان تدایری  
 تصور ایلد کیری استماع و تحقیق اولنمندر بو کونلرده  
 بقولویفقه قره د کز دوننما سنك سر عسکری اولان  
 یازیفوف جنزاله یازدیغی تحریر اتده کسندوسنك  
 مولد و اردوسنك مرخص و مستقل سر عسکری  
 و کافه امور بحریه نك قوماندانی اولدیغنی بیلدیرك

دو تالارینک کیفیت لرینی و قیودان و اوفیچیا لارینک  
 احوال و مقدار لرینی و نقل ذخائر ایچون گلوب کیدن  
 تاجار کیلرینک عددینی صورت مسندندی مرام سابقه  
 استدلال و مصالحه میسر اولماز ایسه ینه بیع ذخائر  
 ایده جکنه و مقتضای عداوتی اجرا ایلیه جکنه  
 انتقال اولمشدر لکن مومی الیه چیچوف جنرال کویا  
 انکله تیره لونک خصمی و فرانسه نک خصمی اولمغله  
 یدنده اولان رخصت کلیمه یه نظر ادولتعلیمه مصالحه سنه  
 غایتله میل و رغبت و هر نه طریقله ممکن ایسه ختامنه  
 سعی و غیرت ایلمی مأمول اولمغله همان حق  
 اهل اسلام حقننده خیر نوسنی خلق ایلیه امین  
 باقی امر و فرمان شو و کتلو پادشا هم افندم کدر  
 (تم) مشارالیه روسیه ده ایکن قریم و قزاق  
 خاندانندن ممالک اسلامیه یه هجرت ارزو سنده اولان  
 یوز یکر می قدر خانه یی جله خلقیله برابر فاضل بیعادل  
 عبدالکریم افندی نام عمده افاضلی باش ایدرک رومه  
 اعزامه ایمپراطور طرفندن پسابورت و رخصت  
 تخصیل و مرفه استانبوله ارسال و تسبیل ایلمدیکندن  
 جله سی طرف طرف مشارالیهک ثنا خوانی و اول  
 اثباتده کی



ائنه کی روسیه سفرنده اسیر دوشن یکجیری و سائر  
 عسکر دخی طرف ایمپراطوریدن التماس واستخلاصه  
 هر برلرینه بر رقات اثواب و خرجلق و یررک طاقم  
 طاقم ممالک اسلامیه به بعث و اسرا ایله یکرمی بیک قدر  
 ادمی سفالت اسارتدن ازاده و خلاص ایلدیکندن  
 بونلرده محل محل اردویه و رود ایله اورطه لرنده  
 مشارالیهک مداح لطف و احسانی اولدقلرندن ملغا  
 زعمجه مشارالیهک اوجاغ طرفدارلغی ثابت و شایع  
 و اوسبیلله اوجاغ خلقندن مشارالیه حقنده برنوع  
 اعتماد کامله و امنیت صحابت شامله واقع اوله رق  
 دولت و اوجاغک غیرتکشی اولان او یله بروزیر  
 ذیشان شمدی یه قدر روسیه مملکتنده قالمق لایق  
 ناموس و شان دکلدر البته چیقارلملیدر و اردویه  
 کتورلملیدر دیوسوبسو کفت و کویه ایتدار  
 و اغواتلری اولان خروا تلر طرفلرندن دخی بوماده ده  
 صدر وقت بولنان خورشید پاشا و وکلایه تقاضه  
 اولمغله مشارالیهک شدید الشکیمه لکی جهته کبار  
 دولتک احترازینه مبنی یکجیری یه ممشاتک ضرری  
 کندولرینه عاقل اوله دخی درکار ایه ده اولارالق

اوجاغت التماسنی اسعافدن اجتاب ایتک موجب  
 فساد اوله جفتنده شک اولما مغله چارناچار مشار الیه  
 اردویه کلک اوزره بلغراد محافظی نصب و تعیین  
 و روسیه لوالیه بکرش سمتنده مکالمه اوزره بولنان رئیس  
 غالب افندی ایله مشار الیه کرمی الفتنی بیلدکله  
 مبنی مشار الیه تلطیفی باینده طرف سلطنتدن  
 اردویه فرستاده اولمش اولان اوچ قطعه خطوط  
 همایونی طرفندن مشار الیه ارسال ایتک اوزره  
 مومی الیه رئیس غالب افندی طرفنه ابعاث و اسرا  
 قلمغله بوسبله مشار الیه ایله مومی الیه غالب افندی  
 اراسنده برچوق ارسال رسل و رسائل ایله ماده  
 مطلوبه امنیت حاصل اولدقده مشار الیه مقرقامتی  
 اولان نیقولودن حرکت و بر موجب اداره اردویه  
 کلک اوزره حدود اسلامییه طوغرو هنتوسوار  
 عزیمت اولدقده مشار الیه علم و فضل و عقل  
 افلاطون نمونی و اوجاغ اهل لیسلیه برابر علمدار  
 مصطفی پاشا بقید سندن روم ایلیده سر بچیپ انزوا  
 اولان جمیع شجعان خاندانکدخی ازجان و دل  
 مشار الیه طرفنه میل ورکونی جهتلر ایله ازوقته قطر

روم ایلیده چوق قوت و نفوذ یوله جنی و مضلحت  
 و ایجاب و قته کوره مطلق صمدارقی تحصیل قله جنی  
 استرقابی مشار الیه خورشید پاشایی دوچار سرینچه غم  
 وارد و طیشاروده اولدیغی سبيله استانبولده مایه دار  
 نفوذ کل اولان رکاب کتخداسی حالت افندی دخی  
 مشار الیه کسب جمعیت و اوصورتله تحصیل  
 صدارت ایلسنده کندی رأس المال اقبالدن ضرر  
 ایده جکی توهمیله مستغرق ا کدار و الم اولوب بالتعلیم  
 مشار الیه معیتنده برقاچیک کزیده و فرمانبر تاتار  
 اتلوسی اولدیغی و اوجاغ خلقیله روم ایلی خاندانلری  
 طرفداری بولندیغی قوتله شدید الشکیه و ایلروله  
 کلد کجه صاحب جمعیت عظیمه اولوب اکر طرف  
 سلطنته بر ضرر قصدنده اولور ایسه اوکنه  
 طورلیه جنی و شمدیدن چاره سی کورلمز ایسه صکره  
 فرصت بولمیه جنی خصوصلری صمدراعظم  
 اردودن تحریر و مومی الیه حالت افندی دخی رکابده  
 تدبیر ایدرک طرف سلطنته عارضه دهشتله اضطراب  
 بخش و مشار الیه حقنده درکار و لامع الانوار اولان  
 نیرتو جهات شاهانه یه کسافت نقش ایدوب

هر امری تمشیت پذیر و مشار الیه امر اعدای  
 قرار گیر اولدقه اچیقدن اجرایه قدرت تعلق  
 ایتمه چکی جهتمله مشار الیه خورشید پاشا دلیل باشیسی  
 محمود طسیرانی ظاهرده خرجنی قطعله باندنده  
 اولخصوصه مأمور و اولدخی عسکری قیمتی  
 بیلور بوزیردر و ارر اگانتهساب ایدرم شایعه سیله  
 بیک بشیوز قدر دلیل اتلوسیله اولاحه طوغر و سوق  
 ستور ایدوب بوزمینده مشار الیه عرضحال از سال  
 و اولدخی حسب القدر فریفته مکر و ال اوله رق کندو  
 کلنجبه قدر هر قومک اقتضایدن تعیناتک اعطاسی  
 خصوصنده اولاح بکی طرفه تحریرات اسبال ایدوب  
 وقتا که مشار الیه اولاحه درت ساعت مسافه محله  
 کلد کده دلیل اتلوسی استقباله چیقمغله مشار الیه  
 روسید دن تخلیص و تجهیز ایتدی یکی اسرا دن  
 اولوق اوزره معیتندده موجود اولان التی بیک قدر  
 عسکری و روم ایلی خاندانلر دن کیش بولنان جنک  
 اورلری بکر شک کبار خاندانه بار اولسون ایچون  
 کویله اعزام و کندوسی طقوز نفر خد متجیمه  
 هنطو سوار عزم و قیام ایتمکله دلیل اتلوسی اولدیغی  
 محله



محله گلوب انلرك ايچندن كچرايكن جله سى بردن  
 تفكرينه اتش ايتد كلرنده هنطوغر باله ومشاراليه  
 مرغ شكسته باله دونوب درت محلدن مجروح  
 و بيتاب تعب وجروح اولديغنى كوررك هنطوه تقريله  
 اعدامنه مدايادى اقدام ايدنلردن سكرنفرى قتل  
 وجزاي مايلىقنه وصل ايدوب نهايت الندن برقورشون  
 اصابتيله قدر وقضا حكمنى اجرا ومشاراليه داخل  
 سلك السعاده اى شهدا اولدقده جوارده بولنان كويارده كي  
 حسكر كيفتى خبرالجه عجله سوار ميدان معركه  
 سوق جرادة العياريله دليل تلوسنى تارمارومشاراليهك  
 نعلش رجت نقشى الوب مقلة العيون حيف تخزنن  
 نبوع وتخزن ايدن دموع اتش لموعريله غسل وتكفين  
 ويركوكى قلعه سى او كنده دقله توديع رجت  
 رب العالمين ايتاريله مشاراليهك قريمده تبعه سى  
 واول وقت سلاسترو واليسى بولنان ايج ايللى احمدپاشا  
 دخى طاش وسارنه نشانيه مزارينى تزين ايدرك  
 حقوق سابقه سنه رعايت ايتمش اولوب مى ورمدتله  
 قلعهك تعمير وتوسيعنه همت اولدقده مشاراليهك  
 مزاري سورك داخانه انه رق معلوم ايسدهده

صكره قلعه‌ك روسيه لويه ترك وهدمنده نصل  
اولديغى مجمولدر مشاراليه عصرينك فضلا سندن  
ومشهور دلى امين افندى خواجه‌ك شرکاسندن  
اولوب قپودانلقنده دلى امين افندى وکنقرلى عبدالله  
افندى و کوتاهيه دلى محمد افندى ومصنف افندى  
نام درت نفر درس عام مشاهير فضلاى کرامى  
رمضانده ترسانه دعوت وانلردى اجابت ايدوب  
بعدالافطار (ع) کلور البت کرانى صاعقه  
افطار دنصكره) مالى تذكاريله انسانه عارض اولان  
ثقل و کرانيدن بحثله صدر روح ماده سنه وارنج  
مشاراليه ماهيت روحى حضار مشاراليهمدن  
استفسار ايتد کده کنقرلى ومصنف افندى لب کشاي  
کفتار اوله رق تعريفه درکار اولدقده مشاراليه  
قوللرينى ردونقص وفضلاى مشاراليهمايى حبط  
وحفص ايدوب بعدالتراوىح مشاراليهم عودت  
واستانبوله مقدا فجنبان بياده عزيمتلرنده مشاراليه  
کابجيسى شعرادن عينته باني عيني افندى دخی انلره  
رفاقت ايتديکندن قايقده کلورلرايکن اومجلاسه  
روحك تعريفنه قالقشد قلر يچون کنقرلى ومصنف  
افندى به

افندی به دلی امین افندی خواجه تو بیخائیکه  
 مشارالیه مادخی رامز پاشا کی فضلالیه بخنده نه باس  
 واردر دید کلرنده دلی امین افندی خواجه دخی  
 مشارالیه شرکامز دن اولغله درجه معلوماتی  
 معلومز وجودت قریحه سی جهتیه بزره غلبه سی  
 مجزومز اولد یغنه مبنی انکله معارضه معناسز  
 اولد قدن بشقه انلر شمدیکی حالده وزرا عدادنده  
 بزر ایسه علما قطارنده بولند یغمز حیثیه کالانعام  
 اولان عوام ناس انلری جاهل و بزلی عالم قیاس ایدرلر  
 بونک اوستنه مشارالیهله معارضه ده ضبط اولد یغمز  
 حالده اورتالقه دست پسته خدمت اولوب طوران  
 ایج اغاری بزم پاشا خواجه لری طور دردی دیرلر  
 شان فضلزه شئن ایراث ایتدیرلر دیمش اولد یغنی  
 مومی الیه عینی افندی افاده ایدر ایدی حاصلی  
 مشارالیه صاحب جر بزه وزکا و امور خارجه ده یکا  
 اولد قدن بشقه حکمت و هیئت و هند سه ده  
 نادره دنیا اولد یغندن دور سلیمده هند سه خانه نک  
 تنظیم و قانوننک وضع و ترقیمه مأمور اولد یغندن  
 نظامنه ادخال و قانوننی بالذات قلمه الهرق حسن

صورتله اكال ايتد كده طرف سلیمدن مظهر تحسین  
 ونوازش اولمش ایدوی استانبولدن بالاده کی افاده  
 وجهله عزیمتده اشیاسی رجالدن سلیم ثابت اقدی  
 معرفتیه ضبط اولمغله چکجه سندن چیقان خطوط  
 متعدده ستایش مآلندن اكل شمشدر مع هذا  
 انشای سلیس و اشعار نفیسی دخی اولوب ظرفای  
 زمانه مجموعله رنده مقید خیلی عزل و ترجیع بندی  
 اولمغله هر برینی افاده و از باردن ایسه مشارالیه  
 بیر اقدار مصطفی پاشا ایله روسجه قده اولد قلمی وقت  
 بر کون سور کون اوینه چیقملریله هنطو ایچنده کیدر  
 ایکن دیر سنکلی اسماعیل اغا مر حومك غلاملرندن  
 اجدیساری نامنده اولان صاحب حسن بهامحبوب  
 مستثنائك آت سوریشنه ولوندانه کلیشنه دأر بهر  
 سطری اولنده کی حروفندن محبوب مومی الیهك  
 اسمی چیققیق اوزره بالبداهه لایالیانه سویلمش  
 اولدیغی غزل تکلفسزجه عاشقانه و بی بدل اولمغله  
 اشعار اولندی

۱ اور یلورسم نولور آی آفت ضناز سکا

ح حربه ونیره صونر غمزه غماز سکا



م مرد میدان جفا شوخ لوندانه ادا  
 د دلربا فتنه دنیا دیرایسم از سکا  
 ی ینه سور کون اوینه چیقدی مکر غمزله  
 س سوریه طوبیلور عاشق سر باز سکا  
 ا اسب نازی صوله صاغده سوررک الده جرید  
 ر راست کلدی کوکل ای شوخ چب انداز سکا  
 ی یوری وار مرغ دل زاریکی پک طوت رامز  
 ی یوقسه صیده سوز یلور غمزه سی غماز سکا  
 (مشار الیهک \* نوایوق بزم غر بتده فغان اهدن غیری  
 و\* نیچون ای اشک طوفانخیز حسرت بی اثر سین سن \*  
 و\* فیض حق مایه عشق دل داناده قودی) ترجیع  
 بندری و\* باغ همه نفخه پرفیض صبا یز (تخمیسی  
 وخصوصیه (همان عین محمدله علیدر شمس مولانا)  
 مصرعی مآلی اربابی عنده مشار الیهک کالنه دال  
 اولدیغندن تفصیلدن صرف نظر ایله طی مقال  
 قلندی رحه اه

(جرقدجی علی پاشا)

مشار الیه مصر بکارندن الفینک کوله سی و خزینه داری  
 اولوب یوسف ضیا پاشانک اردوی همایونله مصره

ورودنده تحصیل ایتدیکی الفتہ مبنی اون یدی  
 تار یخنده در علیه کلمکله طیار افندی قوناغنده  
 مسافرت و برسته صکره قیوجی باشلیق اعطاسیله  
 یسکر می ایکی سفرنده بارتبه میرمیرانی اردوده  
 جرقه جیلقله قاده تالیش کامرانی اولوب صکره  
 وزارتله مقضی المرام ورکابده قائم مقام اوله رق یکر می  
 درت محرمنده مشارالیه سیدی علی پاشاک اوستنه  
 قپودان و اوچ آی مرورنده عزل و بعد ذاقارص  
 و سایر مناصبی دورایت کدنصکره ملاطیبه ده اقامت  
 اوژده عازم آخرت اولمشدر

(حافظ علی پاشا)

مشارالیه اماسیه اهالیسندن اولوب بعض وزرا  
 خدمت لرنده بولنه رق قیوجی باشی اولغله نهایت  
 استانبوله کلدرک ارغنی معدنی امانتی تحصیل  
 و خزینه دار اوغلنک وفاتنده رتبه وزارتله طربزون  
 والیسی اوله رق تمة اقبالی تکمیل اینکله عصر محمود  
 خان عدلی اولان بیک ایکیوز یکر می بش جادی  
 الاخرنده جرقه جی علی پاشای مشارالیه اوستنه  
 قپودان و فلکله سوار دریای عنسوان اولوب دونخا  
 ایله

ایله قره د کره بادبانکشای روان اولدقده اولمطه  
 لیمنه کیروب برکجه لنگرانداز ارام و فرداسی صالیا  
 تیمور قیام ایتدیکی و مر سای استانبوله وصولند نصکره  
 دخی مشارالیه کوچک حسین پاشا مر حومک حلیله  
 حلیله سنی اخذ خولیا سیله عز و مصاهرت سوداسته  
 دوشدیدی اجلدن اون ایکنجی ایده عزل وودین  
 ایالتله نقل اولمشدر

(کوچک حسین پاشا مر حومک کتخداسی قره  
 محمد پاشا)

مشارالیه عصر محمود خان عدلی اولان بیک ایکبوز  
 یکر می الی سواننده حافظ علی پاشای مشارالیه اوستنه  
 قپودان و حایله ضعف نما اوله رق مستغرق اتش  
 بحران اولمغله ذی الحجه ده وفات واقندیسی مشارالیهک  
 یاننده دفنله مترقب روز مکافات اولمشدر

(محمد خسرو پاشا)

مشارالیه سلطان عبدالحمید خان اولک کوله سی  
 و کورجی جنسیدر اندرون همایونده تربیه اولنهرق  
 کوچک حسین پاشاک قپودان نصبنده برابر چاقوب  
 اولامهر دار و صکره کتخدالغیله کامکار اولوب مصر

فتحنده رتبه میرهیرانی ایله مصره والی واوراده کی  
 فتنه حدو شده سلا نیکه ورود ایدوب برعدتد نصکره  
 وزارتله قدری عالی ودور مناصب ایله عصر سلطان  
 محمود خان عدلی اولان بیک ایکوز بیکرمی التی  
 ذی الحجه سنده قره محمد پاشا فوتنده قپودان وفورس  
 کشای سرستون شان اولوب دونماله آق دکره  
 شرعکشیای روان اوله رق متغلبه دن تسکه متسلمی  
 غائله سنی دفع و فرداسی سنه از میرده کی کاتب او غلنک  
 وجودینی ساحه هستیدن رفعله حسن خدمت والی  
 سنه ترسانه اقبالده مسندارای اقامتد نصکره عزل  
 وایران سفرینه مأمور وارضروم وقارص طرفلرنده  
 خدمات پسندیده سی ارایش ساحه ظهور اولغله  
 اورادن جمله اوتوزیدی شوالنده طوبجی باشی  
 قره محمد پاشای اتی اندکر اوستند ثاباقپودان ودونماله  
 اق دکره روان اولدقدده اولارالقدده وقوعبولان  
 روم فسادی سببیه اق دکر اطهری ایاقلمغله واروب  
 ایصاره بی استیلا وایرتسی سنه روم تسکنه لریله  
 برشد تلوغوغا ایدوب دونخافنا سقطلند یغندن مصره  
 عزیمتی تدبیر واوراده دونخای تعمیر ایدرک استانبولدن  
 چیقاردیغی



چیقاردیغی کچهینه هر سایی ترسانهیه کتوروب  
 کلهکله خدمتی مشکور و طرف پادشاهیدن نائل التفات  
 موفور اولوب صکره موره نك براو بجراسر عسکرلکی  
 مصر و الیسی محمد علی پاشا طرفنه احاله اولندیغنه مینی  
 استانبول دوغتماسنك دخی مصر دوغتماسنه علاوه سی  
 اقتضای تمکله میر میراندن قیودانه همایون چنکال اوغلو  
 طاهر پاشا باشو غلغیله دوغتماسنك مورهیه کوندرلمسی  
 جهتیله مشارالیه ترسانه ده مربع نشین استراحت  
 اولوب قرق ایکیده عزل وانا طولی ایالتیه اسکدار  
 محافظتغه نقل و صکره اغا حسین پاشا اوستنه عسا کر  
 منصوره محمدیه سر عسکرلکنه واصل اولوب  
 طقوز سنه دن زیاده مدت اول مسنده ده دوستدایله  
 اللی برده عزل و ساحلخانه سنده اقامت اوزره ایکن  
 مجلس والا احکام عدلیه احداث اولنه زق مشارالیه  
 ریاستیله اعزاز و بیک ایکوز اللی بش ربیع الاخرینك  
 اون طقوزنجی کونی وقوعه بولان جلوس همایون  
 حضرت عبد المجید خانیده محمد امین رؤف پاشانك  
 ایکنجی عزنده صدر صدارتی تحصیل ایله سرفراز  
 اولوب تنظیمات خیره ظهورندن طولانی اللی الی

شعبانده عزل و ساحتخانه سنده چند روز اقامتد نصکره  
تکفور طاغنه مخصوص ترسانه واپور یله ارسال اولوب  
ایکی سنده مدت تعیینیه سکرایی قره غول التنده  
وقصوری ازاده اوله رق اوقات گذار اولدقد نصکره  
عفوایله استانبوله کلسی فرمان و او تو زیك غروش  
ماهیه احسانیه خانه و ساحتخانه سنده اقامتد رخصت  
شاهانه ارزان بیورلمشدر

(ایچ ایلی احمد پاشا)

مشارالیه بروسه متصرفی ایکن عصر سلطاط محمودخان  
عدلی اولان بیک او تو ز او چ ربيع الاخرنده محمد حسرو  
پاشای مشارالیهک اولکی عزلنده قبودان اولدقد  
طیشارو منصب بلرنده الشدیغنه مبنی رکابده ایده میه جکئی  
درک و تمارض ایدرک اولبایده دست نیاز بنی دامن  
اکبره برک ایتدیکندن عزل وینه خداوند کار  
منصبینه واصل اولمغله صکره اخسنده یه والی  
واو تو ز طقوزده شام والیسی و میر حاجی اولوب حصه  
وصولنده خسته لنه رک تختروان موته عازم القرای  
فوت اولمشدر

(حسن پاشا)

مشارالیه دیمتوقه ده پوماق تعبیر ایلدکاری طائفه دن  
اولوب

اولوب ملترملكه هوسله ثروت ويسار تحصيلنه  
 دسترس اوله رق يكرمي ايكي سفرنده نزل اميني اولوب  
 بعده خواجهكان وقبريس محصه ياغني اويديررق  
 كامران اولمغله اولصورته استحصال فربه وزفه ايله  
 سلخانه اراي اقبال اولمقدن ناشي درعليه ده قصاب  
 باشي اولوب بعده رتبه والاي وزارتله خداوندكار  
 سنجاغی احسان واولخال ايله مشاربالبان اولدقدن صكره  
 عصرسلطان محمودخان عدلی اولان بك ايكوز  
 اوتوز اوچ تاريخنده ايچ ايللي احمدپاشاي مشاراليه  
 اوستنه قپودان اولوب نرسانه ده دردست دستكاه  
 انشا اولان سفن همايونك قيج قاره لری الته شهنشترده  
 اولديغي كبي اكريلر وضعيله عقلنجه استحكامه  
 قالقشديغندن عزل وازميره نفي بعده اطلاقله نارد  
 محافظه سنه تعيين اولمغله برمدت صكره اوراده  
 سكين كسكين موته مسلحه زيب فوت اولمشدر  
 (دلی عبد الله پاشا)

مشاراليه چنگال كوينده پس پايه بر بي واينهك اوغلیدر  
 خاصكیاندن اولمغله شجره امالي شاخ اندازی اقبال  
 اولمقدن ناشي بوسه تانجی باشي اولوب صكره

میراخور اول و مضمار کامکاریده کرم عنان  
 ژاژخانی مهممل اولغله بی محاسب سوکوب صایمسیله  
 صانکه قلوب ارادلی جذب و بو حالی وقت و حال  
 اقتضاسیله حقند. توجه عالی بی جلب ایدوب رتبه  
 والای وزارت احسانیه کامران و اوتوز درت  
 رمضانده حسن پاشای مشارالیه اوستنه قیودان  
 و اوتوزای قدر صندال سوار دریای عنوان  
 اولدقدنصرکه عزل و قره حصار صاحب سنجاغنه  
 نقل ایله درعلیه ده اقامته مأمور ایکن اوتوز سکر  
 صفرنده مزاج و قمت ایجابی اوزره ارادل و اشقیانک  
 اغزینی طوتر واد بسزی سوکوب صایمسیله  
 قورقیدوب ضبط ایدر مأمولیه از میری حاجی صالح  
 پاشاک اوستنه صدر اعظم اولدقدن مصالح نازکه  
 دولعلیه بی درکه و قدر و کلای سلطنت سنیه بی  
 فرقه دقت ایتیموب ارادلجه ژاژخانی حرکتی جهتیله  
 دردنجی ایده عزل ایله دردولتدن دور واز نیکمیده  
 اقامته مأمور اولغله اوراده فجاة فوت و سر نهاده  
 سنک موت اولمشدر

(نصوح زاده علی پاشا)

مشارالیه قلیون قیودانلرندن اولغله واررق قیودانه

همایون



هم ایون اولوب سفن همایوندن چند قطعه تکنه ایله  
 اولکو بنار صوری محافظه سنده ایکن عصر سلطان  
 محمد خان عدلی اولان اوتوزیدی صفرنده دلی  
 عبدالله یاشای مشارالیه اوستنه قبودان وفاتدره  
 کشای فلوقة شان اولغله برقاچ ای صکره ساقز  
 اطه سنی روملرک محاصره سی جه تیه امداد ایتک  
 اوزره دوغمالیه شرع کشای روان اووب دوغمالک  
 کلدیکنی روم تکنه لری طویدیغی انده فراریتمرله  
 مشارالیه واروب ساقزاو کنده لکر اندازی قرار اوزره  
 ایکن شرب مدامه مداومتدن و اصول دریاچه  
 لازم کلان حزم و احتیاطه عدم رعایتدن برکجه  
 روم طرفدن شعله انداز احراق و مشارالیه بندیکی  
 قیاغه ربط و الصاق اولنان آتش کیسندن کی  
 واهالی بی احراق و مشارالیه دخی مست خواب ایکن  
 قالقوب کینک قیچنده اصیاو فلوقة یه اتبله رق ایپنی  
 پچاقلد قده برطرفی کسیاوب فلوقة باشی اشاغی  
 اولجه دکره دوشوب باتوب چیقارایکن یوقاریدن  
 یانمش براغاچ پاره سی دخی باشنه دوغمالکله کاسه سیری  
 از یلوب غرق دریای رحمت حلاق اولدیغندن  
 اول وقت ساقز محافظی بولنان وحید پاشا طرفدن

ايرتسی کونی بالتمفتیش مشارالیهک نعشی بولدی ریله رق  
غسل و تکفین الیه تدفین اولمشدر

(طوپچی باشی قره محمد پاشا)

مشارالیه انطاکیه اهلیندن ونصیری طائفه سندندر  
درعلیه کلوب طوبخانه یه نفر یازاد یغندن واررق  
طوپچی باشی اولوب ضبط و ربطله شهرته وروم  
فسادی جهتیه احتیاطه مبنی باروتخانه قضاری  
اهالینک اسلحه سی اخذ و جعنه مأموریتنده مسلحه  
زیب ظهور اولان حسن خدمته مکافاة اوله رق  
وزارتله اق دکر بوغازی محافظه سی احسان  
واوخلالده نصوح زاده علی پاشای مشارالیهک احتراقی  
ظهور یله او توزیدی شو النده قپودان اولوب  
بوغازدن دوغمالیه موره اوستنه شرعکشیائی عزیمتی  
فرمان بیورلمه له مطلوب اولان صوره واره مد یغنه  
مبنی عزل و لمنی اطه سی محافظه سنه نقل و بعد زمان  
انقره سنجاغنه واصل اولوب اوراده اولین منزل  
آخرته پانهاده اولمشدر

(عزت محمد پاشا)

مشارالیه دارنده لی حسن پاشانک یکسیدر خلیج  
بحر سیاه

بحر سیاه محافظه سیله بیوک دره صحراننده خیمه ارای  
 اقامت اوزره اولان خنداوند کار متصرفی یا غلبه  
 ابراهیم پاشا کتخداسی اولغله مشارالیهک همینه  
 نائل رتبه میرمیرانی صکره وزارت و اناطولی ایالتی  
 توجیهیله قره دکن بوغازی محافظه سنده خیمه زیب  
 کامرانی اولوب قرق برده و قوعلولان وقعه خیریه ده  
 اغا حسین پاشایله بالمعیه یکی او طه لک اوستنه کیدوب  
 احراق و ملغناک الغاسیله قزان و کچک لرنیک  
 احترافنده حسن خدمت ایتدیکند مبنی بیک ایکوز  
 قرق ایکی رجبنده محمد خسرو پاشای مشارالیهک  
 ایکنجی عزلنده قیودان و ترسانه ارای عزو عنوان  
 اولوب قرق اوچ تاریخننده ظهور ایدن روسیه  
 محاربه سنده وار قلعه سنک محافظه سنه مأمور  
 و قلعه نیک ترکیله طیشارو چیقوب ایدوسنده مخیم  
 سردارییه وصولنده قرق درت جهادی الاخرنده  
 سلیم محمد پاشا اوستنه مهر همایونه نیل ایله مظهر  
 اتم سرور و ایکی ایده عزل ایله کلیبولیده ارام و اقامته  
 مأمور اولوب بعده وزارت بقا و انقره مشیرلکی  
 اعطاسیله تزیب اردوسی عسکری حافظ پاشایه

قوة الظهر متانت اولق او زره عساکر نظامیه  
 و سائرہ دن قومانداسنہ تسلیم اولنان او توز بیگ  
 عسکر ایلہ حلبہ طوغر و عزیمتی فرمان بیورلمغہ مرعش  
 طرفلرینہ وارر وارمن حافظ پاشاک ہزیمتی خبریلہ  
 بونک اداره سندنہ اولان اردودخی پریشان اولدی یغندن  
 مشیرلکی دفعلہ اولا کلیبولیہ و صکرہ کلوب  
 استانبولدی کی ساحلخانہ سندنہ اقامتی ارادہ  
 بیوریلوب اولارالق در دست اولان مصر مادہ سنہ  
 مبنی بریۃ الشام سرعسکری تعیینی تنسیب اولمقدن ناشی  
 مناسب محلہ بولمقی اوزرہ بیغاشنجاغی اعطا و بوغاز  
 محافظہ سنہ ارسال و اسرا اولنوب اورادن بریۃ الشام  
 اردو سنہ سرعسکرلکی اجرا اولندی یغندن ارسال  
 اولنان دونما ایلہ واروب بیروت محاربہ سندن صکرہ  
 قضایلہ کند و کندوی ایاغندن اوررق یارہلدیکچون  
 خستہ لندیکی سبیلہ عزل وادرنہ مشیرلکنہ نقل  
 اولنوب تکفور طاغنه کلد کدہ مدد او اضمندہ اقامت  
 اوزرہ ایکن ادرنہ مشیرلکندن عزل ایلہ استانبولہ  
 کلمسی و یارہ سنہ با قدر می فرمان بیورلمغہ وصول ایلہ  
 ساحلخانہ سندنہ کوشہ کیر حول ایکن الی یدی  
 شوالندہ



شوالنده محمد امین رؤف پاشا ك او چنجی عزلنده ثابا  
 صدر اعظم و تسویه ساز مصالح ام اولوب طقوزنجی  
 ای انفصال و هفتة سنده ادرنه مشیر لکنه اتصال ایله  
 برسنه دنصكره عزلی ظهور و تكفور طاعنده کی  
 چفتلكنده اقامته مأمور اولدیغنده اول اراده راحت  
 و حضور اوزره در

### (پاپو چنجی احمد پاشا)

مشارالیه طر بزونده کی ریزه اها لیسندن اولوب اوراده  
 پاپو چچیلیق صنعتی او كرنه رك در علیه کلمه  
 برمدت پاپو چچیلقدہ مشته دن اشته خالد نصكره اول  
 وقتك اصولی اوزره ترسانه یه باش چاوش معینه چاوش  
 یازلمغله برارالق باش چاوش و کیلی اولوب مكه مكرمه  
 مفتاحی كلد كده كاغد خانه ده ترتیب اولسان  
 ضیافتلرده حسن خدمت ایتدیكندن باش اغاتعین  
 اولنغله اون بش و اون الی سنده مدت باش اغالق  
 و ترسانه كتخد الغیله امرار وقت ایدوب نهایت  
 قرق برتار بنخنده وقوعه كلان وقعه خیره ده كوزل  
 خدمت اینمكه قیوچی باشیلقله غلطه و بعده لیسان  
 نظارتی احسانبله دخی فرحان و قرق درت رجبنده

محمد عزت پاشای مشارالیه اوسته رتبهٔ میر میرانی ایله  
 قپودان و صکره وزارت احسانیه ده مستغرق دریای  
 نام و شان اولوب اول سنه روسیه ایله محاربه اولغله  
 دوتما ایله قره د کزه سفر پیا اولد قده بر قتمین اخذیله  
 کتوروب کلدیکندن مظهر التفات پادشاهی  
 اوله رق بیوک دزه اوکنده لنگر انداز قرار اوزره اولان  
 دوتما یی ترسانه یه کتور رایکن محمودیه نام اوچ  
 انبار لوینی ارنبود کوی اقصطیس سنده صیغه  
 اوتورد قلرینه مینی خوفندن زهره چاک و علت مذمنه  
 علاوه سیله ده چوق کچمدن فوت اولوب ایوب  
 انصاری رضی عند الباری جوارنده صندوقه زیب  
 خاکدر

(خلیل رفعت پاشا)

مشارالیه محمد خسرو پاشای مشارالیه کوله سی  
 وچر کس جنسیدر مشارالیه ک مهر دار مهر دیداری  
 اولوب عسا کر منصورهٔ محمدیه سر عسکر لکنده  
 نائل رتبهٔ میر میرانی و قرق اوچ تاریخنده وقوعه کلان  
 روسیه سفرنده وزارت و عسا کر منصورهٔ محمدیه  
 سر عسکر لکی قائم مقام لعی عنوانیه قومانداسنه

ویریلان نظامله شمنی اردوسنه سرعسکراغا حسین  
پاشامعینه اعزام اولوب بعدالعود، روسیه لوالیه واقع  
اولان مصالحه نك تصدیق نامه سنی کتور مکّه بیوک  
ایلچیلک پایه سیله مأمور و قرق بش روز خضری کونی  
پاپوچچی احمد پاشای مشارالیه ک وفاتده سفارته  
ایکن قیودانلق توجه به غرق دریای لطف و سرور  
اولوب قرق الی تاریخنده ظهور ایدن مصر محاربه سنده  
دو نمایله مصر اوزرینه اماله سکان عزیمت و عودت  
ایدوب قرق سکزده طوپخانه مشیرلکی احسان  
وعزو مصاهرته دخی قدم نه خجله گاه شرف و شان  
اولوب الی برد، خسرو پاشای مشارالیه اوستنه عسا کر  
منصوره محمدیه سرعسکرلکی اعطا و برسته صکره  
عزل ایله ساحلخانه لرنده آرام و راحت افزاده ایکن  
تجارت مشیری تعیین واللی بش ربیع الاخرنده  
وقوعبولان جلوس همایون سلطان مجید  
خانیده سعید پاشا اوستنه ثانیاً سرعسکر نصبیله  
کامین اولدقد نصکره سکرنجی ای عزل و چند ماه  
مرورنده مجلس والای احکام عدلیه اعضا الفته  
واصل اولوب ایکی آی مرورنده مجلس مذکوره

رئیس وایکی آی پکر پکمز الی طقوز محرمنده چنکال  
 اوغلو طاهر پاشای آتی الذ کرک ایکنجی عزانده  
 ثابا قپودانلق مسندینه جلیس اولمغله حالامهام  
 دریاه فرمانفرمادر وفقه اه تعالی

(چنکال اوغلو طاهر پاشا)

مشارالیه چنکال اوغلو خلیل قپودان دیدکلری  
 ادمک یکیسنده پک چوق مدت کزوب فن دریایی  
 تحصیل و صکره اول ذاته داماد اوله رق شدت نسبتی  
 تکمیل ایدوب بعدده ترسانه یه یازیله رق قپودان  
 واقرائندن یوزقات زیاده معلوماتله مشار بالبنان  
 اولد یغندن قپودانه همایون اولوب رتبه میر میرانی ایله  
 شاه دریای کامرانی اوله رق اوتوزیدی و اوتوز  
 تار یخلرنده دوتنبا باش بو غلغیله موره یه کیدوب اوادین  
 وقعه سی وقوعنده اوراده بولمغله بر صورتله استانبوله  
 کلنجه ایجاب وقت و مصلحت اقتضاسیله ادرنه یه نفی  
 واجلا و بعده اطلاقله انتفاه سزا اولوب جزایر لوابله  
 فرانسه لونک ارا سنده ظهور ایدن منافسه یی تبسه  
 مأموریتله سفینه سوار عزم و عودتده طوبخانه فریتی  
 نصیله انداختی مدافع دافع الاحزان ایله مشار بالبنان

و چوق



وچوق کچمدن خلیل رفعت پاشانک اولکی عزلنده  
وزارتله قپودان وفورس کشای سرستون شان  
اولوب اللی اوچده عزل و طرابلس غرب ایالتنه نقل  
اولمغله اوراده برقاج سنه عربده جویان عربانله مجادله  
ومحاربه دین صکره عزل ایله استانبوله کلوب برقاج آی  
مرورنده ایدین مشیرالکی اعطا اولمغله برازمدت  
حکومتله تنظیمات خیریه ظهورندن طولای انقصال  
وکلوب ساحلخانه سنده ایدین دعواسیله اشتغال اوزره  
ایکن سعید پاشای اتی الذکر اوستنه ثانی قپودان  
وترسانه زیب عزوعلوان اولوب دوتما ایله افی دکره  
یادبانکشا اوله رق کریده وقوعه کلان روم فسادینی  
دفعه مأمور واول خصوصده حسن خدمتی موج  
پیدای دریای ظهور اولمغله طرف پادشاهیدن  
مرصع سیف احسانبله قرین مباهی اوله رق عودت  
واول صورتله ایکی سنه دن زیاده دیوانخانه اقبالده  
مربع نشین اقامت ایدوب بعده عزل و حالا  
ساحلخانه سنده ارام و حضور اوزره در  
( فراری احمد فوزی پاشا )

مشارالیه چنکال کوینده پیاده قایقچی اولمغله اولمده

شمشیر شمس الایش اقبال و اعتباری حسن التفات  
 جهاندار یله در دوش بهرام اشتهار اولان مشهور  
 سلحدار علی اغاک برادری اولوب کتخدای سر بواین  
 شهر یاری اولان ابراهیم اغاک یالیزی اوراده بولند یغنه  
 مبنی بر صورتله اکاقای قجی اولدیغندن اغای مومی الیهک  
 وفاتنده قطار خدمتکار لرنده بولمغله سلحدار اغا  
 طرفندن النوب اول وقتک اصولی اوزره صوفه لی  
 ایدملکله وقعه خیریه ده اندرون همایونده بولسان  
 خاصکیان گروهی خاصه عسکری اولق اوزره صف  
 بسته ترتیب اولنوب اول طاقه رجال اندرون  
 طرفلرندن دخی ادملر ویر یله رک سواد جمعیتلرینک  
 تکرایتمی فرمان بیورلد یغنه بناء مشار الیه سلحدار اغا  
 طرفندن دخی مشار الیه ارساله اول فرقه یه داخل  
 و قدرینک معاونتی و سلحدار اغای مومی الیهک  
 بغلکیری همیتله تنفس ایدرک سوار ی خاصه  
 میرالایخی رتبه سنه نائل اولد قده روسیه سفری وقتی  
 اولدیغندن سلطان محمود خان عدلی برمدت  
 طرابیده و برازمدت دخی رامی چفتلکی قشلاغنده  
 ارام واقامت بیورمغله اول وقتده یاور حرب کی  
 استخدام

استخدام و اوسيله كسب تمیز تام ایدوب سرکاتی  
مصطفی افندیك وزارت و تر حاله منصبیه مابیندن  
چیقدیغنده مشارالیه وزارتله مابین مشیری اولوب  
حقنده کمال توجه شاهانه درکار اولقی سببیه فوزی  
مخلصیه تخلص بیوریلر ق اظهار مباحات و افتخار  
ایله خیلی مدت اول مسندده دادوستد د نصکره الی  
اوچده طاهر پاشای مشارالیهک اولکی عز لنده  
قیودان واق دکره دونما ایله شرع کشای روان  
اولوب عودت و ایرتسی سنه دخی محمودیه و مسعودیه  
نام ایکی دانه اوچ انبارلی و ممدوحیه و فوزیه و فتحیه  
و تشریفیه و قوفیقیه و نصرتیه و برج ظفر نام یدی  
قطعه قیاق و نظامیه و سودیه و شادیه و حفظ رحان  
و مرآت ظفر و طریر بحری و ناو ک بحری و شهاب  
بحری و نسیم ظفر و فیض اله و قائد ظفر نام اون بر قطعه  
فرقتین و مسیر فرح نام بر قطعه قروت و جای فرح  
و قوس ظفر و فجر سفید نام اوچ قطعه بر یقدن  
عبارت اولان یکر می درت قطعه سفاین و برواپور و ایکی  
اتش کیسی و بونلرک ایچنده یکر می درت بیک نفر بریه  
عسکر یله مصرک اوستنه اماله سکان عزیمت ایدوب

بونغازی چیقجه خداوند کار مبرورک وفاتی ظهور  
 اینمکله مصر ماده سی ماضی ماضی حکمنه قونمشیکن  
 مشارالیهک قصور نظر واستدلالی وعجب عجیب حالی  
 جهتیه دونمائی بر حال ایله الوب مصره کتد کده  
 تبس اولمش مصر ماده سنک بر عکس اولسنه علت  
 ودولار بعه اتفاقیه بریه الشامده چوقدن چوق قان  
 دوکلسنه آت اولدقد نصکره فریقان بحریه دن  
 انکلتزه لو یاور پاشا و مجلس والای احکام عدلیه  
 اعضاسندن مظلوم بک افندی مأموریتیه دونماتک  
 در علیه یه جلبنده مشارالیه باعث فساد اولان  
 کتخداسی شریف اغا ایله مصرده قالمش واللی سکر  
 ذی الحجه سنک ایکنجی کونی اسکندریه ده فجأة فوت  
 اولشدر کتخداسی شریف الاصل دخی ظاهرده  
 افندیسنک اتش فراقیه یانوب یاقلمدن باطنده ایسه  
 افندیسنه پاداش اولمدن افندیسنک ارقه سندن  
 چوق سور میوب اینمشدر نجاوز الله عن سیئاتهما  
 (سعید پاشا)

مشارالیه اندرون همایونده تربیه اولنه رقی اهلیتی  
 سببیه ماینجیلکه سزاوار و مؤخر باش چوقدار  
 اولوب



اولوب برای سیروسفر اول دفعه ادرنه به عزیمت  
 همایون مقرر اولد قده معیتده بولنه جققلرک کیفیتندن  
 طولایی دوچار غضب پادشاهی اوله رق قوناغنده  
 اقامته مأمور و بر قاجای مرو رنده مصر سفرینه  
 سرزدارا کرم تعیین اولنان اغا حسین پاشا معیتله  
 سواری میرلو الغیله سوق ستورایدوب صکره  
 فریقلاک ایله بحر سفید بوغازی محافظی تعیین  
 و اورادن جبله عز و مصاهرت شاهانه ایله قدمنه  
 ربه الحجال مسرت این قلنه رق انا طولی سرعسکرلکی  
 منصب نوحد و ثبله اسکدارده ارام و بعده انا طولی  
 وروم ابلی سرعسکرلکی و فراری احمد فوزی پاشا  
 اوستنه مابین همایون مشیرلکی احسانبله مقضی المرام  
 اولوب جلوس حضرت سلطان مجید خانبله عزل  
 و خلیل رفعت پاشای مشارالیه اوستنه تجارت  
 مشیرلکنه نقل اولد قد نصکره فراری احمد فوزی  
 پاشای مشارالیهک دونما ایله مصره کتدیکی  
 تحققة مد نصکره جه تجارت مشیرلکندن عزل ایله  
 قیودان و دیوانخانه زیب عنوان اولوب دونما تک  
 مصردن جلبنده عزل و ایدین مشیرلکنه واصل اولوب

اورادن دخی انفصال وادرنه مشیرلکنه اتصال ایله  
 برسنه ککنجه عزل وانقره وکنقری مشیرلکنه نقل  
 اولنسه رق استانبولدن کچمک اوزره خیلی مدت  
 درعایه ده اقامت وبعده بالاستیفا عزل ایله احسان  
 شاهانه اولان معاشیله اقسرایده کی قوناغنده ارام  
 واقامت اوزره در ربمزتعالی محول الاحوال جله نك  
 حالی حسن حاله تحویل ایلسون آمین تمت التحریر  
 والرقم بلطف الله تعالی الخالق اللوح والقلم فی خمس  
 رجب المرجب لسنة تسع واربعین ومأتین والف


من هجرة من له العز عليه صلوات

المتواصلات بالف الف


الف

مم

م
















3 1761 06981512 4